

გივი ალხაზიშვილი

მარადი მგზავრი

თბილისი
2015

გივი ალხაზიშვილი – მარადი მგზავრი

დაკაბადონება და დიზაინი: ნიკა ხვედელიძე

ნახატი გარეკანზე:


მიქალოიუს კონსტანტინას ჩურლიონისი, „მზის ჩასვლა“
Mikalojus Konstantinas Čiurlionis - Saulelydis

© გივი ალხაზიშვილი – მარადი მგზავრი

„საუნჯე“, გამომცემელი ვაჟა წონკოლაური
SAUNJE Publishing House, Vazha Tsotskolauri

ISBN 978-9941-451-77-5

წიგნი გამოიცა საქართველოს კულტურისა და ძეგლთა დაცვის
სამინისტროს მხარდაჭერით



საქართველოს ეროვნული
წიგნობის ფონდის
სამინისტრო

მთარგმნელისაგან

კრებულში წარმოდგენილია ათანას ფეტის, ვლადიმირ სოლოვიოვის, ალექსანდრ ბლოკის და ანდრეი ბელის პოეზია. ამ პოეტებიდან ქართულად პირველად ითარგმნა ვლადიმირ სოლოვიოვის და ანდრეი ბელის მრავლი ლექსი. საერთოდ, დასახელებული ოთხივე პოეტის ლექსები ასეთი მოცულობით ჩვენში არასოდეს უთარგმნიათ და არც გამოქვეყნებულა.

კრებულში დაბეჭდილია რაინერ მარიამ რილკეს და გეორგ ჰაიმის ლექსები. ეს ორი პოეტი რადიკალურად განსხვავდება ერთმანეთისგან. რაინერ მარია რილკე სიცოცხლეშივე იქცა ლეგენდად და მისმა გენიალურმა პოეზიამ თავის სიღრმით და სტილისტური ნოვაციებით უდიდესი გავლენა მოახდინა ლიტერატურულ პროცესზე ევროპასა და დანარჩენ მსოფლიოში. აქვეა გამოქვეყნებული აღიარებული ექსპრესიონისტი, გეორგ ჰაიმის რამდენიმე ლექსი.

ტუდორ არგეზი რუმინული პოეზიის კლასიკოსია. იგი ჯერ მართლმადიდებლურ ეკლესიას მიეკედლა, მერე კათოლიკურს და ბოლოს ორივე ეკლესია მიატოვა. მან მთელი ევროპა ფეხით შემოიარა და პოეზიას მიუძღვნა დარჩენილი სიცოცხლე. ტუდორ არგეზი რუმინული პოეზიის ყველაზე მნიშვნელოვანი ფიგურაა მეოცე საუკუნეში.

კრებულს აგვირგვინებს პოლონელი პოტის, ნობელის პრემიის ლაურეატის (1996), ვისლავა შიმბორსკას უაღრესად რაფინირებული და ინტელექტუალური პოეზია.

თითქმის ნახევარი საუკუნეა, სამოცდაათიანი წლებიდან ოცდამეერთე საუკუნის პირველი ათწლეულის ჩათვლით – ინტენსიურად ვთარგმნიდი და პერიოდულად ვაქვეყნებდი აქ წარმოდგენილი პოეტების ლექსებს, რომელიც ერთ კრებულად პირველად დაიბეჭდა. ვფიქრობ, ეს წიგნი გემოვნებიან მკითხველს დააინტერესებს.

ათნას ფეტი



ათანას ფეტი დაიბადა 1820 წელს ორიოლის გუბერნიაში. ქალაქ ვირუს (ესტონეთი) გერმანული პანსიონის დამთავრების შემდეგ ათანას ფეტი სწავლას მოსკოვის უნივერსიტეტში აგრძელებს.

ფეტის პოეტურმა ტალანტმა თავიდანვე მიიპყრო ყურადღება. 1840 წელს გამოვიდა ცხრამეტი წლის პოეტის ლექსების წიგნი „ლირიკული პანთეონი“. მისი პირველი წიგნის გამოსვლის სამი წლის შემდეგ ბელინსკი წერდა, მოსკოვში მცხოვრებ პოეტებს შორის ბ-ნი ფეტი ყველაზე ნიჭიერიაო.

ფეტის პოეზია ჟუკოვსკისა და ტიუტჩევის შემოქმედებიდან იღებს სათავეს. მისი პირველი წიგნი ლერმონტოვის პირველ წიგნთან ერთად გამოვიდა (1840 წელი), ხოლო უკანასკნელი კრებული – საუკუნის მიწურულში, როცა რუსეთში სიმბოლიზმი მკვიდრდებოდა.

ფეტის ლექსების მუსიკალურობაზე ჩაიკოვსკი წერდა: „იგი არა მარტო პოეტი, არამედ პოეტი-მუსიკოსია, რომელიც თითქოს განგებ გაუბრბის ისეთ თემებს, სიტყვებით რომ ადვილად გადმოიცემა... სცდება პოეზიის საზღვრებს და თამამად შემოდის ჩვენს სფეროში (მუსიკის სამყაროში).“

ათანას ფეტი „წმინდა ხელოვნების“ თემატიკისაკენ ისწრაფვოდა მარად. ის დარწმუნებული იყო, რომ შემოქმედისათვის ძვირფასია საგნის „მხოლოდ ერთი

მხარე – მშვენიერება, სილამაზე“, „ხელოვნებაში სხვა მიზანი წარმოუდგენელია“. ფეტის ლიტერატურული პოზიცია მისსავე შემოქმედებაში გამჟღავნდა. ლამაზი პეიზაჟები, დახვეწილი პოეტური ნიუანსები, მუსიკის დონემდე ამაღლებული შინაგანი რიტმი და ბგერწერული ჰარმონია ქმნის ერთ, მთლიან განწყობილებას და ჩვენ ნათლად წარმოგვიდგება ნიადაგ ვარსკვლავებისაკენ მომზირალი, ცას მიყურადებული პოეტი. იგი ბოლომდე ერთგული დარჩა „წმინდა ხელოვნებისა“ და რუსული ლექსი გაამდიდრა უფაქიზესი ლირიზმით, რომელსაც ლიტერატურის ისტორიკოსები ფეტისეულს უწოდებენ ამჟამად. სწორედ ამიტომ ითვლება ფეტი მე-19 საუკუნის რუსული პოეზიის ერთ-ერთ თვალსაჩინო პოეტად.

ა. ფეტი გარდაიცვალა 1892 წლის 21 ნოემბერს მოსკოვში.

* * *

გამოვერიდეთ ბრბოს და სინათლეს,
გადავარჩინეთ სული მკვნესარე,
ჩრდილში ორნი ვართ (როგორც ვინატრე)
და წყნარი ლამე არის მესამე.

გამოიღვიძა გულმა მთვლემარემ
და მოლოდინში ძგერს გამალებით,
ხალხს გავექეცით და დავემალეთ,
ვარსკვლავებს ვერსად დავემალეთ.

მიმოეფინა ლამეს დარდიანს
მსუბუქი კვამლი მალლა წასული,
იმას სჭვრეტს ლამე – რაც მარადია,
არ აქვს სანყისი და დასასრული.

* * *

აღარ მოვუხმობ ჩავლილ სიხარულს,
რად ავაჩქამო სისხლი დაღლილი,
აღარ მოვუხმობ გამქრალ სიყვარულს
და სიყმანვილეს ჩუმი ძახილით.

ბედს დავმორჩილდი უმკაცრესს, მარადს –
წარვსთქვამ ლოცვას და შევიგრძნობ შვებას,
ჩააქრე, ქარო, ჩააქრე ჩქარა
დაუცხრომელი და შმაგი ვნება.

დაე, ცხოვრება – ავადმყოფ სულთა
ბრძოლით დაღლილი – დასრულდეს შვებით,
გავჩნდე იქ, სადაც მდინარის სუნთქვას
ლურჯ გორაკებთან აგრძელებს სტეპი.

იქ, სადაც ყვავის კენტი მაჟალო
და უმჩატესი მიცურავს ნისლი,
იქ, სადაც ძენნამ თმები გაშალა
და მხოლოდ ფუტკრის ზუზუნი ისმის.

თვალი იმედით შეჰყურებს შორეთს,
სად წმინდა ძმათა მელის საუფლო,
მესაიდუმლეთ და გულისსწორებს
ვეძებ და მათთან ჩუმად ვსაუბრობ.

მივყვებით ნათლის უეცარ ციაგს,
თითქოს აღსრულდა ბედის მისნობა,
მე ვტოვებს მინას, მშობლიურ წიაღს
და ვუერთდები მარადისობას.

* * *

როგორ მოხვედი, ვერცხლისფერო ღამეო, ახლოს
და აათრთოლე სული ჩემი სიმაღ გავმული,
მომეცი ფრთები უძლეველი, რომ გადავლახო
ჭაობი ესე, უსულგულო და მოყამული.

შუალამეა, მოციაგე აღმასთა ცვარი –
მთიების შუქი – პირველყოფილ სინყნარეს ითხოვს,
ვით ოკეანე – ზეციური განიხვნა კარი
და სძინავს მიწას და შრიალებს წიაღის სითბო.

და ეს ცოდვილი ანგელოსი – ან ჩემი სული,
ესწრაფვის სივრცეს, სად ღრუბელთა გაქრა აფრები...
შენი სიმაღლით, უხილავო, ვარ ფრთაშესხმული
და შემწევს ძალი ფრინველივით ცაში გაფრენის.

* * *

ფარავდა წყაროს თხელი ყინული,
ყინულს კი თოვლის ღრმა ჩაძინება,
მარტოდენ ფიქრში იყო ხილული
შეუმჩნეველი მისი დინება.

მერე დაენტო სხივი ციმციმა,
გამოკრთა წყაროს თვალი კრიალა,
მზემ მოაცილა ყინვის სიმძიმე
და მწვანე ველზე გაიწკრიალა.

ჟამი ტრფობისა, მე რომ ვინატრე,
ისე ახლოა, ისმის ბგერებად,
ჩანს განთიადის ლურჯი სინათლე
და აყვავებულ სულს ეფერება.

აღვა

ბაღები დუმან და მოწყენილი
 ვათვალიერებ მბჟუტავ გარემოს,
 თრთიან ფოთლები ჩამოცვენილი –
 გამოიღვიძეთ, მწუხრის ზარებო!

ჩემო აღვის ხევ, მხოლოდ შენ ერთი
 ირწევი ველზე ნაირფერებად,
 შენი ოცნება გაზაფხულს ერთვის,
 თუმც შემოდგომის მზე გეფერება.

ჩუ... გაძარცვული დღეები ისევ
 დაფერფლილ სულით კივიან თითქოს,
 შენ დგახარ მარტო, ისწრაფი ცისკენ
 და გახსენდება სამხრეთის სითბო.

* * *

ბურუსში გაქრა ხეივნის ბოლო,
დამძიმებულა გული კაეშნით
და უცნაური ნისლი თუ ბოლი
გაბლანდულია დილის ჰაერში.

ცა მოქუფრული შავ ღრუბლებს აშლის,
სტეპებზე თოვლი მიმოიფინა,
მარტოდენ ყვავი, სუსხიან ქარში,
ფრთების სავსავით მძიმედ მიფრინავს.

გამეფებულა სულში სიცივე,
შემოგარენის სიცივე მკაცრი,
დაღალულ გულში ფიქრი იძინებს,
თვლელმა ერევა ვნებისგან დაცლილს.

მაგრამ იმედი ისევ აშუქებს
მიმქრალ ოცნებას, მოჟამულ არეს,
იქნებ კვლავ შევხვდე ძველ სიჭაბუკეს
და მშობლიური ვიხილო მხარე?!

მხარე ძვირფასი, მყუდრო სავანე,
სად ვნებიანი ოცნება ილტვის,
სად ლაჟვარდების მოჩანს თავანი
და გაზაფხულის ფაჩუნობს კვირტი.

არ შეიძლება

მზე აღმოსავლეთით ამოიზიდა,
 აღმოსავლეთი ჰგავს ზღაპრულ გვირგვინს
 და მგზავრს მინიერს ისევ იზიდევს
 სუყველაფერი, რაც მოჩანს ირგვლივ.

გადაეფინა ლურჯ ზეცას თრთოლვით
 მზის შუქი, გალღვა ღამის სიმძიმე
 და ჩაბჭუტული ვარსკვლავთა ხომლი,
 მოვა ღამე და კვლავ იციმციმებს.

შორი სიცოცხლის ბრწყინვა მეფური
 არ მამშვიდებს და არ მეფერება,
 არ შეიძლება, შეძრწუნებული
 ვუჭვრეტდე ციურ მშვენიერებას.

ცაში რას ვპოვებ? ცაში მარტოდენ
 უსასრულობას თვალნი ერთვიან,
 ღამის ნყვდიადი და სიმარტოვე –
 ეს გზა ღმერთამდე ერთადერთია!

* * *

ოდეს ოცნება უსაზღვრო და მიუტეველი
ისევ გიპოვნის, მოგაცილებს ნისლიან ფარდას,
მე ავტირდები, ვით პირველი იუდეველი,
აღთქმული მიწის სანატრელ ზღვართან.

არ მენანება ის სიზმარი, რომელიც გასცდა
ზღაპრულ სამყაროს და აენტო, როგორც სანთელი,
ოდეს სხეულში სანეტარო ღვიოდა განცდა
და ათრთოლებდა სულს ჟრუანტელი.

ოცნების ფსკერზე გარინდულხარ ფრთაშერუჯული
და შენი სუნთქვა – მძიმე, დაღლილი –
მე მესმის, როგორც შორეული შენი ჩურჩული
და ჩვენი ვნების გამოძახილი.

* * *

მოგესალმები, ისევ მიყვარხარ,
ვერცხლისფერ შუქზე ათრთოლებულო
მყუდრო ღამეო.

ჩავაქრობ სანთელს,
გამოვალეფ ფანჯარას ფრთხილად
და ირგვლივეთს მივაყურადებ...

დაველოდები, უცილობლად დაველოდები,
ოდეს ჭიშკარი გაიღება ჩუმი ჭრიალით
და გამძაფრდება სურნელება
ბნელში დარწეულ ყვავილნარისა
და მთვარის შუქზე აფარფატდება
შენი თეთრი თავსაბურავი.

* * *

რა თავისუფლად ვსუნთქავ ღამით,
თითქოს სივრცე ღამით მეტია,
უეცარ ნიავს გამოვუღებ
დაგმანულ სარკმელს;
რა მსუბუქია და გამჭვირვალე სუნთქვა ღამისა.

მიცურავს მთვარე – ჯადოქარი,
სახურავები მთვარის შუქით მოსარკულია,
ბრწყინავენ ჯვრების ბრილიანტები
და შორს, მთვარესთან, ცის თავანი
ნათელია და უნაპირო.

გარინდებული ვაყურადებ საკუთარ სუნთქვას,
შორეული საათის რეკვას
და გუშაგების გადაძახილს
და აისის მოახლოების მაუნყებელ იდუმალ ჰანგებს,
განთიადისას თვლემამორეულ თვალს ძლივსლა ვახელ,
თუმც ღია სარკმლის მიტოვება კვლავ მენანება.

* * *

ყოველი განცდა ღამით უფრო გასაგებია,
 შემკრთალი სახე
 ბნელში უფრო დიდხანს ცახცახებს,
 ძლივს გასაგონი ბგერებიც მესმის,
 უმოძრაოდ რომ ვნევარ წყვილიაღში.

ო, გონებაში გაიქროლებენ:
 მიუღწეველი, მისაღწევი, დრო გარდასული...
 ჩემს სარეცელთან ბუუტავს ღამპა
 და ფანჯარას მთვარე ანათებს,
 შორს უცაბედი ისმის ზარის ხმა,
 მოცურავენ წმინდა ბგერები
 და სულს მთრთოლვარეს ეუფლებიან.
 მარად ჰპოვებდა გული ამ ხმებში
 ღამის ცვარ-ნამის ნეტარ სიგრილეს...
 კვლავ მეორდება, სულ სხვაგვარად
 მეორდება ჩქამი ზარისა,
 მიმატებია სპილენძის და ვერცხლის ბგერები.

გასაკვირია, როცა მგონია არაფერს ვუსმენ, –
 ყურს მაინც ესმის,
 ენაცვლება ტალღებივით ფიქრები ფიქრებს,
 მერე კი ფსკერზე მინაბული მზერა მოიცავს
 ყოველივეს: ღამპას, ღამეს, შორეულ ბგერებს.

შუაღამისას ზოგჯერ ცხადლივ ვხედავ სიზმარს,
 როგორც დახრუკულ ჯაგნარებში – მთვლემარ ყაყაჩოს.

* * *

გულო, ჩემო პატარავ,
 იყავ მარად მშვიდი,
 გულო, ჩემო პატარავ,
 რატომ შემიშინდი?!
 მოურჩენელ იარებს
 სული გაიზიარებს,
 უფალია მფარველი,
 იავ ნანინაო!

ნუ იდარდებ, ჭრილობა
 მალე დაგიყუჩდება,
 შენი კარგი გადია
 მალე დაგიბრუნდება.
 ვიცი, ძლიერ გნადია –
 მოვა შენი გადია,
 დაიძინე, პატარავ,
 იავ ნანინაო!

ის არ მოვა? – სხვა მოვა,
 მოვა, ყელს მოიღერებს,
 ახლო ჩამოგიჯდება
 და ნაზი ხმით გიმღერებს:
 „ნუთუ არ გებრალეები,
 გთხოვ, დახუჭო თვალები,
 დაიძინე, პატარავ,
 იავ ნანინაო!“

რატომ დარდობ, ნუთუ ძველი
 გაგახსენდა გადია?
 სევდიანი დღეები
 ასე ჩუმად გადიან.

რატომ აღარ მოდის,
 ველარ უძლებ ლოდინს,
 დაიძინე, პატარავ,
 იავ ნანინაო!

მალე მოვა ზაფხული,
 ჩუმად მეტყვი: – გამიშვი.
 ამოგიყვან აკვნიდან
 და დიდ სანოლს გაგიშლი.
 გენტოს ჩემი სანთელი,
 განათებდეს ნათელი,
 დაიძინე, პატარავ,
 იავ ნანინაო!

და გაივლის ზაფხული,
 რა იქნება შემდეგ?
 – დაიძინე ტკბილად
 განშორების დღემდე.
 დათმო ბრძოლას მედგარს,
 შეწყვეტ გულის ფეთქვას,
 სამუდამოდ დაიძინებ,
 იავ ნანინაო!

* * *

ნისლი დაეცა ველებს შორეულს,
ოდეს დაისი სივრცეს ტოვებდა,
შევყურებ ტყეებს წყნარს, ბინდმორეულს
და შუქს მთრთოლვარეს მაღალ რტოებთან.

განიბნევიან, თრთოლვით ქრებიან,
იკარგებიან სხივნი დროებით
და ნელინელად უერთდებიან
სიბნელეს ხეთა კენწეროები.

ასე თანდათან, დაუსაბამოდ,
ამოიყრიან ჩრდილებს, ვით სიზმრებს,
თქვენ გითვალთვალეთ მთელი საღამო,
დაუსრულებლივ გიმზერთ და გიმზერთ.

ჩამავალი მზის ისრუტავთ ციაგს,
მერე საკუთარ შარიშურს ისმენთ –
რაც უფრო მძრაფრად განიცდით წიაღს,
მით უფრო მეტად ისწრაფით ცისკენ.

ავადმყოფი

მას აწვალეებდა მძიმე სენი, სიცხით იწვოდა,
 სიცოცხლე სურდა ხველებით დაღლილს.
 სად გაქცეოდა ხალხის ყაყანს, აღარ იცოდა,
 სამარადისოდ შესძულდა ხალხი.

იჯდა ოთახში, ვით საკანში ზის პატიმარი,
 იმზირებოდა ფანჯრიდან ხარბად,
 სურდა სიცოცხლე, ფანჯრის იქით წყნარად მდინარი
 ენატრებოდა გამჭვირვალე ჰაერი ალბათ.

ცხოვრებას სჭვრეტდა,
 ვით ზმანებას ცხადივით ხილულს,
 თეთრი დღეები მოცურავდნენ, როგორც გედები
 და მოკაშკაშე მზე ალლობდა დარჩენილ ყინულს
 და სახურავზე წკრიალებდნენ მძიმე წვეთები.

იჯდა სარკმელთან, მონყენილი ასე ფიქრობდა:
 – ო, გაზაფხული მალე მოვა – ჩემი მკურნალი.
 გაზაფხულისკენ ოცნებაში სწრაფად მიქროდა,
 ღია სარკმელთან იჯდა მდუმარი.

* * *

ნუ მეკითხები, რაზე ვფიქრობ, რომ ვირინდები,
ო, ვერ გაგიმხელ, მერიდება გამხელა თითქოს,
შმაგი ოცნებით სული ივსება
და უნებლიეთ წარსულისკენ გაფრენას ითხოვს.

მშვენიერებამ შემიტყუა წრეში მორჩილად,
შევხედე, გული შეტოკდა და დღემდის არ ცხრება.
ასე თრთის მტრედი ფრთაშეკრული და შებორკილი,
მონუსხულივით ფანჯრის მინებს რომ ენარცხება.

იმავე ვნებებით აღარა ვარ ან აგზნებული,
ბრმად არ ვესწრაფი მშვენიერის ბრწყინვას წამლეკავს,
თუმც ძველისძველი საათივით თითქოს ეს გული
ჟამიდან ჟამად უცაბედად მაინც დარეკავს.

მე მახსენდება სიყმაწვილე, ცა იდუმალი,
იასამანი ცრემლში კრთებოდა,
ო, იმ დღეს დედა ავად იყო, იწვა მდუმარე
და მეგობარი შორი გზისკენ ეშურებოდა.

ღრუბლიანი და მოჟამული ჩანდა ხედები,
დუმდნენ მერცხლები, გაზაფხულის ლალი მგოსნები
და სახურავზე მობუზულნი ისხდნენ მტრედები
და ცახცახებდნენ, შეყუჟულნი თვლემდნენ ფრთოსნები.

ჭასთან, სად მოლი ფეთქავს ბიბინა,
სადაც ბადია ჩანდა პატარა,
შავმა ყორანმა გადაიფრინა
და შემზარავად დაიყრანტალა.

გავიდა ჟამი, გაიფანტა კვამლი კაეშნის,
გულში ეჭვებად დაილექა ტყუილ-მართალი,
გიმზერ თვალეებში, ვნებიან და ჭკვიან თვალეებში,
და ათრთოლებულს კვლავ ჩამესმის ყორნის ყრანტალი.

* * *

დრო რაც უფრო გვაშორებს
და გვაფარებს ღამეს,
უფრო ხშირად ვიგონებ
დაუფინყარ ნამებს.

არ ვგრძნობ წლების სიმკაცრეს,
სიახლოვეს სიბერის,
ოდეს ნამნამებიდან
გამოკრთება ცისფერი.

მეძალება ეჭვები,
ველარ ვუძლებ ნალველს –
ბრბოში როგორ დავტოვო
ეგ უმანკო სახე?!

აუხდენელ ოცნებას,
ვიცოდი, ვერ ჰპოვებდი, –
შენი წმინდა ტაძარი
არის სული პოეტის.

* * *

გუშინ ტყე თრთოდა უკანასკნელი
ფოთლის თრთოლვით და ზამთარს ელოდა,
საშემოდგომო ყანა გაფენილ
ხალიჩას ჰგავდა, მზეზე თბებოდა.

დღეს კი ვიგონებ გაქცეულ ზაფხულს
და ცივი ქარი რტოებს აწვალებს,
კვლავ გადაჰყურებს ხეებს გაძარცულს
ფიჭვი ამაყი და მარადმწვანე.

უეცრად ჩაქრა სიტურფე ფერთა
და დაეუფლა ყოველს სიბერე,
ცასა და მინას, ყველაფერს ერთად
დაეპატრონა სინაცრისფერე.

ჩაქრა მინდორი, გადამხმარ ბალახს
მობეზრდა ცივი ქარის წანწალი,
აღარ იგრძნობა მფეთქავი ძალა,
სიცოცხლის კვალი და ნიშანწყალი.

და მოიისფრო ბურუსთან ერთად,
ჰაეროვანი, მსუბუქი ქროლვით,
უცებ აღმოვჩნდით თოვლიან მთებთან,
სად საუფლოა მარადი თოვლის.

* * *

ჩამოშალა აკაცია
 მოყვავილე ტოტი,
 გაზაფხული ამ ხეივანს
 გადახურავს როდის?

ცხელი ქარი უბერავდა,
 ჩვენ ვისხედით ჩრდილში,
 ოქროსფერი დღე ქრებოდა.
 ხმა ისმოდა ქვიშის.

ყურს ვუგდებდი ფუტკრის ზუზუნს,
 და გულს – ვნებით ავსილს,
 ეშინოდა, რამე გეთქვა
 აღსარების მსგავსი.

გაზაფხული რთავდა სტეპებს,
 ქარი ქროდა ცხელი
 და შენს ლამაზ ნამწამებზე
 ენთო ნვრილი ცრემლი.

მსურდა, შენთვის რამე მეთქვა –
 საამო და მშვიდი,
 რომ უეცრად ჩვენთან ახლოს
 შეფრთხილდა ჩიტი.

უნებლიეთ გავირინდეთ.
 მომეჩვენა ვითომ?
 რომ თვალებით სთხოვდი ფრთოსანს –
 არ გაფრინდე, ჩიტო!

რა უმანკოდ გვიყურებდა –
 შიშითა და რიდით,
 გასაფრენად ფრთაგაშლილი
 მინდვრის ქრელი ჩიტი.

* * *

ნაძემა ტოტით ნამიშალა გზა-კვალი...
ქარი...

ტყეში მივსეირნობ მარტო,
ტყე ირწევა – უსასრულო აკვანი –
უცნაურად მაშინებს და მართობს.

ქარი დაქრის, როგორც უცხო ფრინველი...
ფოთოლცვენა და ტოტები დახრილი...
ჩუ... შორიდან ისმის გასაკვირველი
უხილავის მარადისი ძახილი.

ულრანებში კვლავ გუგუნებს ქარი,
ხმა გაისმის გადანისლულ გორითა,
მეჩვენება, თითქოს ვინმე ყარიბს
მონყენილი ესალმები შორიდან.

* * *

მთვარის შუქი იღვრება,
დღე შორს დარჩა ჩავლილი,
სულში ამოიღერა,
გაიშალა ყვავილი.

გულში ვით არ გავივლო
ფიქრი შეუჩვეველი,
მავანთათვის, ყვავილო,
რომ ხარ შეუმჩნეველი.

მთვლემარ ბაღში გავივლი
სიმარტოვის მსურველი,
თან მომყვება ყვავილის
საოცარი სურნელი.

Romanzero

I
ვიცი, რად მიმზერ ავადმყოფი ბავშვი ნიადაგ
და მოგონებებს თავს რად ევლები,
რად გამომხედავ ჩაფიქრებით და სევდიანად,
გაბრწყინებული ალალ ცრემლებით.

სულშემხუთველი, საშინელი სიცხეა თქვენთან
და გენატრებათ გრილი ჰაერი,
გაფიქრებს შავი წრეები დღეთა –
შიშისმომგვრელი და სხვანაირი.

მხოლოდ ამ ბაღში ყვავის უცვლელი –
სულის სიმშვიდე და ირწევა ხალიჩა ჩრდილის
და ახლადგაშლილ ვარდის ფურცლებზე
ბრწყინავს უმანკო ცრემლები ჩვილის.

II
ოდეს პირველი სხივი ანთია,
ჩემს საიდუმლოს ვუმხელ განთიადს
და ოდეს მესმის წყაროს ჩუხჩუხი,
ჩემს საიდუმლოს წარვსთქვამ ჩურჩულით.

ლამით, როს მღერის ვარსკვლავთა ქორო,
გულს გადავუხსნი ვარსკვლავებს მხოლოდ.
შენ როცა გიმზერ, შევკრთები უმალ,
არაფერს გეტყვი და ჩემთვის ვდუმვარ.

III
განამებული და წმინდანი მე შენთან ვდგავარ,
თვალეში მიმზერს სული ობოლი,

მე იმქვეყნიურ არსებას ვგაეარ,
თითქოსდა ვიყო სამოთხიდან გამოსმობილი.

არა შემთხვევით – ზეციური მოფრინდა წამი,
გაუფერულდა მინიერი ტანჯვა და სევდა,
ჩაქრება წამი, დაიძინებს მარადი ძილით,
მარადი ძილით – შენს ცრემლიან თვალეში ვხედავ.

ხელები მითრთის, დიან წამები,
უცხო განგებას ქედს ვუხრი და ცრემლი მერევა,
ისმის ბგერები უწმინდესი, განანამები
და ამ ბგერებში ვეძებ, ვეძებ ბედნიერებას.

IV

გუშინდელი დღის ვიხსენებ სიტბოს,
ცას, უსასრულო სილურჯით დაღლილს,
ფოთოლი თრთოდა, მღეროდა თითქოს
და დაგვყურებდნენ ვარსკვლავნი მალლით.

და შადრევანი შორეულ შუქით
გადაიშალა უთვალავ ფერად,
განიხვნა ზეცა, ხმა მესმის ბუკის,
ცამ მიიზიდა დაღლილი მზერა.

დღეს დასცემია ძილქუში ყოველს,
ჩაძირულია ნისლში ნაპირი,
ამ სიბნელეში ველარსად ვპოვე
გადასარკული წყლის ზედაპირი.

არ ვიქანცები ბურუსით, ნისლით,
გულს არ მიწვრილებს ეს ბნელი წუთი,
ხმა შადრევნისა აქ სადღაც ისმის,
იქ, სადღაც, მღერის ვარსკვლავთა გუნდი.

* * *

ცა, ტოტებიდან ჩამოყოფილი,
შემოეხეტა თვალეში მაინც
და ოქროსფერი, მჩატე ქსოვილი
გადაეფინა მდინარე მაინს.

ბუუტავს სინათლე – თან იმალება,
თან გამოსჭვივის ცაცხვის გრილოდან,
აღსრულდა მკაცრი იღუმალემა,
ბნელში გარინდულ ვიოლინოთა.

ხმაურში უფრო გასაგებია
და ძვირფასია ხმები ღვთიური, –
თითქოს ბავშვობის ზღაპრებს ჰყვებიან
და სულს ათრთოლებს ხმა მშობლიური.

აუსრულებელს ვიხსენებ სურვილს,
აღსრულებულიც თვალწინ ინთება
და მელოდიას მიჰყვება გული,
ხან ვნებით ფეთქავს, ხან ირინდება.

წარხდნენ ჯადოსნურ ოცნებით მთვრალი
მოგონებები, წარილტვნენ მაინც,
და ისევ ვხედავ – ბილიკი მთვარის
როგორ ათრთოლებს მდინარე მაინს.

* * *

ოდეს ვუცქერდი ვარსკვლავთა ციავს,
თვალი ამაოდ ეძებდა ნაპირს,
ფრთხილად გაება ჩვენს შორის ძაფი,
ნეტარი თრთოლვით მონყვიტა წიაღს.

ლამის მუსიკა მოჰქონდა წიავს,
ასე მეგონა ვუსმენდი გუშინ,
ო, ვარსკვლავები მას შემდეგ კრთიან,
უფალო, აღარ ქრებიან სულში.

ზმანება

მესიზმრა, თითქოს დამეუფლა მარადი ძილი,
გარდავიცვალე, თვალებს ვერ ვახელ
და სიზმარშივე იმედის ჩრდილი
ამოდ და ნაზად ეფინა სახეს.

და გაურკვეველ ბედნიერებას ველოდი ისევ,
როს უეცრად დარეკეს ზარი,
განათდა სული და მივხვდი მყისვე: –
ბედნიერება ამ უწმინდეს ბგერებში არის.

უწმინდესია, სმენას აოცებს
ხმა ზეციური, ვუსმენ და ვტკბები
და მეჩვენება, შორეული სასაფლაოსკენ
მიმაცილებენ სამრეკლოდან დაძრული ხმები.

თითქოსდა სევდის ყინული გალხვა,
წამით აღვსდექი და ვიმზირები...
მერე ცასავით გამჭვირვალე ბგერათა ტალღას
გავყვები შორს და სიბნელეში ჩავიძირები.

პირველი შრომანი

ჩემო შრომანო, თოვლის საფარველს
შემოიცილებ და მალა, ცისკენ,
გაოცებული თვალს გააპარებ
და გაზაფხულის სიმღერას ისმენ.

ზეციურ სხივის გშვენის ნათელი,
სიზმარეული ბურუსი გართობს,
ტკბილი ზმანებით და ჟრუანტელით
გაზაფხულის მზეს მიჰყვები მარტოდ.

და ისე ფეთქავ, როგორც ქალწული
გაბრუებული ვნებიან წამით,
არ გახსოვს თოვლი და გარდასული
და აგრერიგად მუხთალი ჟამი.

მანის ღამე

გადაიარეს ღრუბლებმა ზანტად,
ვიგრძენი შვება.
ბოლო ღრუბელი, ცაზე რომ ჩანდა,
ახლადმოსულ მთვარესთან ქრება.

ო, ვარსკვლავებით მზერა ამევსო,
თრთიან კვირტები,
ბედნიერებას – თქვი, უნაზესო,
– ამ ცრუ სოფელში ისევ მპირდები?!

ბედნიერება – ეს უღმერთო ყოფა კი არა,
უმსუბუქესი კვამლია ველთა,
ციური გზებით ერთად ვიაროთ,
რომ ვეზიაროთ მარადისს ერთად.

ციური ქალაქი

მიდის ღრუბლების თეთრი ქალაქი,
ჩემი ქალაქი – მსუბუქ ღრუბლების,
ციხის კედლებით, ძვალთშესალაგით,
ეკლესიებით, წყნარი უბნებით.

ვარდისფერ ცაზე თეთრი ქალაქი,
ქვევით მიწაა მთვლემარე, ბნელი,
მიდის ღრუბლების თეთრი ქალაქი,
რა უმწეოა განვდილი ხელი.

უკვე ახლოა დასალიერი,
მიცურავს თეთრი ქალაქის ლანდი,
არ მიწყალობე ფრთები ძლიერი
და რად მიღვივებ გაფრენის წადილს?!

ბუსართან

მიმქრალი ცეცხლის სინათლე მკრთალი,
ცხელი ნაცარი და ნაკვერჩხლები
ღვივიან ბნელში, ფარფატებს ალი
ყაყაჩოებზე, როგორც პეპლები.

დაღლილი მზერა თითქოს მოელის
ლანდს – დამშვიდებას რომ არ მაცლიდა
და სახეები შეუცნობელი
მითვალთვალევენ თითქოს ნაცრიდან.

მომეფერება სრულიად მარტოს
წარსულის სევდა, ლალი ზმანება
და თავს ვიტყუებ, თითქოს არ ვდარდობ
იმ დღეებს, ახლაც რომ მენანება.

სერენადა

ახლოვდება შელამება,
 ქრება ლილო-ჭრილო,
 მზე მწვერვალებს ეფერება,
 დაიძინე, შვილო.

გესმის, ბულბულები მდერენ,
 ვარდო, ნაზად შლილო,
 ნეტა სიმებს ვინ აყლერებს?!
 დაიძინე, შვილო.

ანგელოზთა თვალნი ამო
 ნათელს ფენენ გრილოს,
 და მსუბუქად სუნთქავს ღამე,
 დაიძინე, შვილო.

* * *

მთვარე ანათებს ციურ უდაბნოს,
ბრწყინავს ბალახი მთვარის შუქზე ჩამოცვარული,
თითქოს აგუბებს და აღრმავებს შორეულ დაბლობს,
გრძელი ჩრდილების შრიალი და თრთოლვა ფარული.

ვით ოცნებაში, ყოველივე არის უსაზღვრო,
ზეციურ სწრაფვას გაურკვეველს ეზრდება ფრთები,
ჩემთან რომ იყო, წავიდოდით ისე, უაზროდ,
მთვარით მოქსოვილ ვერცხლისფერ გზებით.

არ გამოჩნდება დამტანჯველი ფიქრის სამანი,
როდის გაქრება ზმანებანი ცხადში ნანახი?
ანათებს მთვარე ცის უდაბნოს – სულის სავანეს
და მთვარის შუქზე დაცვარული ბრწყინავს ბალახი.

* * *

სამხრეთის ღამე, ბულული თივის,
 გულადმა ვნევარ, ახლოა ნუთი,
 ოდეს ღამეში ზღაპრულად ღვივის
 მარად მთრთოლვარე ვარსკვლავთა გუნდი.

და დედამინა (თვალს ვახელ ვიდრე)
 მიექანება, როგორც მენყერი,
 როგორც სამოთხის პირველი მკვიდრი –
 სრულიად მარტო ღამეს შევცქერი.

მე ვისწრაფოდი ცისკენ დაღლილი,
 თუ ვარსკვლავიან ზეცის კიდური
 მოცურდა ჩემთან, ოდეს კვამლივით
 ცაში ვიყავი გამოკიდული.

ღამის სიღრმეებს ვუმზერდი მაშინ,
 ოდეს სიბნელით სული აივსო,
 ღამის უფსკრულში წამიდან-წამში
 ვიძირებოდი სამარადისოდ.

* * *

მხიარულებას მონყურებული
მწარე ღიმილი სახეს შორდება,
ბედნიერების ხმები მეფური –
ნუთუ არასდროს განმეორდება?!

რად შეფრთხილდა გული ხალისით,
როს ვიოლინოს ხმა გავიგონე?!
ნუთუ წარსულის გალობა ისმის,
ღმერთო, მე ისევ წარსულს ვიგონებ.

ისე მივყავარ ნალვლიან დღეთა
მტანჯველ ოცნებას და შეგონებას,
თან მევედრება, თან ისე მთენთავს,
რომ უნაზესად გულს მეფონება.

* * *

მომიახლოვდი... ო, ვნება ღვივის,
 ოდეს ვუცქერდი მაგ თვალთა ციაგს,
 ნუ გერიდება, ეს მე ვარ – სხივი,
 ნეტარებით რომ გითრთოლებს წიაღს.

პატარა სხივით, ვითარცა ფუნჯით,
 მოვხატავ ცას და კლდეებს პიტალოს,
 გავაფერადებ ნაცრისფერს ლურჯად,
 ცას მივუმატებ ფერს მოწითალოს.

თუმცა წყვილია ნაგვშლის სრულიად,
 სულ სხვა სურვილით გული გაერთო,
 დაე, გულგრილი უსასრულობა
 ჩვენი მთრთოლვარე შუქით აენტოს.

Nocturno

უგუმბათოა მონასტერი, ეზო ვერანი,
გუმბათის ნაცვლად – ზეცის თავანი,
მიხვდება ვინმე? ალბათ, ვერავინ,
თუ აქ ოდესმე იყო სავანე.

ამოლამებულ სარკმლიდან ზვერაგ
შენ, მონასტერო, უდაბურ მხარეს,
შრიალებს სურო, იზიდავს მზერას
ბებერი მთვარე.

მნათობის შუქზე ლანდი მავანის
გამოჩნდა წამით,
ნაბიჯების ხმა, მარტოდმავალი
ვის ეძებს ლამით?!

რა სიჩუმეა, მეფობს უკუნი
და ფიქრში ვბორგავ,
თითქოს არასდროს ეგუგუნოს
კედლებში ორლანს.

* * *

შორს თოვლიანი ჩანან ქედები,
 სიბნელემ შთანთქა ველი და კორდი,
 ივსება მზერა ჩუმი ვედრებით, –
 ო, ამ სიბნელეს დავტოვებ როდის?

მენამულ ცასთან, ჭალაკებს შორის,
 ნაბლის ხე მოჩანს პატარა სახლთან,
 როგორც ძვირფასი ვარსკვლავთა ხომლი,
 შენი ფანჯრები აანთეს ახლა.

ეჭვი მღრღნის ისევ და მტკივა მკერდი, –
 „უმანკო სხივად ისევ ციმციმებ?
 ნუთუ შენთანაც, ნუთუ შენ გვერდით
 დამეუფლება მკაცრი სიცივე?“

ახალგაზრდა მუსა

გუშინ მივანდე მშობლიურ მიწას
პატარა მუხის ნორჩი ფესვები
და ამის შემდეგ ფიქრებში ვინვი,
ვიხსენებ, ვუმზერ, ვეაღერებ.

ვლოცავ: – იზარდე, გახდი ძლიერი,
პოეტის ხელით დარგულო მუხავ,
შეუდარები და მშვენიერი
ამოიყარე რტოები უხვად.

საუკუნეთა ტოლი იზარდე,
ვერ შეგაშინებს ქარი და თალხი,
შენი ნაყოფი ღორს უნილადე
და სილამაზით მოხიბლე ხალხი.

* * *

შორს მივდივარ – შორი გზითა,
 შორი გზების მნახველი,
 თან მიმყვება ნიადაგ
 გული – სავსე ნაღველით.

მომდევს შენი ხატება
 სათნო, გასაკვირველი
 და მიგალობს საამოდ,
 როგორც ველის ფრინველი.

სად მივყავარ გზას – მთისკენ,
 სად ლურჯია თავანი
 თუ შორეულ სტეპებზე
 შემიკედლებს მავანი?!

სად მივყავარ გულისთქმას,
 რისთვის დავბორიალობ,
 თან მომყვები, ნიადაგ
 ჩემთან უნდა იარო?!

გმადლობ, ვინც შემეგებეთ
 გულთბილად თუ ყასიდად,
 სად დროს ვსვამდი წუთებით,
 ამ ცხოვრების თასიდან.

სადაც მკერდი ამღერდა
 უახლესი გზნებითა,
 მუზა – მოხეტიალე
 არ დაღლილა გზებითა.

* * *

დამნაშავეა ჩემ წინაშე ხალხი? – ო, არა.
თუმცა ამ ფიქრით თავს ვერ ვიმშვიდებ,
ხალხს დღე აჩქარებს უსასრულო ფიქრით და ზრუნვით
და ღამე, როგორც მშობელი დედა,
დაქანცულებს გულში იხუტებს.
მათ არ იციან, რომ მთელი დღის უსაქმურობით
გაბეზრებული ვიღაც ღამეს ათევს ფიქრებთან?

ბუუტავს სანთელი და საყვარელ აზრის ახლორე
მხდალი ფიქრები იშლებიან ფერად ჩრდილებად.

საამოდ მითრთის სული და გონი –
ეს გული უცებ უგუნური იკაროსავით,
როგორც პეპელა წყვდიადიდან,
სინათლესთან მიფარფატდება
და იდუმალი აზრისკენ ილტვის;
აჰა, საცაა შერუჯული, პანია ფრთებით
წრეს შემოხაზავს სიბნელეში
და სანთლისაკენ სანამებლად
თავის სურვილით კვლავ გაფრინდება...

მაგრამ არ ვიცი, ამ ქვეყანაზე
რას ეწოდება სურვილი და გარდუვალობა.

წყარო

ამ სოფელსა და მთისპირა წალას
კვეთავს მდინარე – მარადი მგზავრი,
შორით კი მოჩანს ტაძარი მკრთალად
და ნისლში არ ჩანს ნათელი ჯვარი.

კვლავ გაანათებს შუქი აისის
ბინდში ჩაძირულ ლამაზ ნახატებს,
ჩუ, გრილ ტალღებში თითქოს გაისმა: –
სულო, იფხიზლე და ილაღადე!

არ იხედება აქეთ არავინ,
ათრთოლებული ტევრისკენ ჯერაც,
მიდის ხმაურით ბრბო შემზარავი,
არავინ უსმენს ბულბულის მღერას.

ვარ მომლოდინე სალამოისა,
ისევ მაცოცხლებს ჰაერი გრილი
და სადაც წყაროს ხმები მოისმის,
სულ მარტოდმარტო გავყვები ბილიკს.

რომ არ დავაფრთხო ნაზი ბულბული,
სალამოს ბინდში შევდგები წამით,
გარინდებული და გალურსული
მივაყურადებ სიგრილეს ლამის.

* * *

ბრწყინავდა ღამე მთვარის სხივებით,
ბნელ სასტუმროში ცახცახებდა სინათლე მკრთალი
და როიალის თრთოდნენ სიმები,
როგორც ჩვენ ვთრთოდით სიმღერით მთვრალნი.

ცრემლმორეული, ვნებიანი ასე მღეროდი –
რომ სიყვარული მარადია, ერთადერთია.
ო, როგორ მსურდა მოგხვეოდი, მოგფერებოდი,
შენ მყვარებოდი, ღამეები შენთვის მეთია.

გავიდა ჟამი მომქანცველი და მოწყენილი,
ღამის წყვდიადში, სიჩუმეში მესმის შენი ხმა
მოგონებათა წიაღიდან შემოფრენილი –
რომ შენ მარტო ხარ, ფოთოლივით გული შეირხა.

რომ ობოლი ხარ, მარტოსული და ისევ მელი,
რომ სხვა მიზანი არ არსებობს, ერთადერთს ელტვი.
ო, როგორ მინდა ჩაგეხუტო, მოგხვიო ხელი,
ისევ მიყვარდე, მოგეფერო, ვიტურო შენთვის.

* * *

ასე დავშორდით, შორს ეხეტები,
 სხვათა საუბარს ისმენ.
 იდუმალ ფიქრში ისევ შევხვდებით,
 ისევ შევხვდებით, ისევ.

მოულოდნელად, ოდეს კაეშანს
 აკრთობს იმედის სხივი,
 შენ იღიმები, დალლილ თვალებში
 ჩემი ოცნება ღვივს.

თუ ხეივანში მალალ ალვების
 ჩუმი შრიალი გესმა,
 ალვის ხეები და ვარსკვლავები
 ამბავს ჰყვებიან ჩემსას.

როდესაც გძინავს და ღამეული
 სხივთა კონები თრთიან
 და როცა ძილში სიზმარეული
 ვნების ქარები ქრიან,

როცა ჩურჩულებ: „მიყვარხარ, გელი“
 და ღამაზ თვალებს ნაბავ,
 მე ვარ სიზმარი, უჩინარ ხელით
 მე ვაშრიალებ საბანს.

ვარსკვლავთა შორის

თანდაყოლილი ბედისწერა ჩემსავით გბორკავთ
და წარმავალ წამს ემონება ყველა ჩემსავით,
ვარსკვლავიან ცას – ცეცხლოვან წიგნს გავშლი და
ვბორგავ,
კითხულობს ზეცის საიდუმლოს გული მკვნესარი.

ისე ახლოა ამქვეყნიურ ყოფის სამანი,
როს ვარსკვლავებით მოჭედილი ზეცა დანათის
ბნელ დედამიწას და ჩურჩულებს ვარსკვლავთ ანბანი:
„შენა ხარ წამი წარმავალი, ჩვენ ვართ მარადი.

უსასრულო ვართ, უსასრულო, მიუწვდომელი,
ამაოდ ეძებ, არას გეტყვის ზეცა მდუმარი,
მისთვის ანთია ამ წყვილიადში ყველა ცთომილი,
რომ უნუგეშომ დღე ინატრო მზეჩაუვალი.

როს სულშეხუთულს სუნთქვა გიჭირს
და მოსწყვეტ მზერას
მინიერ წყვილიადს, გეუფლება სხვა ჟრუანტელი,
ციურ სიღრმეებს, თვალუნვდენელს, შემკრთალი ზვერაგ,
გაურკვეველი, ღამეული გავსებს ნათელი“.

* * *

როს გაზაფხულზე წიალი მინის
 წყურვილს იოკებს, მე მიხარია.
 ხედავ, ფანჯრისკენ სურო მიიწევს,
 ჩუმად მიცოცავს დიდი ხანია?

და აქვე, ბუჩქზე, ბუდეში სხედან,
 ისმის ბარტყების უმწეო ხმები,
 შესაბრალისად უხმობენ დედას,
 ფრენას ცდილობენ პატარა ფრთებით.

მე ვირინდები, თითქოს ვიძინებ,
 პატარა ჩიტო, ხომ არ მშურს შენი?
 ის კი სულ ახლოს ზის და წრიპინებს
 და დედობრივი სინაზე შვენის.

ჩიტი ვერ ამჩნევს ჩემს თვალებს მიმქრალს,
 ქვა თუ ვგონივარ ზეალმართული?!
 დაფრინავს, დასდევს მუმლსა და ქინქლას
 და თავის საქმით არის გართული.

* * *

თბილი ქარი უბერავს,
სტეპზე ფეთქავს სინედლე,
ყორღანებზე ბიბინებს
უმწვანესი სინათლე.

ყორღანებზე ძნელია
მშობლიურ გზის გაგნება,
სად ბილიკი გველივით
ნისლში მიიკლაკნება.

ლაჟვარდოვან ცას ვუმზერ,
სიხარული მინელდა,
ციდან ისმის სიმღერა
მარადიულ ფრინველთა.

მთის სეოზა

ტყის მეტე ტყეა, მწვერვალებს ვზვერავ,
 მოჩანს ცისფერი და ლურჯი მთები,
 სივრცეს თუ დიდხანს მიაპყრობ მზერას,
 მსუბუქ ნისლებში გაკრთება სხვებიც.

დგას ბნელი მუხა, როგორც ოცნება,
 ზურმუხტის შუქი ანათებს არეს
 და მონუსხული ამ საოცრებით
 მივეშურები ჯადოსნურ მხარეს.

თითქოს და სული ლაჟვარდებს გასცდა,
 ბედნიერებით სული სავსეა
 და მეჩვენება, თითქოს ეს განცდა
 უკვე განცდილი წამის მსგავსია.

ბაღში

ბებერო ბაღო, მოშრიალევ, ისევ აქ ვდგავარ,
თანამზრახველო, მოყვავილე და ლალი წლების,
ვით ბავშვობაში – სურნელს შენსას შევიგრძნობ

კვლავაც

და თითქოს მესმის სიყმანვილის მიმქრალი ხმები.

იგივე ცაცხვი – თუმცა დროის ხელით ნაშლილი,
ჩემი სიტყვები მის მერქანზე ამოკვეთილი,
შეცვლილა ბალი და ბალახი ისე გახშირდა,
ვგრძნობ, რომ ტყეებში არ მომელის ჟამი კეთილი.

ყველა ფოთლის და ყველა ტოტის შრიალი თითქოს
აღვიძებს სულში მიმქრალ წუთებს, სხივებად აბამს.
უძვირფასესი ადგილების თრთოლვა და სითბო
გარდასულ დღეებს, მივიწყებულს მაგონებს ამბავს.

ჩამჩურჩულებენ: „გვახსოვს, როგორ ნამოიზარდე
და მერე, ოდეს განშორების აყვავდა დარდი,
შენი მიჯნური სურნელოვანს გიკრეფდა ვარდებს,
გზას გილოცავდა წითელი ვარდით.“

თქვი, სად გაჰფანტე ყვავილები ასე უაზროდ,
სიხარულით რომ ფეთქავდნენ მაშინ?”

– სევდამ დამიჭკნო, ზოგიერთი ყინვამ მოაზრო
და ზოგიერთიც დამეკარგა უეცრად ქარში.

თქვენ ისევ გამკობთ სიმწვანე და თრთოლვა ჩვეული,
გაბრუებთ ხმები უნაპირო და იდუმალი
და თქვენ წინაშე ვდგავარ ბავშვი გზააბნეული,
მეტირება და ველარ ვტირი, ვდგავარ მდუმარი.

მონყანილოზა

უამური ამინდია, ვაბოლებ,
 სახლში ვზივარ, ნისლი წვება ღობესთან.
 წიგნს გადავშლი ერთს, მეორეს და ბოლოს
 თავს ვანებებ, წიგნის კითხვაც მომბეზრდა.

ნაცრისფერი დღე მიინევს ტაატით,
 მიდის, მიდის, წუთით არ იგვიანებს.
 კვლავ წიკნიკებს ჩემი კედლის საათი,
 საათის ხმა ისევ მალიზიანებს.

უცნაური მეუფლება შიში,
 მომეჩვენა, ვილაც ბუხარს აქრობდა.
 რას არ ვფიქრობ, გადაქანცულ ტვინში
 უამრავი სისულელე დაგროვდა.

მაგიდაზე ორთქლი ასდის ჩაიდანს
 და ოთახში ძლივს იგრძნობა სითბო.
 მადლობა ღმერთს, ამ დღესაც გადავიტან,
 მადლობა ღმერთს, მეძინება თითქოს.

მატარებელი

გარეთ თოვლია, თოვლი და ყინვა,
 აქ – სიმყუდროვე, ღიმილი გამხელს
 და თვალნინ შენი ხატება ბრწყინავს,
 შენი ბავშვური, უმანკო სახე.

ო, ანგელოსო, ამ წყვილიდ ღამეს
 გამბედაობით, ეჭვით, ჩურჩულით
 გადავუქროლებთ უღრანებს, ხრამებს,
 გადავუქროლებთ რკინის ურჩხულით.

მატარებელი თოვლსა და სუსხში
 მიჰქრის და ტოვებს ნაპერწკლებს გარეთ
 და გვესიზმრება ნაპირი სულ სხვა,
 ჯერ არნახული, უცნობი მხარე.

კენტი სანთელი აღვივებს სევდას,
 შენ დაღლილი ხარ მგზავრობით, ღამით.
 ჩასძინებია შენს ბებერ დედას,
 დაუფლებია ძილქუშის წამი.

შენი სიტურფით სული მევსება –
 კიდევ ცოტა ხანს გიმზირო, იქნებ.
 ფრთხილობს და თანაც ეალერსება
 გული ამდაგვარ მტკივნეულ ფიქრებს.

და მოვერცხლილი სხივებით მთვარის
 თითქოს ხეები რბიან მძინარე,
 უეცრად თუჯის ცივი ზანზარი,
 მივქრით ხიდზე და ქრება მდინარე.

როგორც ზღაპრული ყვავილნარები
სავსეა ციურ ფერით და ხმებით,
ვნებით სავსეა შენი თვალები,
ჟრუანტელივით სხეულს ედება –
ჟამი-ჟამს ჩემკენ რომ იხედები.

* * *

მე ავადა ვარ, ოფელია, მზერა მელლება,
დამიძაბუნდა გული და ფიქრი,
მიმღერე, ქარი როგორ ეხლება
ძვირფას სამარეს, მარტოდმარტოს და საით მიჰქრის?

ო, სულს, შეჩვეულს მოთქმას და ტირილს,
ვინ გააკვირვებს მწუხარებით – მწუხრისთვის შობილს?!
უმღერე რამე დეზდემონას – მტირალა ტირიფს,
შრიალა ტირიფს – განუყრელ დობილს.

ნაპზე

უმზერ მდინარის ზედაპირს ცისფერს,
 ოცნების აფრას გაშლი,
 – ცა და მდინარე, – ჩურჩულებს მყისვე,
 – ნავი შუაგულ წყალში.

აღარ შრიალებს ნაპირთან ტალღა,
 ჭავლი აბრწყინდა ისევ,
 რა სიჩუმეა, თითქოსდა ახლა
 ლამეც მიჯნურებს გვისმენს.

და გარინდებულს ამ იდილიით
 მესმის შრიალი შორი,
 ცა ვარსკვლავებით მოჭედილია,
 ნავი ვარსკვლავთა შორის
 ნანაობს, გიმზერ, თვალეში გიმზერ,
 შენი ალერსი მინდა,
 მნათობის შუქზე მოჩანხარ ისე,
 როგორც მოსული ციდან.

ო, შემოსილო მთვარეულ ვერცხლით,
 გითრთის ლამაზი მხრები,
 ჩამიქრა სისხლში ველური ცეცხლი
 მოდიდებული ვნების.

ექო

ცაზე იგივე ვარსკვლავი ბჟუტავს,
 მდინარე კვლავაც ჩაუდის ბექობს,
 ოდენ მიჯნურის ხმა აღარ ისმის,
 გაბლანდულია თვალებში ნისლი,
 რა სევდიანად ჩურჩულებს ექო:
 ნისლი!..

იგივე ჭალა, მდუმარე ლანდი,
 იგივე წყაროს საამო მღერა,
 მაგრამ წარსულის ნათელი ხატი
 ვერ გამოკრთება ნისლიდან, მჯერა!
 ჩურჩულებს ექო: –
 ნისლიდან,
 მჯერა!

ისევ იგივე სიმღერას მღერის,
 რასაც ოდესღაც მღეროდა ჩიტი,
 თუმცა სიმღერა არაა მშვიდი,
 გულს სიხარულად არ ეფონება!
 მპასუხობს ექო სევდით და რიდით: –
 არ ეფონება!

ხმა გარდასულის გაქრება ნეტავ,
 თუ უსასრულოდ უნდა მახსოვდეს?!
 ვერ გავაღვიძებ სიზმრიან დღეთა
 ნეტარ ზმანებას ველარასოდეს!
 და შორი ექო აღვივებს სევდას: –
 ველარასოდეს!

* * *

თითქოს ცხოვრება უკვალოდ გაქრა,
საით მიჰქროდა ეული აფრა,
რა მიზნისაკენ ილტვოდა სული?!
გაქრა ოცნება ნებიერ დღეთა,
მინავლდა ვნება, გამოჩნდა მკვეთრად –
ბოლო მიზანი – გზის დასასრული.

გაშიშვლებული ველების მოვლით,
როს დაასრულებს თავის გზას თოვლი,
თითქოს სურს, ქარებს სადმე გაექცეს
და უღრანებში ემსხვრევა მკერდი,
ტყეთა ვერცხლისფერ სიჩუმეს ერთვის,
შლის მარადიულ და ცივ სარეცელს.

სოფელი

მე მიყვარს მყუდრო, შეუდარები,
მივარდნილ სოფლის საღამოები
და შორეული ხმობა ზარების,
სახურავები, ჯვრები, რტოები.

მე მიყვარს მდელოს მწვანე ხასხასი,
როს ფანჯარასთან ორთქლი ამოვა
და ახლობლებთან მშვიდი ბაასი,
როცა თავიდან ვავსებთ სამოვარს.

მიყვარს დუმილი, დუმილს ვაფასებ
თავსაფრიანი დედაკაცების,
მიყვარს თეფშები ფანჯრის რაფაზე
და იმ თეფშებზე შვრიის მარცვლები.

მიყვარს, კალათა ჭრელი წინდებით
ისევ რომ მოჩანს ფანჯრის მინებთან,
კატა – თამაში რომ არ სწყინდება
და გორგალს თათით ეპოტინება.

და შვილიშვილის მორცხვი თვალები,
ყოველივეს რომ ჩუმ-ჩუმად ზვერავს,
პატარა ხელი, ნაფერმკრთალები
და უცაბედად დახრილი მზერა.

ცა ბინდიანი, სხივები მთვარის
და ღამეული სიმღერა ჩიტის,
ლამაზ ფანჯრების წკრიალი წყნარი
და საუბარი საოცრად მშვიდი.

გამოგონილი ჩემი ზღაპარი,
ლამის ჰაერი გრილი, ცინცხალი,
ცნობისმოყვარე თვალთა ლამპარი,
უძვირფასესი, დაუვიწყარი.

* * *

ო, რა ღამეა,
ჰაერი გრილი,
თრთის ვერცხლისფერი
ფოთოლი ჩვილი,
ისევე ბნელია ტირიფის ჩრდილი,
ზღვის ყურეს სძინავს
უშფოთველ ძილით.

და ირგვლივ მეფობს
სიმშვიდე სრული,
ამავე სიჩუმით
სავსეა სული.

თითქოს დღე იყოს
და სულ ერთია,
თუმცა ბრწყინვა და
ჩრდილი მეტია.

უფრო მძაფრია
სურნელი მინდვრის,
უფრო ნათელი
თავი და ფიქრი.

და მკერდს უფროორე
ვნებთან წამის
სურს შეისუნთქოს
ჰაერი ღამის.

* * *

ჩუ... სძინავს ქალაქს, ქუჩები დუმან,
 შორი ვარსკვლავის მკრთალი ციაგი
 ისევ აღვიძებს ფიქრებს იდუმალს,
 სევდით მევსება თითქოს წიაღი.

და როგორც მზერა ტურფა ასულის –
 ფიქრს ისეთივე სინათლე მოსავს,
 მშობლიურ შუქით აღვსილა სული,
 მახარებს ძველი სტუმარის მოსვლა.

და უჩინარმა ნალველი მძიმე
 გაჰფანტა, სუფევს სიმშვიდე სრული
 და შეეგება რწმენას და იმედს
 სისიყვარულოდ გახსნილი გული.

კვლავ მეუფლება საამო განცდა –
 ტკბილი თუ მწარე, ო, ველარ ვარჩევ,
 ამგვარი წვისთვის გული არ გაცვდა,
 ამგვარი წვისთვის მადლობა გამჩენს.

* * *

გაზაფხულია, ხმა იდუმალი
დაუფლებია ღამეულ ბალებს,
უკაცურ გზაზე მივალ მდუმარი,
მომყვება ჩემი დაღლილი სახე.

შრიალებს ეზო ხეივნიანი,
სილურჯე გაკრთა ვარსკვლავთა შორის,
უბერავს ამო, გრილი ნიავი
და ბულბულები მღერიან შორით.

აუხდენელი კვლავ მეზმანება,
აუხდენელი, მინავ, ბებერო,
გულში სურვილი ჩნდება თავნება,
რომ ვინმეს შევხვდე და მოვეფერო.

ბუბუნებს მიწა, ისევ ინება –
განახლდეს, ჩქეფდეს მწვანე ღვარებად.
მოვა დრო, მიწას ჩავეყინები
და აღარავინ არ მეყვარება.

* * *

გავიდეთ ბალში, მეგობარო,
 ღამეა, სძინავთ,
 სუყველას სძინავს,
 ცაზე მხოლოდ ვარსკვლავი ბრწყინავს.

ვერ შეგვამჩნევენ
 დაბურული ხეივნის ჩრდილში,
 მხოლოდ ბულბული გაიგონებს,
 ნუ გიპყრობს შიში.

და ვერც ბულბული გაიგონებს,
 ის ახლა მღერის
 და საიდუმლოს მონამეა
 განვდილი ხელი.

მარტოდენ გული,
 დამიჯერე, მარტოდენ გული
 იგრძნობს, რა ცეცხლი მოგვდებია,
 რა სიყვარული.

მონუსხულები უეცარი
 წვითა და ვნებით,
 შეერთდებიან ნეტარებით
 მთრთოლვარე მხრები.

და განცდას უთქმელს
 გული გულს ეტყვის,
 როს უნებლიეთ, უცაბედად
 ხელი ხელს ერთვის.

ბებური ბალი

უკანასკნელი ყვავილები ჭკნებიან, სცივათ,
უფრო მკაცრ ყინვას მოელიან, ჭკნებიან დარდით.
აგე, ნეკერჩხალს მონითალო ფოთლები სცივივა,
ჩამოხმა ბარდა, ფურცელ-ფურცელ ქარს მიაქვს ვარდი.

პირქუმ ნაძვნარში დილის სხივი ამოიღერა,
არ შეეგება მზეს სიმღერით გუნდი ფრთოსანთა,
მხოლოდ წინკანა იმეორებს იმავ სიმღერას,
გაქრა სიმწვანე, ნაცრისფერი უცბად მოზვავდა.

მრუმე უფსკრულთან ძველისძველი მოჩანს ფარდული,
შევდივარ, თათებმომსხვრეული ლომნი მხვდებიან,
კედელზე უცხო წარწერები მიმოფანტული
თვალს აწუხებენ და მზერაში ავად კრთებიან.

როგორც კედელი, აქვე, ახლო, ცად აღმართულა
საბრალო ფიჭვი და არ ძალმიძს გზების გაგნება
და მთის ბილიკი – ნანვიმარი და დახლართული –
ყვითელ გველივით სადღაც, ველზე მიიკლაკნება.

გამოანგრია მზემ სხივებით ღრუბლების უბე,
გამოანათა, წამით გაკრთა ფერი ბადახშის,
აქედან ვხედავ, წყაროები ერთვიან გუბეს
და უსიცოცხლო კალმახები ყრია ბალახში.

ისევ მარტო ვარ, არავინ ჩანს, არავინ მიხმობს,
სულში დაგროვდა მწუხარება, ტკივილი მუნჯი
და შორს, უფრო შორს, ფიჭვების მიღმა
გარინდული ზღვა მოჩანს, როგორც გუმბათი ლურჯი.

როგორც თოლია, ზღვაზე აფრა გამოჩნდა კენტი,
არ იძირება აფრა ქათქათა,
ზღვას ამობურცულს თითქოს ერთვის, თითქოს არ
ერთვის
და როგორც ღრუბლის თეთრი ფთილა ქრება
თანდათან.

ისევ მაისის ღღე

ო, რა ღამეა, ნეტარებით ფეთქავს ყოველი,
მშობელო მხარევ, ღამეულო, ვარ მადლობელი.

შენი მაისი, ასე ნორჩი, როგორ მოფრინდა,
ყინულეთიდან რა ცინცხალი შემოფოფინდა.

ო, რა ღამეა, ვარსკვლავები ღამეულ ციდან
იმზირებიან თითქოს სულში, წყნარად და მშვიდად.

ბულბულის სტვენას გაიგონებ და გულში ხელად
გაიფაჩუნებს სიყვარული, ჩვეული ღელვა.

არყის ხეები მოელიან ვერცხლისფერ მნათობს,
ფოთლები ნორჩი, გამჭვირვალე მზერას კვლავ ართობს,

ასე პატარძალს, თუმცა ხალხის კვლავ ერიდება,
თეთრ სამოსელში თავი მოსწონს და ირინდება.

ო, არასოდეს, არასოდეს, ღამევ გრძნეულო,
შენ არ ყოფილხარ ასე მჩატე და უსხეულო.

ვმღერი, მოვდივარ, რას დავეძებ, ნეტა რას ველი?
ო, ეს სიმღერა იქნებ არის უკანასკნელი.

* * *

ო, კიდევ დიდხანს იციმციმებს
 ცაზე ვესპერი,
 თუმცა აბრწყინდა ცვალებადი სახე ქალწულის...

იკლაკნებიან ღამის ცვარზე
 ვერცხლის სხივები
 და უკუნეთში ათრთოლებული
 ვარსკვლავეთი ელოდება შორეულ ღრუბელს.

აგე, დაიძრა შორი ღრუბელი
 და მსუბუქ ნიავს მიჰყვა მორჩილად,
 ღამის ქაღალდის ნარიტაცა
 და წყვილიაღმა უნეტარესმა
 შთანთქა ყოველი.

* * *

როგორ მომბეზრდა ეს ლაყბობა,
ამაო და დაუსრულები: .
რაა მაღალი, ანდა რაა მშვენიერება...
მე მივატოვებ მოსაწყენ ხალხს და მეგობარო,
სასაუბროდ ვისწრაფი შენკენ.

ვიცი, შენს ჭკვიან, გიშრის თვალებში
უფრო მეტია მშვენიერება,
ვიდრე მილიონ ფოლიანტში.
ვიცი, ნეტარ სიცოცხლეს ვსვამ
მაგ ვარდისფერი ბაგეებიდან.

ტურფა ყვავილის ნექტარს ჰპოვებს
მხოლოდ ფუტკარი,
მშვენიერების ნაკვალევს გრძნობს
მხოლოდ მხატვარი.

* * *

წვიმს, მიხარია –
 დაინისლა ლბილი მინდორი,
 ფოთოლს სიმწვანე მოემატა
 და ჰაერი გამჭვირვალეა,
 გამოიტყუებს სკებიდან ფუტკრებს
 სურნელება ყვავილებისა,
 წვიმს, მიხარია, შხაპუნა წვიმა
 რწყავს შემოგარენს.
 ვით გიბრწყინავენ სველი თმები
 მშვენიერ შუბლთან,
 ხელები ისე გაგყინვია,
 არ შემიძლია, ბაგეებით რომ არ გაგითბო.

უძილო ღამით, ო, მაღალო იუპიტერო,
 მირჩვენია მივაყურადო ვირთხებისა და თაგვების
წრიპინს
 ან ფანჯარასთან მძიმე ბორბლების დგანდგარს ვუსმინო,
 ვიდრე ამ წვეთებს, უთავბოლოდ რომ წკრიალებენ, –
 თითქოს თუნუქის სახურავზე
 დანყევლილი ფრინველები ბასრი კლანჭებით
 და ნისკარტებით აკაკუნებენ.

იუპიტერო, შემინყალე!
 ზარდე ყვავილნი მშვენიერნი,
 ახარე დაფნა შესამკობად ყმანვილ პოეტის,
 ო, შემინყალე,
 დაეხსენი ღამლამობით სახურავს ჩემსას.

* * *

სული – კუნაპეტ ღამის მნახველი –
უფრო მძიმდება ძველი ნალველით
და ჩაბნელებულ, მდუმარე სახლთან,
სადაც ლანდების სიჩუმე დამხვდა,
სული წალეკა თითქოს სრულებით
მღელვარე ტალღამ თავისუფლების.

დღე უფრო მიყვარს სხივთა მქსოველი,
როს სინათლეში ბრწყინავს ყოველი,
მიყვარს ბალახის აბიბინება,
დრო თავისთვის რომ მიედინება,
როს ათრთოლებულ სულს ეუფლება
დაუსაბამო თავისუფლება.

„ეს, მე ვარ“, – მინდა შევძახო უმაღლეს,
მაგრამ რატომღაც ვჩერდები, ვდუმვარ.

* * *

გესმის თუ არა ფრინველთა ხმობა?
 თბილ ქვეყნებისკენ მიფარფატებს სამკუთხედი
 წეროებისა,

კვლავ შრიალებენ ფოთლები მჭკნარი
 და არყნარში უსტვენს წინკანა.

შენ ჩამჩურჩულებ:

გაზაფხული კვლავ მობრძანდება...

ო, მეგობარო, შევძლებ განა, დაველოდო

იმ ნეტარებას, მომავალში ორივეს რომ დაგვეუფლება?!

ოდეს სარკეში შენს ორეულს,

ბავშვურ ღიმილს ათვალიერებ

და მომხიბვლელ გვირგვინს ისწორებ –

მომეცი ნება,

მივეფერო შენს ლამაზ ნაკვთებს.

მდუმარე ბაღში, გულისსწორო,

ჩემს გიზგიზა კოცონთან გელი.

* * *

ო, როგორ მიყვარს სიბნელეში სარკმელთან დგომა,
ოდეს მნათობი ცის სიღრმიდან გამოანათებს
და ბნელ კედელზე, იატაკზე სარკმლის კვადრატებს
ხატავს სხივებით,
ხოლო იქ, ბაღში, იასამნის და ცაცხვების მრუმე
რტოებში
ისევ ციმციმებს, იჟონება ოქროსფერი, მჩატე ისრები
და დაბლა, მიწას ესხურება სინათლის წვიმა.

ოდეს ფოთოლი ერთადერთი
მთვარის მკრთალ სხივს აეფარება, ივსება შუქით
და მისი ჩრდილი ცახცახებს იქვე –
წამოვიძახებ უნებლიეთ:
ნეტარია, ბედნიერი და უსასრულო,
ვინც ყოვლისშემძლე ბედით – დიანა,
ეზიარა შენს საიდუმლოს.

მწვერვალი

ღრუბლებზე მაღლა და მთებზე მაღლა
 დგახარ ამაყად, სივრცეებს ზვერაჟ,
 ლაყვარდებისკენ იზიდავ ახლაც,
 აღაპყრობინებ მოკვდავებს მზერას.

ვერცხლისფერ თოვლის, ყინულის ფარდა,
 უნათლეს შექზე უფრო ინთება
 და ეგ გვირგვინი უმაღლეს ზღვართან
 უფრო მაღლდება, ცად იზიდება.

შენთან ვერ აღწევს ტყეთა სურნელი,
 ამქვეყნიური ყოფა და ვნება,
 და შენს კედლებთან თეთრი ღრუბელი
 თითქოს საკმევლის კვამლივით ქრება.

* * *

მთელემარე ტბასთან, ლერწმიანში აფრინდა გედი,
ტბის სარკეებში მოლივლივე ტყე იმზირება,
შორს, მწვერვალებთან განათებულ სივრცეებს ერთვის
და ორ ცას შუა იკარგება და იძირება.

სუფთა ჰაერით დაღლილი მკერდი
სუნთქავდა შვებით და ისვენებდა
და სალამოხანს მოჩანდა კენტი –
გზა ვარდისფერი, მაღალ ხეებთან.

მიირწეოდა მსუბუქად ნავი...
მერე იდუმალ დინებას გაჰყვა,
წყნარი ტალღების მჩატე ნანავი
ისე გვირწევდა ნავს, როგორც აკვანს.

საჭეს მართავდი ბავშვური ხელით
და მიცურავდა ნავი მძინარე
იქით, სადაც ტბას ხმაურით, ღელვით
უერთდებოდა ჩქარი მდინარე.

ისხდნენ ვარსკვლავნი ღამეულ ცაზე,
ან აღარ მახსოვს ნეტარი წამი,
რას ჩურჩულებდა ალამი ნავზე,
საით მივყავდით დინებას ღამის.

* * *

გადაიზარდა ჩრდილებში ჩრდილი,
 საღამო მოდის ბნელი ამალით
 და უკანასკნელს ანათებს ბილიკს
 დღე მიმავალი.

ის, რაც ანთებდა სიცოცხლის წადილს,
 მთის გაღმა დარჩა,
 ბჟუტავს მნათობის ფერმკრთალი ლანდი,
 ქსოვს ღამის ფარჩას.

ვით მოგონებას, შევყურებ მნათობს
 დაღლილ თვალებით,
 გაქრა ტყე, წყაროს შუქი არ აკრთობს,
 გაუჩინარდნენ მთის მწვერვალები.

მიცურავს ცაზე მთვარე ეული,
 მიცურავს ზანტად,
 ცა მოყვავილე და ღამეული
 ვარსკვლავებს ფანტავს.

ა. ლ. ბრჟესკაიას

კვლავ გაზაფხულდა, არყის ხეები
და ტირიფები იწყებენ შრიალს,
კვლავ გაზაფხულდა და მახსენდები,
მოგონებები ყვავილებს შლიან.

ო, გაზაფხული გადამელობა,
იმედის შუქი გაკრთა თვალებში,
დაე, ეძინოს ძვირფას მეგობარს,
მშვიდად ეძინოს თბილ სამარეში.

ის ჩამჩურჩულებს: „ისევ მაოცებ,
ვერ უმკურნალებ ორ სნეულს ერთად“.
ოდეს შეივლი სასაფლაოზე,
ყვავილით ხელში მიგულე შენთან.

ვერ დავაბრუნებთ დროს გარდასულს,
ნლები გადიან,
თუმც მომავალი მაინც არის ჩვენი დილემა,
მოჩანს სიკვდილი და სიცოცხლე მაინც მწაღია,
სიტყვა – სიცოცხლე თუმცა ნიშნავს დამორჩილებას.

ა. ლ. ბრჟესკაიას

ო, მეგობარო, შენ მაპატიე,
 ისევ თუ მახრჩობს ცრემლთა ზვირთები,
 შენზე ფიქრებში ღამე ვათიე,
 ისევ გიგონებ და გიფრთხილდები.

თუ იტყვის მხოლოდ ჭკვამხიარული,
 რომ არ შეგვეძლო სიცოცხლე თითქოს,
 არ ათრთოლებდა სულს სიყვარული,
 მშვენიერება, სიკეთე, სითბო.

ნუთუ განსრულდა? სული კვლავ იწვის,
 ტანჯავს სურვილი ცის მოფერების.
 არვინ მპასუხობს, ხმა აღარ ისმის,
 მეორდებიან და ქრებიან შორი ბგერები.

მხოლოდ შენ ერთი დაღლილ გონებას
 მოაწვდენ ძახილს შორს და ღელვიანს,
 დაეუფლება გულს შთაგონება...
 განვედ, სიზმარო, ამ სიზმარში ბევრი ცრემლია.

ეს გარდასული წლები კი არა,
 მე მენანება ის შუქი, ვნება,
 სამყაროში რომ გაინკრიალა
 და სიბნელეში ტირილით ქრება.

Alter ego¹

თქვენთან მოვდივარ, ახლოვდება სალამო გრილი,
 მივალ, მივყვები ქარვისფერ ბილიკს.
 შორს ცა ანთია. ვით სამოთხის ლურჯი კუნძული,
 გამორჩნდა მინა სიბნელიდან ამობურცული.
 ფეთქავს სალამო, სად იწყება მისი სათავე?
 გრილი ნიავი ოდნავ არწევს მწიფე თავთავეებს.
 შორს აღარ წავალ, მდინარესთან გზა რომ უხვევდა,
 მე შემოძლია მთელი ღამე ვიჯდე მუხებთან,
 ვუმზირო გზებს და მყუდრო სალამოს,
 ვიგრძნო, იმედი ყმანვილურ სულს დაუსაბამოს
 ისევ რომ ავსებს. ვით ეს სოფელი,
 ვიყო ნიადაგ გარინდული და კმაყოფილი
 ჩემი მიზნებით და ჩემი ხვედრით.
 აგე, ერთგული, ჭკვიანი ძალღი დაცუცქდა გვერდით,
 მიაყურადა სიბნელეს და უეცარ მზერით
 აღმოაჩინა, – ბალახებში მიცოცავს მწერი.
 თითქოს მომესმა, მომეჩვენა – მძიმე და ზანტი
 შორით ირწევა და ხმიანებს უსახო ლანდი.
 მივაყურადე, გავარჩიე ღამეულ ხმაში
 აუჩქარები ნაბიჯის ხმა ნაცნობი რაშის.

¹ მეორე მე (ლათ.)

ბაზაფსული სამსრეთში

მძიმე ღრუბლებს, შემოგარენს
 ღამით სხივებს აქსოვს მთვარე,
 დღისით ბრწყინავს იანვრის მზე
 და ჩემს ფანჯრებს აელვარებს.

და გაფოთლილ იასამანს
 დასტყობია ზამთრის სითბო,
 ვზივარ ჩემთვის მოთენთილი
 და არაფერს ვდარდობ თითქოს.

მღერის ველი, მღერის გული,
 სისხლი ჩქამობს სიხარულით
 და ვიჯერებ უნებლიეთ
 ხიბლს უეცარ სიყვარულის.

რაზე ვფიქრობ, რაზე ვდარდობ,
 რად შევცქერი მზიან თავანს?!
 გული მიგრძნობს: ჩამოაჭკნობს
 ღამის ყინვა იასამანს.

* * *

მივემგზავრები, სიჩუმეს ერთვის
ჩვეულებრივი სიტყვა – მშვიდობით,
არ ვიცი, საით წამიყვანს ბედი,
ჩემი სევდით და უამინდობით.

ვდუმვარ, სავსეა სული კაეშნით,
შენი სიმკაცრით ვიყავ დალლილი,
თუმც შეიძლება, უცხო მხარეში
მე გავიგონო შენი ძახილი.

ასე ყარიბი, უკაცურ ველზე
ოდეს გასცდება მორიგ მოსახვევს,
მიმოიხედავს, ამაოდ ეძებს
და მაინც ეძებს მგზავრს ან მოსახლეს.

უკვე დაბინდა და შავ კედელთან
ინევს ღრუბელი მძიმედ დახრილი,
შორს, მთის ბილიკთან მწირი შეჩერდა,
დამშვიდობების ესმა ძახილი.

ვლადიმერ სოლოვიოვი



შესანიშნავი ფილოსოფოსისა და პოეტის – ვლადიმირ სოლოვიოვის ლექსთა პირველი წიგნი 1891 წელს გამოვიდა მოსკოვში. ბოლო გამოცემა (ვ.სოლოვიოვი, ლექსები და სახუმარო პიესები, „სოვეტსკი პისატელ“, ლენინგრადის განყოფილება. 1974 წ.) ითვალისწინებს ყველა წინარე გამოცემას, სადაც უფრო სრულადაა წარმოდგენილი მისი პოეტური შემოქმედება.

ვლადიმირ სოლოვიოვი (1853-1900) უფრო ცნობილია, როგორც ფილოსოფოსი, მაგრამ, ამასთანავე, ფრიად ორიგინალური და თავისებური პოეტია, რომელიც ჟუკოვსკის, ტიუტჩევის და ფეტის შემოქმედებით ტრადიციებზე აღიზარდა. ვლადიმირ სოლოვიოვმა დაიმკვიდრა თავისი პოეტური სტილი და როგორც ფილოსოფოსმა და პოეტმა უდიდესი ზეგავლენა მოახდინა მეცხრამეტე საუკუნის ბოლო მეოთხედისა და მეოცე საუკუნის დასაწყისში მოღვაწე რუსი ინტელიგენციის მსოფლმხედველობაზე. „უმცროსი სიმბოლისტები“, განსაკუთრებით კი ანდრეი ბელი, ალექსანდრე ბლოკი, ვიჩესლავ ივანოვი თავს „სოლოვიოვისტებს“ უწოდებდნენ და ამით ამაყოფნენ კიდევ.

ვლადიმერ სოლოვიოვის საპროგრამო ლექსი „პანმონგოლიზმი“ თავისებურად დაუპირისპირდა

გვიანდელი სლავიანოფილების მოსაზრებას: – „მოსკოვი მესამე რომია!“ „პანმონგოლიზმში“ გამოკვეთილი მოსაზრებით სოლოვიოვი იზიარებს ტიუტჩევის ცნობილ პოზიციას, რომ მხოლოდ სიყვარული და რწმენა, ძალადობის უარყოფა უნდა იყოს რუსეთის მისია...

პროზეზის

როცა ნათელში სული შენი იხილავს ერთად
ტყუილს და მართალს, კეთილს და ბოროტს
და შეიყვარებს ერთიანად სამყაროს ფეთქვას, –
ანმყოს და წარსულს, სანყისს და ბოლოს,

როცა დათმენის ნეტარებას იგრძნობს ფრთაგაშლილს, –
როცა გონება იგრძნობს ბოლომდე,
რომ მხოლოდ ბავშვურ წარმოსახვაში
ცოცხლობს სიცრუე და სიბოროტე, –

დადგება ჟამი – შემოქმედი სულის დამტევი
და შენი შუქის სხივი ეული
სამყაროსეულ ნისლებს განდევნის,
სხივი – მინიერ სიზმრებს ჩვეული.

გაქრება ზღუდე და გალღვება ბორკილი ცივი
და გაიგონებ ღვთაებრივი გუნდის გალობას,
როცა ყველაფერს გაანათებს მარადი სხივი
და შეერევა ყოველივეს და მთლიანობას.

ალკეგზი

უსიტყვო აზრებს, გრძნობათა წყურვილს
გულში მთრთოლვარე დინება ახლავს.
ძლივს მოციმციმე იმედს და სურვილს
გადაუარა ცისფერმა ტალღამ.

ცისფერი მთები მალღდება ირგვლივ,
შორს ცისფერი ზღვა ნისლებში მიწვა,
მოშორდა სული მიწიერ გვირგვინს
და სული მაინც ვერ ტოვებს მიწას.

იმედის ნაპირს, სასურველ ნაპირს
თითქოს მივყვები მალლა და მალლა,
უსიტყვო აზრის, გრძნობების მძაფრის,
მოემართება ცისფერი ტალღა.

* * *

საბედისწერო დასასრული სიყვარულისა –
დარდი კი არა, წამებაა თავგანწირულის,
მაგრამ ნელდება მწუხარება დაჭრილ გულისა,
სამოთხის კართან შუქი ნათობს გაზაფხულისა –
მარადიულში მოკიაფე და ჩაძირული.

* * *

ყარიბო მგზავრო, ჩამოვსხდეთ ერთად,
თვალთ გიბნელდება, კრთება თავანი,
სული მოითქვი, შემოდი ჩემთან,
ბინდდება, ჩადის მზე ჩამავალი.

საიდან მოხველ ან საით მიხვალ –
არ გეკითხები, არაფერს გერჩი,
მე გიპასუხებ, სახელს თუ მკითხავ
და სასოებით ჩაგიკრავ მკერდში.

დრო და სიკვდილი არ აკლებს ზრუნვას
ხალხს, და ქვეყანას ანგრევს ლალატი,
ყველაფერს შთანთქავს წყვედიადის ბრუნვა,
სიყვარულია მხოლოდ მარადი.

* * *

გავიდა წელი, დაგტოვე დღეთა
მტანჯველ სრბოლაში, ცრემლი მერევა
და მეჩვენება, რომ შენთან ერთად
მე დამეკარგა ბედნიერება.

გავიდა წელი, გული ღონდება,
ლანდი ხარ შორი და განძარცვეული,
და მხოლოდ წამით თუ მაგონდება
ჩანაცრეხული, ტკბილი წარსული.

* * *

მოჩანს სასახლე დარბაზოვანი,
ოქროს შვიდ ბოძზე მდგარი გრანიტი,
ამკობს დედოფალს შვიდკუთხოვანი
გვირგვინი მბრწყინავ თვალმარგალიტით.

ჩემი დედოფლის ბალებს შეფოთლილს
შვენის ვარდები და ზამბახები,
წყარო ირეკლავს სახეს დედოფლის
და ეფერება თვალებს გახელილს.

მას კი არ ესმის წყაროს სიმღერა,
არც ყვავილები ართობს დედოფალს,
თვალეებში სევდა ამოიღერა,
თვალცრემლიანი გლოვობს მეგობარს.

უმზერს ჩრდილოეთს და ენანება,
როს გათოშილი და შეპყრობილი
ებრძვის უკუნეთს, ბოროტ ზმანებას
და იღუპება მისი ძმობილი.

მოისვრის გვირგვინს, მიდის, შორდება,
მიდის და ტოვებს ოქროს პალატას,
მიუკაკუნებს მოულოდნელად
მეგობარს ცთომილს და მოღალატეს.

იგი მოუვლენს ტანჯულის ზამთარს
აპრილის ნიავს, შორით მონაბერს,
გაცისკროვნდება უმშვიდეს თვალთა
არამქვეყნიურ ნათელს მოაფენს.

დამხობილია ბნელი ძალები,
თანდათანობით იწვის ცდუნება
და სიყვარულით სავსე თვალებით
მეგობარს თვისას ეჩურჩულება:

„გატეხე ფიცი, ფიცი მარადი
და სათნოება გარდაიცვალა.
ო, მეგობარო, შენი ლალატი
ეს გული მაინც არ შეიცვალა“.

* * *

ეს სიცოცხლე თამაშია ლანდების,
ლანდებივით გზას მივყვებით ეკლიანს,
ეს სიცოცხლე შორეული სანთლების
წმინდა დღეთა მკრთალი ანარეკლია.

ო, თანდათან მქრქალდებიან ლანდები,
იკარგება ადრეული მშვენება,
ზმანება კი ისევ გაიფანტება,
არასოდეს აღარ მომეჩვენება.

გამთენიის ნაცრისფერი ბინდია –
დედამიწის ბუნდოვანი მანდილი,
გულში წმინდა ჟრუჟანტელი მინთია,
აღსრულდება ნუთუ გულის წადილი.

შეისმინე მარადისის ძახილი,
დაიჯერე, გაქრებიან ლანდები,
მარადი დღე ახლოვდება ახალი,
ლანდებივით მკრთალდებიან დარდები.

* * *

მშვენიერება ზეციური ზღვაში ინათებს,
 აირეკლება ზღვაში ზეცის მშვენიერება
 და ვნებათაგან თავისუფალ სულის სინათლედ
 ავლენს სიკეთეს მარადიულს და გვეფერება.

ფსკერს არ აფიქრებს ზღვის სინყნარე ან ვის უხმობენ
 ტალღები, როცა სანაპიროს ენარცხებიან,
 ასეა სულიც უდრტვინველი, სიმშვიდეს ჰპოვებს,
 ის უცვლელია, არ აჰყვება სურვილს ვნებიანს.

თავისუფლებას ტყვეობა ცვლის, სიმშვიდეს – დეღვა,
 მიდი-მოდინ, ბრუნდებიან, ქრება, ინთება...
 ის კი ერთია და სტიქიურ სწრაფვაში ელავს
 და მარტოოდენ სტიქიაში იგი ვლინდება.

* * *

იქ, სიშორეში, გიხსენებ ჯერაც,
იქ – საუფლოში მისტიურ ლანდთა, –
სად ვერ აღწევდა მოკვდავთა მზერა,
სადაც არც ცრემლი, არც ლხენა ჩანდა.

ჩემო ქალღმერთო, იქ სულ პირველად
მე დაგინახე ნისლიან ღამით,
მე ვიყავ ბავშვი გასაკვირველი,
საკვირველ სიზმარს ვუმზერდი წამით.

გამომეცხადა შენი ხატება,
შენუხებულმა რალაცა მითხარ,
ბავშვეური ხილვა და მოლანდება
მხოლოდ ოცნება მეგონა დიდხანს.

მაგრამ, როდესაც მოხველ, ცისმარო,
და მომეახლე, მე მივხვდი მაშინ,
რომ შენ არსებობ, არ ხარ სიზმარი,
არ ხარ ზმანება უცნაურ ბავშვის.

უცხო მხარეში, – ვიგონებ დღესაც, –
ოდეს გიხილე ხატი ციური,
მსუბუქად მოსწყდა ბაგეებს შენსას
სიტყვა საამო და მშობლიური.

მშობლიური ხმის თბილი დინება
შენს ლაჟვარდისფერ თვალებში ენთო,
მშობლიური ხმის ამობრწყინება
შენ გამაგონე, შენ, ერთადერთო.

და ყველაფერი, რითაც ვარსებობ,
რასაც გული და გონი მივანდე,
რაც აგრერიგად მეძვირფასება,
შენ შემოგწირე და გინილადე.

„მე“ – უმკაცრესი როგორც სიკვდილი,
ცახცახებს შიშით, ნყვდიადს ბარდება,
გიხილა შორით და ფერმიხდილი
მიდის, უჩუმრად მიემართება.

ის უნდა მოკვდეს, სადღაც გზანვრილზე
ჩაიჩეხება მხდალი მხედარი,
მე ვარ ქურუმიც და შესანირიც,
განამებული, მაგრამ ნეტარი.

* * *

თუმცა ჯაჭვებით უხილავით, მარადიულით,
არამქვეყნიურ ნაპირებთან ჩვენ ვართ მიბმული
და მაინც უნდა გავიაროთ ის წრე ღვთიური,
რაც ზენაარმა დაგვისაზღვრა და რაც იბრუნვის.

ყოველმან, ვინც კი ეთანხმება უმაღლეს ნებას,
თავისი ნებით ნება სხვისა კვლავ აღასრულოს,
რადგან ანათებს უსხეულო უბინოებას
უფლის ნათელი მარადისი და უსასრულო.

* * *

უცხო ქვეყანა, მეტად უცხო მოჩანს ხედები.
ვერ აღვუდგები ბედისწერას ბავშვურ დარდებით,
სიუცხოვეში მარტოსული დავეხეტები,
მიმყვება სევდა მშობლიური ცის ლაჟვარდების.

ჩემი ვარსკვლავი ბრწყინავს სადღაც, სრულიად მარტო,
ზღაპრულ მხარეში შემიტყუებს მისი ციმციმი,
ზღაპრული მხარე შორია და უმისამართო,
მასვედიანებს, გზას მიბინდავს, აღარ მიცინის.

მიაყურადე უკანასკნელ სუნთქვას და განცდას
და უკანასკნელ წვას და სურვილს სულის სნეულის:
ო, რომ შემეძლოს ამ უმწარეს ტანჯვათა ნაცვლად,
რაც მიწერია და რომელსაც ვარ შეჩვეული,

შენ შემოგწირო ამ დარჩენილ დღეთა ნათება
და ყვავილები მხოლოდ შენთვის იხასხასებენ,
თავისუფლება შუქნათელი აღიმართება
და ამქვეყნიურ ზრუნვისაგან სულს მოასვენებ,

რომ გაურბოდნენ გაცისკრებას შავი ლანდები,
რაკი მოგბეზრდა ზმანებანი, მოდი, დევნილო,
სამყაროსეულ დღესასწაულს ღამენათევი,
ყველაზე წმიდა და ნათელი რომ მოევლინო.

* * *

თვალი შეავლე, რა ვრცელია, რარიგად შორი,
გამჭვირვალეა სალამოს ცა, განა მრუმეა,
ო, რა წამია სინათლეს და სიბნელეს შორის,¹
ო, რა წმინდაა, რა სიჩუმეა.

მიაყურადე, – მდუმარება რომ ითენთება,
ხომ გეჩვენება, სოფელს აღარ გაელვიძება,
რომ არასოდეს არ გათენდება,
რომ მარადისი ღამე იწყება.

¹ სტრიქონი ციტირებულია ა.კ. ტოლსტოის ლექსიდან

ნაწყვეტი

რად გასურს ტრფიალი ან მოფერება,
როცა გინთია წმინდა ლამპარი,
როცა სამყაროს სრული მშვენება
შემოდის სულში, როგორც ზღაპარი.

როს ამა სოფლის გზებზე სიზმარი
ცისფერ ბურუსში არხევს წამწამებს,
მიღწეულია როცა მიზანი,
როს გამარჯვება ომს მოასწავებს.

როს ვერცხლის ძაფით გულისწადილი
ერთვის სიზმარს და დარდს, ზეციერო,
პირველყოფილი წვა და ქადილი
შენ დამიბრუნე, ღმერთო, ძლიერო.

* * *

მიდიხარ, გული დარდით ავსილი
ალარ ძგერს ნდომით, ალარც ვედრებით:
სიცრუით, ტანჯვით, მწარე წარსულით
და სიმძიმით თვალებდავსილი
ბედს დაგმობს მდურვით და დაყვედრებით.

ვით მწყურვალ სტეპზე, ქვიშათა შორის,
იელვებს უცებ კუბოთა რიგი,
ასე ხსოვნაში ცივი და შორი
ჩამქრალ ტრფიალის გაკრთება ბოლი
უთქმელ გრძნობათა, სიტყვათა იქით.

და თუ ოდესმე დამარხულ ტრფობას
გამოაღვიძებს შენი ძახილი,
ო, რა ამაო იქნება ხმობა,
ცივ უდაბნოში ეულად ჭკნობა,
პასუხი მკრთალი და გადაღლილი.

* * *

უცხო ქარიშხლის სულში შობილნი –
 გაქრნენ ხილვანი უასაკონი,
 როს იდუმალი, ნმიდა დობილის
 ხმა შემომესმა ძლიესგასაგონი.

და სული ჩემი, როგორც არწივი
 ჯაჭვით დაბმული, ტანჯვამ დაფლითა,
 შეკრთა ტკივილის მძაფრი ქარ-წვიმით,
 განყვიტა ბადე, ცაში აფრინდა.

აფრინდა მალლა, ასცდა მწვერვალებს,
 შეეხო სხივებს მარად მდინართა,
 სადაც სინმინდე მუდამ ელვარებს –
 წამით გაკრთა და გაუჩინარდა.

* * *

უფრთებო სული მიწის ტყვეა, მიწამ შერისხა,
დაემორჩილა იგი მიწას და ცრუ დროებას,
მხოლოდ სიზმარი მერე, უცებ, კვლავ ფრთებს შეისხამს,
მალლა მიიწევს, ტოვებს მიწას, ამაოებას.

გაურკვეველი და ნაცნობი სხივის ნათება,
ხმა ზეციური გალობისა ძლივსგასაგონი,
ჩაუქრობელი კვლავაც თვალწინ აღიმართება,
დაუსაბამო სივრცეების ზოდიაქოთი.

მხოლოდ სიზმარი, მერე მძიმე გამოღვიძება, –
დაელოდები ტანჯვითა და ფიქრით დაღლილი,
არამქვეყნიურ სახილველთა ამობრწყინებას,
რომ გაიგონო წმიდა ხმათა გამოძახილი.

ა.ა. ფეტს, 19 ოქტომბერი, 1884 წ.

ეხება ფრთებით გაფრენილი გედების გუნდი
 დროის და სივრცის ორ ნაპირს და ზეცა იმღვრევა,
 შენ შეიგრძენი ამ შეხების დიადი ნუთი
 და გარდასულთა წმინდა სიმღერა.

შემოიტყუა ტკბილხმოვანმა შენმა გენიამ
 სხვათა ღმერთები ჩვენს ნაპირებთან,
 გამოკრთა სხივი, ამწვანებულ ველს რომ ჰფენია,
 გააღლო თოვლი, გაღლობას რომ არ აპირებდა.

შენს ნამღერალზე აღმოცენდა სტეპებზე დაფნა,
 შენი სიმღერა შეიმოსა მწვანე დაფნითა,
 და მშობლიური პოეზიის არწივი – აფრა,¹
 მოსწყდა უხილავ სივრცეებს და შენთან დაფრინდა.

¹ არწივი – იგულისხმება პუშკინი. 1884 წელს ფეტს რუსეთის მეცნიერებათა აკადემიის პუშკინის სახელობის სრული პრემია მიენიჭა ჰორაციუსისა და გოეთეს ლექსების თარგმნისათვის.

* * *

მოჩვენებათა კრებულებით დაუსაბამოდ
გარშემორტყმული, შებოჭილი უეცრად ვკრთები,
ავი სიზმარი, კურთხეულ ლანდს ვეძებ ამაოდ,
მე რომ შემეხო მსუბუქი ფრთებით.

საკმარისია, დავმორჩილდე ეჭვების წადილს,
დარდი და შიში გულში ჩამიკრავს
და ისევ მესმის ფრთების ქროლვა უხილავ ლანდის,
მისი სიტყვები ჯერ არ ჩამიქრა.

ავი სიზმარი... მოჩვენება, მერე რამდენი!
ვის ვებრალები, მოიმედე არ ვარ შენდობის,
და ძლივსლა ისმის შორეული ხმა მოლანდების:
„გნამდეს, გიყვარდეს და წამიერს ნუ მიენდობი“.

* * *

მე ვიყავ მალლა, ქვევით კი ჩანდა
ბრბო შეგროვილი, შეყრილი ერთად,
არავინ იყო ცაში ჩემ გარდა,
მე ვიყავ მალლა, მე ვიყავ ღმერთთან.

სად გაქრნენ მთები, ამაოდ ვეძებ,
სად გაქრა სივრცე მარად მზიანი,
ვწევარ მარტოკა დანამულ ველზე,
დარდიანი და თვალცრემლიანი.

ვწევარ, თვალეებში შუქი მიქრება,
გადამივლიდეს ნეტა მავანი,
რომ გადამთელოს დაუფიქრებლად
ჩემი სიმაღლით და სითამამით.

მოგილოცავ ახალ წელს

ამ ახალ წელს სულ ახალი საფლავები ხვდებიან, სამწუხაროდ, ახალ ბინას თავს ვერაფერს დააღწევს, დააკვდება ბაგეს სიტყვა, სურვილები ქრებიან, ეჰ, საბრალო მეგობარო, მოგილოცავ ახალ წელს.

ბედისწერამ თუ ჩვენივე სიძაბუნემ ტიალმა მოაფარა სიყვარულს ბოროტ ვნების ფარჩები, მადლობელნი უნდა ვიყოთ, დაცლილია ფიალა, მარად თავისუფალნი, მარად ასე დავრჩებით.

რომ უარვყო სიძაბუნის ჩაბჟუტული კვარი – დრო, დრო მინდა, დრო მომეცი, გვედრი!
ოღონდ სულში არ მიმზერდეს, ვით ცოცხალი მკვდარი – ეს აჩრდილი – აუხდენელ, მიულწეველ ხვედრის.

* * *

თუ სურვილები გაგვირბიან, როგორც ლანდები,
და თუკი აღთქმა ცარიელი სიტყვის დარია,
არ ღირს სიცოცხლე ამ წყვილიადში, ფუჭი დარდები,
არ ღირს სიცოცხლე თუ სიმართლე მართლაც მკვდარია.

მარადისობა რას მიაგებს უაზრო ნადილს,
მარადისობა რად სჭირდება ტყუილს საამოს,
სიცოცხლე ჰქვია ზენაარის სიცოცხლეს ნამდვილს,
უკიდევანოს, უსასრულოს, დაუსაბამოს.

ბავშვური ფიქრი სიზმარეულ გზისკენ მიმართევს,
უკან ვბრუნდები ზენაარის ბრძნული ნებითა,
ჩვენი სიცოცხლე გმირობაა, ხოლო სიმართლე
ანათებს მუდამ ჩაფერფლილი კუბოებიდან.

პანმონგოლიზმი

მძვინვარე სიტყვა – პანმონგოლიზმი
სმენას რატომღაც ესალბუნება,
რაც დიადი თითქოს მოისმის,
უფლის ნებით რომ შექმნა ბუნებამ.

ბიზანტია რომ დაფარა თალხმა,
საკურთხეველი გაცივდა ღვთისა,
როცა მესია უარყო ხალხმა,
ურნმუნოება მოედო ნისლად,

მაშინ აშალა აღმოსავლეთით
ხალხი უცხო და უცნობი ჯიშის
და ბედისწერამ რომი დაფლითა,
მეორე რომი დაემხო შიშით.

არ გვსურს ვიტვირთოთ ძველი ცოდვები
ბიზანტიური ნგრევის და ომის,
თუმც მლიქვნელები კვლავ გვიწოდებენ: –
რუსეთო, შენ ხარ მესამე რომი!

დაე, აღსრულდეს, რადგან ღვთის რისხვას
არ აქვს სანყისი და დასასრული,
ვხედავ, აპირებს ახალ სისხლისღვრას
ჯოგი უცნობი და თავგასული.

აღთაის მთებით, მალაის წყლებთან
აღმოსავლეთის ტომთა ბელადნი
კრებენ ჩინეთის დახრილ კედელთან
ჯარებს, აღჭურვილს ფეხით ყელამდი.

კალიებივით აურაცხელი,
 გაუმაძღარი რბევით, ომებით,
 არამქვეყნიურ ძალის მნახველი –
 ჩრდილოეთისკენ დიან ტომები.

რუსეთო, გაქრა ძველი ედემი,
 არნივი ველარ აღიმართება
 და შენი დროშის მონაფლეთები
 დღეს ყვითელ ბავშვებს მისცეს სათრევად.

ვინ იფიქრებდა, დაქანცულს ომით
 გნახავდი შთენილს სანყალ ფიქრებთან,
 ჩაფერფლილია მესამე რომი,
 ხოლო მეოთხე აღარ იქნება.

* * *

მე შეგიყვარე, შეგიყვარე, ო, უნაზესო,
დღეს სულერთია, მზე დაგვყურებს თუ ავდარია,
უნდა მოვიდე და თვალებით მოგეაღწერსო,
თუმცა ამ სულში სიბნელეა და სიმწარეა.

ხომ არ მატყუებ მოაღწერსე თვალთა მუდარით,¹
ნუთუ შენც ნახვალ, თვალი ცრემლით უნდა ამივსო?!
ო, მშვენიერო, შენ ხარ ჩემი ნავთსაყუდარი –
უმშვიდესი და სამარადისო.

შენ შემეყვარე, შემეყვარე, ო, უნაზესო,
დღეს სულ ერთია, მზე დაგვყურებს თუ ავდარია,
დე, შენმა მზერამ, უნათლესმა და მოაღწერსემ,
გაჰფანტოს სულში რაც დარდია და სიმწარეა.

¹ ლექსი ეძღვნება ფინეთში მდებარე ტბას – საიმა

შოკის ლაგე

ედღენება ვ. ლ. ველიჩკოს

საუკუნეთა სიბოროტით შეგინებული,
ცილისწამებით დაღდასმული იყოს ყოველი,
განკითხვის ჟამი ელის ყველას და ღირსეულად
მოავლენს რისხვას მარადისად ჩაუქრობელი.

ყოვლისმხილველი მოგვევლინა განა ამაოდ,
განა ამაოდ გავიგონეთ ხმა იდუმალი,
შეესო მინას ლაჟვარდები დაუსაბამო,
გადიხსნა კარი პალატათა თავისუფალი.

კაცობრიობის თვალშეუღწევ ცნობიერებას
კვლავ ასაზრდოვებს ჭეშმარიტის წყარო ანკარა,
მას მზვაობართა სილაღენი ვერ მოერევა,
ქვეყნიერება მგლოვიარე ხმებმა დაფარა.

იშვა ნათელი და ნათელი უარყო ბნელმა,
კეთილს და ბოროტს კვლავ გამიჯნავს ბნელში ნათელი,
რაც დაანგრია, შეურაცხყო ავსულის ხელმა,
იგი აღადგენს, – ეშმაკეულს იგი განდევნის.

ნასულავს

მყისვე, როგორც კი
ამქვეყნიურ დარდს გავექცევი,
თქვენ, გარდაცვლილო მეგობრებო,
თქვენ მაგონდებით,
და დროს გარდასულს,
როგორც სიზმარს ისე შევცქერი,
თქვენ კი მოდიხართ უფრო ახლოს,
უფრო გროვდებით.

დღე იფერფლება
და ბინდბუნდში ქრება ნათელი,
ტკბილ-მწარე დარდით, უნმინდესო,
სული მევსება,
მარადიული გაზაფხული,
ვით ჟრუანტელი,
მოედო ჰაერს, ვარსკვლავებით ცა იკვესება.

მე ვიცი, ვიცი,
რომ ზეციდან თქვენ იხედებით,
თქვენ გამარიდეთ
დედამინას და ცრუ დროებას,
თქვენთან შეხვედრა, თქვენთან ყოფნა მეიმედება,
თქვენ დამავინწყეთ ამაოთა ამაოება.

დადგება წამი აღსასრულის,
ზეცის თავანი
გამინათდება,
ჩამიქრება მინა ცბიერი,
დამამშვიდებელს მიმასწავლით ცისფერ სავანეს
და ვარსკვლავებით გამეცსება თვალსაწიერი.

სიყვანვილის მებოგარი

თავად დ. ნ. ცერტელოვს

მძულს ვითომ ჭკვიანური,
ხმამალალი კამათი,
უნაყოფო ხმაური,
ბჭობა და მასლაათი.

გახსოვს, როგორ ქრებოდა
ჩვენი ღამე ცრიატი,
როგორ გვეფერებოდა
სიჩუმე განთიადის.

და სიცოცხლემ – სტუმარმა,
თითქოს ფსკერი შენისლა,
მშვიდმა და იდუმალმა
ჟამმა ბედისწერისამ.

თუმც ჩაგვიქრა სანთელი,
გული ვერ გავიქარვეთ,
ჰყვავის ჩვენი სათქმელი,
ჰყვავის სჯულის ფიქალზე.

* * *

ა. ა. ფეტის ხსოვნას

იყო მოხუცი სნეული დარდით,
უკვირდათ: დიდხანს ცოცხლობს საბრალო...
გარდაიცვალა და რაც დრო გადის,
ვერ შეგირიგდი, შავო საფლავო.

ნიჭი სიმღერის ვერ შთანთქა მიწამ,
თქვა ყველაფერი სულის კარნახით,
ის ცოცხალია და ისევ იწვის
და ისევ ვხარობ მისი დანახვით.

ის ცოცხალია, მწუხარედ კვნესის,
და მავედრებელ ხმას შეჩვეული
მივაყურადებ და თითქოს მესმის,
დარდობს თავის თავს მარტოეული.

* * *

ისევ ამდერდა გული ბებრულად,
ვხარობ სიზმრებით თვალშენისლული,
შორს ყვავილები აყვავებულან,
გამოძახილი მესმის მისნური.

გაცოცხლდა თვალნინ ძველი ზღაპარი,
ვიჯერებ ზღაპრის ფერადოვნებას,
ვპოვე ტკბილ-მწარე თავშესაფარი,
ისევ ძილ-ღვიძილს ერთვის ცხოვრება...

* * *

რა დაგემართა,
შენს თვალეებში შუქი ნეტარი
ვინ ააყვავა,
ვინ მოგმადლა გასაკვირველი?!
ამგვარი სხივი არ მინახავს ცაში, მეტადრე
დედამინაზე არვინაა მსგავსის მხილველი.

ნეტა რას უმზერ,
რას გკარნახობს ფიქრი ფარული?!
საით მიცურავ
ოცნებათა თეთრი მარხილით?!
რა გახსენდება –
ხან მწუხარე, ხან მხიარული –
სად მიგიძღვება უხილავის უხმო ძახილი?!

წამიც და ქრება
შენს თვალეებში სხივთა კრებული,
კვლავ ძველ საუბარს უბრუნდები
თითქოს წვალეებით,
და როგორც ცეცხლი,
სიშორეში ჩანაცრებული,
უღიმლამო და მიმქრალია
შენი თვალეები.

* * *

არ მსურს სიცოცხლე უამური და საცოდავი,
 აღარ ვჭირდები ჩემს დედოფალს ფუჭი თავთავი,
 ან სიყვარული რად სჭირდება უკვდავს მოკვდავის,
 რას ამცნობს მარადს ჩემი ლექსი გაუმართავი.

თუმც ჩემი სული მარადისი და უძველესი
 მიეახლება იდუმალად ციურ დედოფალს,
 ჰანგს დამატკობელს გააგონებს მიუწვდომელი,
 ნათელ ზმანებებს მოიხილავს და მიენდობა.

მერე წამითაც არ დასტოვებს, არ უღალატებს,
 დაე, უწმინდეს სიყვარულის სხივებს აქსოვდეს,
 ბოროტ სტიქიას ნათლის სვეტი გადმონათებს,
 მაგრამ ჩვენს წუხილს გაიხსენებს აღარასოდეს.

უზრალო წინასწარმეტყველება

აქ ისევ ყინავს, დავიარები
გაყინულ გზაზე ცეცხლის მსურველი,
თუმცა მკაცრი ხარ, მიუკარები,
მაინც შევიგრძენ თქვენი სურნელი.

კვლავ მიწოდებენ წინასწარმეტყველს,
ამდევნებიან მტრები გუნდებად,
თქვენთან მართალი ვიქნები მე დღეს,
და, რასაც ვიტყვი, აგისრულდებათ.

მაშ, მომისმინეთ ნათქვამი თრთოლვით:
მზე დააცხუნებს თოვლით შებურვილ
მინას და მყისვე გალღვება თოვლი,
ტყე გაიღვიძებს მიძინებული.

კვლავ ჩამოუვლით გამორჩეული
ბაღების გასწვრივ ყვავილთა ნყებას
და შეისრუტავთ მთელი სხეულით
მაისის ღამის უნათლეს შვებას.

* * *

რასაც ჩვენ ვუმზერთ და მივაკვლიეთ,
 რასაც შევყურებთ თვალგაყინულნი,
 უხილავ სივრცის ანარეკლია,
 მისი ლანდია ჩვენთვის ხილული.

ნუთუ არ იცი, ხმაურს თავნებას
 როდესაც ვუსმენთ მინით დაღლილნი,
 ჩვენ მოზეიმე ტკბილხმოვანების
 გვესმის შეცვლილი გამოძახილი.

ო, მეგობარო, იქნებ არ იცი,
 ამ სამყაროში მხოლოდ ერთია:
 როცა გულს გულის მოესმის ფიცი,
 როცა ერთმანეთს უხმოდ ერთვიან.

* * *

ზურმუხტისფერ თვალებს ვუმზერ შენსას,
ნათელ ხატად გამობრწყინდი ახლაც,
შენი ჩქამი ძილ-ღვიძილში მესმის,
გამიტაცა უახლესმა ტალღამ.

მინიერი აბლაბუდა დარდად
მოგხვევია, – ვცანი შენი სევდა,
ნუ შეკრთები, არ დაგტოვებ მარტოდ,
მაგიური წრე დასრულდა დღეთა.

და მოვყვები შენს ხატებას მაღლა,
შენი ჩქამი ძილ-ღვიძილში მესმა,
შეგვაერთა უხილავმა ტალღამ,
ზურმუხტისფერ თვალებს ვუმზერ შენსას.

* * *

დღე მიიწურა, ამაოთა გაქრა იერი,
 კეთილსაამო სიჩუმეა, ფიქრში ვსაუბრობ,
 სულში კი შენ ხარ, მხოლოდ შენ ხარ, ო, მშვენიერო,
 არ მიატოვე, არ დააგდე შენი საუფლო.

ო, ყველაფერი – მეამბოხე გრძნობათა ღელვა,
 ავი სიცოცხლე, მარადისად გულს რომ მიმღვრევდა, –
 შთანთქა უეცრად სიყვარულის ნადილმა მწველმა,
 საბედისწერო ერთგულებამ კვლავ მომიხელთა.

დღისით ჩანს მთვარე –
 გაცრეცილი ღრუბლის ნაფლეთი,
 სხივაკრეფილი უცდის ღამეს, კვლავ დაღამდება...
 როს შეღამდება, მზე რომ ჩავა შორს, დასაფლეთით,
 მნათობის შუქზე ხომლი ისევ აკიაფდება.

* * *

ამაო სიტყვა, გრძნობა – სტუმარი
მოვა და წავა, სივრცეებს ერთვის,
ჩვენი შეხვედრა – კვლავ იდუმალი,
მარადიული, უცვლელი ბედი.

ამ ცრუ სოფელში შენ ხარ სიცრუე,
წამით გამოჩნდი და გამიცინე,
მაგრამ ის წამი ისე ვირწმუნე,
ვგრძნობ, გამიფანტავს ნისლებს მიწიერს.

ნუ დაიჯერებ, მე მჯერა წამით, –
ჩვენ ერთი წამით ვიყავით ერთად,
ო, რა აზრი აქვს სიტყვებს ან წადილს
ამ მარადიულ და უცვლელ ბედთან.

* * *

ო, მგობარო, არ მჯერა შენი,
 თვალების, სიტყვის – მჯეროდეს რომლის?!
 არც თავს ვუჯერებ და, – ცას რომ შეენის –
 მჯერა მარტოდენ ციური ხომლის.

ციური ხომლი მზერას რომ ერთვის,
 ცითვე მომივლენს ოცნების შრიალს,
 ცის უდაბნოში მარტოდენ ჩემთვის
 ეს ვარსკვლავები ყვავილებს შლიან.

იმ ყვავილებში, ლაჟვარდის ვერცხლით
 ფრთებმოქსოვილო, მიცქერი ციდან,
 მშვენიერი ხარ, ვერავინ შეგცვლის,
 თავისუფალი და მარად წმინდა.

ანდრეი ბელი



ბორის ბუგაევი (ანდრეი ბელი ლიტერატურული ფსევდონიმია) 1880 წელს დაიბადა მოსკოვში. მამამისი ნ. ვ. ბუგაევი ცნობილი მათემატიკოსი იყო, დედა კი შესანიშნავი პიანისტი.

მომავალი მწერალი მოსკოვის უნივერსიტეტში სწავლობდა მათემატიკის ფაკულტეტზე. მოგვიანებით იგი წერდა: „1901 წელს ვყოყმანობდი, – ვინ ვარ მე? კომპოზიტორი, ფილოსოფოსი, ბიოლოგი, პოეტი, ლიტერატორი თუ კრიტიკოსი?“ ბორის ბუგაევის დაეჭვება იმანაც გამოიწვია, რომ მისი პირველი ლექსები სასაცილოდაც არ ეყო მამამისს, ხოლო „დრამატული სიმფონიის“ წაკითხვის შემდეგ ერთმა ახლო მეგობარმა განუცხადა, შენ ჯერ მწერალი არა ხარო. „რომ არა სოლოგიოვები, – იხსენებს ბელი, – „მწერალი“ 1902 წლამდე საერთოდ გაქრებოდა ჰორიზონტიდან“.

ცნობილი ფილოსოფოსისა და პოეტის ვლადიმირ სოლოვიოვის ძმის – მიხეილ სოლოვიოვის სახლში წაიკითხა ბორის ბუგაევმა თავისი „დრამატული სიმფონია“. ამ სახლში აღიარეს იგი ნამდვილ მწერლად, აქვე გადაწყდა, – „დრამატული სიმფონია“ უნდა გამოქვეყნებულყო. მაგრამ მამის საქვეყნოდ ცნობილი სახელისათვის ჩრდილი რომ არ მიეყენებინა შვილის მოდერნისტულ დებიუტს, ურჩიეს, „სიმფონია“ დაბე-

ჭდილიყო ფსევდონიმით. ასე გამოჩნდა დიდ მწერ-
ლობაში ანდრეი ბელი, – მანამდე ბორის ბუგაევი.

თავის ადრეულ ლექსებს თვით ანდრეი ბელი
„ბალმონტის, ვერლენისა და ფეტის ნაზავს“ უწოდებ-
და. მისი პირველი წიგნი „დრამატული სიმფონია“
1902 წელს გამოიცა. წიგნი მთლიანად რიტმული
პროზითაა დაწერილი. 1904 წელს გამოქვეყნებუ-
ლი ლექსთა კრებულით – „ოქრო ლაჟვარდში“ – ან-
დრეი ბელი მკითხველთა წინაშე წარსდგა, როგორც
ჩამოყალიბებული პოეტი. „ფერფლი“ და „ურნა“ მისი
საუკეთესო პოეტური კრებულებია.

ანდრეი ბელის მთელი შემოქმედება უკიდურესად
ავტობიოგრაფიულია.

„საუბარი ანდრეი ბელიზე, როგორც ლირიკოსზე
ან პროზაიკოსზე, მემუარისტისა თუ ლექსის მკვ-
ლევარზე, საპროგრამო ფილოსოფიური სტატიების
ავტორსა თუ ბრწყინვალე პოლემისტზე, – ერთობ
ცალმხრივი იქნება. ანდრეი ბელი, – უპირველეს ყო-
ვლისა, მოღვაწე, ორგანიზატორი, სულისჩამდგმე-
ლი და თეორეტიკოსია სიმბოლიზმისა, თუმცა, მისი
მრავალმხრივი ნიჭიერება ვერ თავსდება ლიტერ-
ატურული სკოლის ფარგლებში...“ (ტ. ხმელნიცკაია).

„უმცროს სიმბოლისტებზე“, ანუ „მეორე ტალ-
ლის“ პოეტებზე, მძაფრი გავლენა მოახდინა შემეც-
ნების ნეოკანტიანურმა თეორიამ, შოპენჰაუერის და
ნიცშეს ესთეტიკურმა იდეებმა და, განსაკუთრებით,
ვლადიმირ სოლოვიოვის მოძღვრებამ „სამყაროს
სულზე“, ჭეშმარიტების, სიკეთის, მშვენიერების ჰარ-
მონიულობაზე, ყოვლად ბრძენ სოფიას სიმბოლოში
გაცხადებულ „მარადიულ ქალურობაზე“, რომელ-
საც უნდა ეხსნა და აელორძინებინა მსოფლიო. მოგ-
ვიანებით, 1910 წელს, ანდრეი ბელიზე არანაკლები

ზეგავლენა მოახდინა რუდოლფ შტაინერმა, მისმა ანთროპოსოფიურმა მოძღვრებამ.

ანდრე ბელის მთელი ცხოვრება, მთელი შემოქმედება აღსავსეა განუწყვეტელი ძიებებით. მის რიტმულ პროზას, ფილოსოფიურ ლირიკას, ესეისტიკას მომავალში მრავალი მიმდევარი გაუჩნდა.

ნეკროლოგში, რომელიც ანდრე ბელის გარდაცვალებისას გამოქვეყნდა, ნათქვამია: „რუსული სიმბოლიზმის უკანასკნელი უდიდესი წარმომადგენელი – ანდრე ბელი, გარდაიცვალა, როგორც საბჭოთა მწერალი“.

ა.ა. გლოკს

მახსოვს, ზეციურ შუქით შობილი
შენი ნათელი შარავანდედი...
თავისუფალი, ჩაუქრობელი,
გასაოცარი გზებით ნახვედი.

გული გავსილა მძიმე კაეშნით,
დავშორდით, გაქრა, ადრე რაც გვსურდა
და ჩემი შუბლი უკუნ ღამეში
ცეცხლმოდებული ისევ გაცურდა.

ჩვენ ჩავიფერფლეთ, ჩავექრით თანდათან,
ჩამონვა ღამე, აღარ ხმაურობს,
ნუთუ ყოველი ქარმა გაჰფანტა,
ძმავ, იღუმალო და უცნაურო?

სოკრატეს აღთქმულ მიზანს ნიადაგ
უმზერ ზესკნელში, მარად გახსოვდეს...
ნუთუ გატანჯულ ძმას სევდიანად
არ გაიხსენებ აღარასოდეს.

ნუთუ ჩარაზე გულის კარები:
სხივი კრთის ციურ უდაბნოეთის, –
მაგრამ არ მჯერა ამ მდუმარების,
შემეხმიანე, გელი ყოველთვის.

მე

შორ გზაზე მიხვალ,
როგორც მახვილი
გამოჩნდა მთვარე და გზას გაიგნებ.
ხედავ, ეს მე ვარ. გესმის ძახილი.
მოვალ, გაიმბობ და შენ გაიგებ.

შრიანებს ჭვავი,
დილას ადრიანს
ლამის ნაფლეთიც არ შერჩენია.
ის შენთანაა. იგი ლანდია,
შენი ლანდია და ის შენია.

იგი შენია, მაგრამ ეულებს
რა დაგრჩენიათ, დარდობთ მალულად...
მარტოდენ სწრაფვა აჩქარებული
და ერთფეროვან დღეთა მარულა.

მოდ. კი, დიახ: ნავალ ღამითაც.
ერთფეროვნება მარად თანმდევი...
ვერ გადავიტან, ვერ გადავიტან,
ღამევ, დამფარე შავი ლანდებით.

ნახვალ, –
უშენოდ კვლავ იციმციმებს
ამა ცხოვრების მღვრიე მორევი,
აქ ხომ გეძინა,
იქაც იძინე,
ანარეკლივით განმეორდები.

ძიღშიც სიზმარი,
ცხადშიც ზმანება,
სიზმრიდან სიზმრად მიხვალ მავანი,
ისევ სიჩუმე და მდუმარება
და მკრთალი, მკრთალი ზეცის თავანი.

იგივე დღე და ღამე გავიდა;
ერთფეროვნება მარად თანმდევი.
ვერ გადავიტან, ვერ გადავიტან, –
ღამევ, დამფარე შავი ლანდებით.

ბედისწერა

გამოკრთა ელვა,
როგორც ღვთის რისხვა –
ბასრი შუბივით სივრცეს ანათებს,
ჩემი ცხოვრება კვლავ შეინისლა,
თალხავს ღრუბელი ცის სილაჟვარდეს.

ერთად შეგროვდნენ წლები წარსული,
ღრუბლებით ზეცა მოაგუმბათეს,
დრო ჩაძირული და გარდასული
ღამის უფსკრულებს ღამეს უმატებს.

მომაკვდინებელ ცეცხლის ისრებით
ამ ფუჭ ცხოვრებას ცხრილავს მხედარი,
შენისლულია მსუსხავ ნისლებით
საბედისწერო ღრუბელთმდევარი.

ო, შუბოსანო, თავშევერცხლილო,
ღრუბლებს რომ ბზარავ ბასრი თვალებით,
გთხოვ, შენი შუბი წვერცეცხლოვანი
გულში მაძგერო შეუბრალებლივ.

ჩხუბი

1

საბედისწერო წლები, მწუხარე,
ო, სიყვარული ჩუმიად ქრებოდა,
აყურადებდა ქარბუქს ბუხარი
და ცეცხლიც ნელა ინაცრებოდა.

ნაკვერჩხლის სითბო სახეს გიხურებს,
ზიხარ ბუხართან თავჩაკიდული,
აღარც საუბრობ, აღარც მიყურებ,
ხარ მოთენთილი და გარინდული.

შეხედე, თითქოს ცეცხლი ღვივდება,
მოისმის მოთქმა ნიავექარული,
ქარბუქის მერანს მოურიდებლად
სახურავეებზე გააქვს თქარუნი.

დიდი ხანია, შენ მონდობილი
რომ მიშანთავდი ტურებს ტურებით,
ყვავილთა ზღვაში ძირს დამხობილი
მეფერებოდი და მაყურებდი.

მაგრამ ნახვედი და სიბოროტე
ცეცხლის ზღვარიდან მიყურებს ახლაც,
შენი შუბლი კი შთანთქა ბოლომდე
ოქროსფერი თმის მსუბუქმა ტალღამ.

ჰაეროვანი ფერი ლოყების
გაგიფერმკრთალდა, უფრო განაზდა,
ვიღაც ძახილით უკან მომყვება,
ეჰ, „სიყვარული ჩაქრა, ჩანაცრდა“.

მიძინებული სუნთქვა ქარბუქის –
ვერ გააღვიძე წლები თავნება,
თუ დაივინყე დრო სიჭაბუქის
გარდასულ დღეთა აღფრთოვანება,

თუ სიყვარული ადრე მოსული
გაქრა და ჩემთან არ გაკავშირებს,
წავალ ღამეულ ბინდით მოსილი
და მივაშურებ ველებს გაშლილებს.

მე უკუნეთში გადავეშვები,
გავფარფატდები მსუსხავ ღამეში
და ცივი ქარი შავი ეშვებით
ძონძებს მომახლის უცებ სახეში.

მე მივაბარებ საფლავს დათოვლილს
განუყოფელი ტრფობის სიმნარეს...
უცებ წამოხტი, უცებ ათრთოლდი,
მიგიხვდი, ჩემი სიტყვა ინამე.

2

გააქვს თქარუნი ქარბუქის მერანს,
ბუხარში ცეცხლის გიზგიზი ისმის,
აბრეშუმით შრიალებს ჯერაც
ცეცხლი და ლალის ნაპერწკლებს ისვრის.

„გამოიღვიძე, ძილმა დაგვლუპა...“
უკვე ეჭვები არად მიჩანდა,
მომიახლოვდა, კვლავ გადამბუგა
და ბაგე ბაგით ამომიშანთა.

„ისევ მიყვარხარ, გესმის გულის ხმა!..“
ნაკვერჩხლის სუსტი ფრთები თანდათან
ააბრიალა მხეცმა გულფიცხმა,
აბრეშუმისფერ შუქში გაჰფანტა.

ფანჯრებში მოჩანს თოვლის ლაბადა,
სოფელი – თოვლით დაოსებული
და საუკუნო სიღრმე საფლავთა –
მარადი სევდით ამოვსებული.

ის შეუერთდა ღამეს უძილოს,
ჩამოიცილა დღის საბურველი,
ის დროის მიღმა იდგა უძირო,
შეურიგალი და სასურველი.

შემოდგომა

ჩემი თითები შენი ხელიდან გამოცვივდა,
მიდიხარ, აგვსებია თვალი რისხვით,
შეხედე, ხეებს წითელი ფოთლები ჩამოსცვივდა,
ფოთლები – შეღებილი წვიმის სისხლით.

ფერმკრთალი შემოდგომა, ცივი, უდაბური...
მაღლა აიხედე, ცას თვალი მოავლე,
ჰორიზონტებში მომწყვდეული უდაბნო
ხმელეთზე ღრუბლის სუნთქვას გადმოავლენს.

ღამე და ღილა

ბ.ა. სადოესკის

საუკუნენი წამებში გადის
და მყისიერად ქრება სახელი...
ამოვარსკვლავდა ღამეში დარდი –
ათასწლეულთა ძველი ნაღველი.
არავის ძალუძს ჩემი შენდობა,
არვის აწუხებს ჩემი ობლობა,
ალბათ, დღეიდან მე მივენდობი
უდაბნოების მახარობლობას.

თვალეები ჩემი დარდმა დანისლა...
წმინდა სიტყვები კვლავ გამაგონე
შენ, სილამაზევ განთიადისა,
მზეო, შუქით რომ ავსებ მთა-გორებს.
მღერის მუხნარი...

ირგვლივ არავინ,
აი, გამოჩნდა სხივი ფარული, –
ძირს – მოფარფატე თეთრი კარავი,
ნაზი აღმასით მიმოცვარული...

ზამთარი

მ. ა. ვოლოშინს

ცისფრდება თოვლი, ნისლოვანდება,
მიმოეფინა თვალებს გახელილს,
მიყვარს სოფელი, როცა ღამდება,
ვერცხლისფერ ზამთრის მიყვარს ნაღველი.

ააფრიალებს ყინვის მოსასხამს,
ბალებს ანუხებს ქარის წრიალი, –
ყინვის ლოლუებს გზად მიმოამსხვრევს
და ყინულის ბროლს გააქვს წკრიალი.

გაყინულ წყლების მოსარკულ მინას
ქარი ცისფერ ჭირხლს ცისფრად მიაფენს,
თოვლის უდაბნოს ხავერდის ბრწყინვა
როკავს ჰაერში, კვლავ იკიაფებს.

ბინდიან ველზე შუქის ნათელი –
პირველი სხივი შელამებისა,
სოფლიდან კვამლი აიმართება
და მენამულ ცას ოდნავ შენისლავს.

წითელი სუსხი, ციდან მქროლავი,
ღებავს მდინარის სარკეს კრიალას,
დაიყრანტალებს სადღაც ყორანი,
სადღაც ეჟვანმაც გაინკრიალა.

ვერცხლს მიმოხვეტავს, ძრწის, იღრინება
ბაღში ქარბუქი შლეგი, ველური,
თეთრ ნაფლეთებში ჩაიძირება
მარტოხე ველზე მიტოვებული.

დაე, აენტოს ოქროს ზოდებად
 რკინის ბუხარი ძველ ბრწყინვალეობით
 და მოკიაფე მსუბუქ რგოლებად
 მიმოაბნიოს ცეცხლში ლალები.

სოფლის სიჩუმეს ისევ ხალისით
 ვუსმენ, ნალველი თითქოს მაკმარეს...
 ფრთხილად ავიღებ ბროლის სასმისებს
 და ქაფი სასმელს მოამაქმანებს.

მდუმარებაში ფიალას დავცლი,
 ვიცი, სიცოცხლეც აქ დასრულდება,
 მხოლოდ ქარები მიმზერენ მკაცრად, –
 მოჩვენებათა ფერად გუნდებად.

დე, კედლის იქით იყოს სამყარო
 მშრალი ყინვებით, თოვლის ატლასით
 და ქარმა მინებს შემოაყაროს
 ჭრიჭინობლები მბრწყინავ აღმასის.

პოეტი

მარტოსული ხარ, შენ მართავ სწრაფვას,
ხარ უძლეველი ჭაბუკი, სულ სხვა,
კვამლში თუ თოვლში სიმებად აბამ
წმინდა მწვერვალთა სიამეს მსუსხავს.

მთად დაჭიმული ნაკადულები
შენ გიმღერიან ვერცხლის ჩქერებით,
ო, შენ არა ხარ უცხო სრულებით,
გვიმზერ ბინდიდან ყელმოღერებით.

ცას ვარსკვლავიანს მისწვდა არწივი,
დაფრენს არწივი ცად დაკარგული
და შენმა ლანდმა კვლავ თავგანწირვით
გაჭრა ყინულის კლდე მოსარკული.

დგახარ მწვერვალზე, სადაც ბროლივით
ბრწყინავს ყინულის ცივი მახვილი,
შენ გამოიწვევ მზეს საბრძოლველად
მწველი, მღელვარე ამოძახილით.

არ ჩამოვარდე, ფრთხილად! შენ ნახავ,
როცა დაინწევს ფრთა ნისლოვანი,
როგორ გაგიღებს უფსკრულის ხახას
სიმაღლეები ყინულოვანი.

ზღვაში ვარდება ოქროს ყინული,
მზე ყინულივით ზღვაში გაქრება,
წელი ჩავლილი თვალებს მილულავს,
ულურჯეს ცაში ჩაიკარგება.

გაქცევა

გაყინულია, დაო ჩემო, შენი თვალები,
 თვალები შუშის, შუშის ღილები,
 გესმის, ნაძვები მწვანე ტოტებს აშრიალებენ
 უამინდობით გათოშილები.

თვალს რად უშტერებ შორეულ ცისფერს,
 მოთენთილ ცისფერს, მზერას რომ ავსებს,
 მე გაქცევაზე გიმღერებ ისევ
 და ცივ, სუსხიან შემოდგომაზე.

„ჩქარა, შეიპყრეთ!“ – ხმით გამყინავით
 ყვირის ექიმი, თან ჯოხს მოძებნის,
 დაფეთებული გარბის ჭილყვავი,
 მიაფარფატებს ფრთებს ჩამოძენძილს.

შორს, სადაც კალო ძლივს ჩანს ნაშლილი,
 გვცემეს ბურქებმა... არ დავიშალეთ...
 ჩემზე ამბობენ, დაო, შეშლილა,
 შენზე ამბობენ, რომ შეიშალე.

მე შემოდგომის მომაკვდინებელ
 დარდზე გიმღერებ და შეგიცოდებ,
 შენი ხელები სიკვდილს მინებდენ,
 ეგ მკვდარი ხელი გამომინოდე.

შეარხევს ქარი მოულოდნელად,
 საცოდავ ძონძებს ყინვა ანათებს
 და შენი ხელისგულისოდენა
 ხმელი ფოთოლი ძირს მოფარფატებს.

გზა

ბევრი ვიარე, ისევ იგივე
გაქცეულ სივრცის ნათება მკვეთრი,
ქვასავით მაგარ გზაზე ხრიგინით –
ხრიგინ-ხრიგინით მიგორავს ეტლი.

ეუვნის წკრიალი ისმის, არ ქრება,
მე ვარ სნეული, გზად დანაცემი,
და გამოჩანან ნათელ ლაქებად
შორს მოლაქლაქე დედაკაცები.

ზვინებთან, სადაც ნარინჯისფერი
დგას ნეკერჩხალი უტყვი, ეული,
ჩამოიშალა ზეცა ცისფერი,
შავი ყორნებით დაფეთებული.

ვესტუმრებოდი ვინმეს სახლშიაც,
დაღლილი მყისვე ჩავიძინებდი,
მაგრამ სოფელი ისევ მაშინებს
მზეამრეკლავი ბრწყინვით მინების.

სახლს გვერდს აუუქცევ, მივდევ დაისებს,
ვშიშობ, არ შემხვდნენ ლანძღვა-გინებით,,
და ისევ, ისევ, ისევ და ისევ
ამ მტვრიან გზაზე მივედინები.

განდეგნილი

მე ვტოვებ ქალაქს სალამოისას,
მაკრთობს ხმაურით, ხმებით მგრგვინავით,
თუმცა შორიდან ისევ მოისმის
ხმა მოქირქილე და დამცინავი.

იქ მარადიულს წლები შევწირე,
არც გიფიქრიათ ჩემი დანდობა,
მყისვე ჩამქოლეთ, არ შემეწიეთ,
თქვენ ჩემი ტანჯვით გასურდათ გართობა.

გტოვებთ, რამეთუ ვარ განდეგილი,
თავისუფლებას ველარ წამართმევთ,
გავრბივარ მწირი ობლად შთენილი
პურის ყანაში, მზე რომ ანათებს.

გავრბივარ ისევ და გზას მილოცავს
ვრცელი ველები და მე არ ვცხრები,
მე დავეცემი ლურჯ ღიღილოსთან,
მინას ჭალარით მივენარცხები.

ყვავილო, ნამით კვლავ დამასველე,
მაპკურე შენი ბროლის წვეთები,
მე მემამბოხე სულს მოვასვენებ,
სულს გატანჯულს და მოვითენთები.

მზე ჩადის, სხივი ჩუმად მიცოცავს,
მზე ჩამავალი ზეცის ფერს შეცვლის,
გრილი ნიავი თმას ამინუნავს,
თმას ამინუნავს ადრე შევერცხლილს.

მშვიდი დასკვნება

უთანასწორო ბრძოლაში დამჭრეს,
მძიმეა ჩემი სვე და მწარეა,
გაივლის დღე და ისევ შევამჩნევ
შუქს მოციმციმეს და მიხარია.

გამოვექეცი ბრბოს და მოვძებნე
ველი, სიმშვიდე სადაც მეგულის,
ველებზე ისევ ჩანს ოქროს ძნები
მარადი შუქით განათებული.

ლაჟვარდებიდან წვიმა წყვეტილი
ცრის... ნუ დანისლავ მზერას სიავით,
ნუ ბრაზობ, იყავ მარად კეთილი,
შემომანებე ბაგე ნიავის.

მე ჩავიმუხლებ,
ისევ არავინ...
არვინ ხმას არ მცემს
და ვილოცები;
დროა ჩავლილი,
თვლემს სიზარმაცე –
სურნელოვანი, როგორც ყვავილი.

მდელი მარტოდენ –
ბრწყინავს, ობობას ქსელში გაება,
ჩამავალი მზე ზეცას დატოვებს,
დატოვებს ცისფერ ბუნდოვანებას.

ველად

მე დამავიწყდა. მე გავრბოდი. გამოვეხსენი.
 ნისლი მოედო ნაპირს შორეულს,
 ველი ფერმკრთალი ობლად ესვენა,
 ჭვრეტდა ჰორიზონტს ნისლებმორეულს.

არ მაკრთობს სევდა,
 არ მენანება,
 მტანჯეს, ჩემს სისხლში მე ჩამახედებს,
 ვეება ლოდებს შეუბრალებლად
 ძვლებზე მცემდნენ და
 ძვლებზე მამსხვრევდნენ.

უკეთურებას ვნანობ ნაკლებად,
 მე გავნათდები ნათელ დღესავით,
 დე, ჩამილენონ სუსტი ნეკნები,
 ნაშალონ ჩემი ლანდი მკვნესავი.

დე, სამოსელი შემომეხიოს
 ეკლიან ჯოხით ნაგვემს, ნანვალებს,
 სანყალ ძონძებზე მაინც მეხვევა,
 აისის ცივი კოცნა ტკარცალებს.

ძლივს მივჩანჩალებ, მელლება თვალი,
 ჭინჭრის გვირგვინი უმოძრაო
 და შემღვრეული, მოლურჯო კვამლი
 ქოხმახებიდან ისევ ნამოვა.

ქარმა, ძმამ ჩემმა, არ მოიშალა, ტირის...
 მსურს შენი სიზმრის შეხება,
 გაშმაგებამდე ხმელმა ქვიშანამ
 დამინთო ცეცხლი, ცეცხლი მეხვევა.

ცხოვრება

ვ. ი. ივანოვს

მთელი ცხოვრება წინ მივდივარ, როგორც დევნილი,
არ შეიძლება, რომ ვიარო, ალბათ, უკუსვლით,
აი, ბილიკი გაცვეთილი და გათელილი,
დამტვერილი და გადატრუსული.

ეს ვინ მომიხმობს, ვისი ფიცი მესმის საამო,
უშორესიდან ვისი ხმა ისმის?!
შემთხვავს, რომ სამკალს გადავანამო,
მიმოვასხურო სამსხვერპლო სისხლი.

სხივთა შუბებით, ჩამავალი მზე
გულმკერდს დამიფლეთს ცეცხლის შუბებით,
ღვინის სურნელით ისევ აღვივსე,
მე მზესთან ერთად დავილუპები.

მწვანე საღამო ველებზე წვება,
ისევ მღერიან გულის სიმები,
ზეციდან ცივი ზოლივით წყდება
გასაოცარი ბროლის წვიმები.

ირგვლივ ველები, – ესეც ბედია,
ვპოვებ სიმშვიდეს, სადაც ვეძებდი,
ხმელ ღეროებზე, როგორც წვეტიან
და ბასრ შუბებზე, ისე ვეცემი.

ვლადიმირ სოლოვიოვი

გვახრჩობდა უხამსობა შეჩვეული,
 ცას სთხოვდი გზას გადარჩენისას,
 ესმოდათ შენი ხმა რჩეული,
 როგორც ხმა შლეგისა.

ქანცგანწყვეტილმა
 მინა რომ დასტოვე,
 მორჩა მარტვილობა, დუმილით აღივსე,
 მერე სხვადასხვა, უაზრო კასტებმა
 თავისად ჩაგთვალეს,
 გაგიტავისეს.

ებრძოდი რუტინას,
 ახლაც იგივეა.
 შენ ვერ დაამსხვრიე მონის უღელი,
 დაე, ქარბუქებმა თოვლის გვირგვინები
 შენი საფლავიდან მოგლიჯოს წუხილით.

ჩანყნარდა ქარბუქი
 და სივრცე ჩამუქდა,
 ღამეულ სიბნელეს გავცქერი,
 ნამქერი კუბოსთან მიხვეტა ქარბუქმა,
 მიხვეტა თეთრი ნამქერი.

შენ ვერ გაგიგეს,
 დღეს შენი სათქმელი
 ღამეში ანთია მენამულ სინათლედ,
 მშვიდად განისვენე, მე შენი კანდელი
 წყვდიადს გამინათებს.

ჩრდილოეთის მარში

დარდით ლამის განახევრდი,
ნალველს ველარ იცილებ,
დათვის თანავარსკვლავედი
შორს უაზროდ ციმციმებს.

ჩვენ რას შევცვლით, – ვერ შევძლებთ,
სიცოცხლეა ხანმოკლე,
ყორღანებზე ბებერ ძვლებს
ქარიშხალი წამოკრებს.

მოსაწყენად იმატებს
თოვლის თეთრი კარავი,
ცაში უცებ ინათებს
ცეცხლი გულშემზარავი.

უცებ ააღმასდება
შენი ყინვის საფარი.
დათვი საფლავს გასცდება,
მარტო რჩება საფლავი.

მწუხარება გახშირდა,
დარდით გული გევსება,
ყინულოვან ჯავშნიდან
ისმის წამოკვნესება.

შემოღობა

გაზაფხული გაფრინდა,
 წითელი ტყე გუგუნებს,
 მთვარე ცეცხლის აფრიდან
 დედამინას უყურებს.

გაგონდება ნუთუ უკვე
 გაზაფხულის შუკები,
 სიყვარულის სიჭაბუკე,
 გამთენიის შუქები.

ისევ მწარე სიცრუე,
 გაზაფხული გაფრინდა...
 მკრთალი მთვარე მიცურავს
 მოვერცხლისფრო აფრითა.

წარსულს ვერ შეელიე,
 დარდთან დარჩი მარტოკა
 და გაჰყურებ ლელიანს,
 ტალღამ რომ შეატოკა.

მოგონება

ედღენება ლ. დ. ბლოკს

ჩაფიქრებული სახე...
იასამნებში გამოჩნდა თანდათან
მიტოვებული ბატონის სასახლე,
კირის ნამსხვრევი ქათქათა.

ისევ იგივე ჭიშკარი,
თუჯის კვარცხლბეკი ორი,
ბალახი და ყვავილნარი
უძველეს ხეთა შორის.

ძველ აივანზე ნელა
თრთის სვია, ნიავს ნებდება,
კელა
ბზუის სვეტებთან.

გაზაფხულია.
გაცვეთილა ჩითი
სავარძელზე გადაკრული...
სავარძელში დედაბერია განაბული,
სიყმანვილე ესიზმრება დაკარგული.

ახსოვს, როგორ ფრიალებდა,
გაზაფხულს შროშანივით ეკავა,
როგორ მიაშრიალებდა
მარმაშიან თეთრ კაბას.

ის გვერდით მიჰყვებოდა
ჩურჩულით, კომპლიმენტებით,

გული ენურებოდა
 ყმანვილ ქალს სენტიმენტებით.

კლავიკორდთან დაეშვა
 მორცხვი და მშვენიერი,
 შესცინოდა თვალეებში
 ყმანვილი ბედნიერი.

ფანჯარაში აისი ბრწყინავს,
 დედაბერი იღვიძებს სლუკუნით,
 „ეს იყო დიდი ხნის წინათ!“
 კედლის გუგული
 ბნელხმიანი
 ყვიროდა,
 ბზარავდა ხმას ხრინწი,
 დრო სევდიანი
 გარბოდა,
 გარბოდა სახლის წინ.

და ირწეოდნენ ნელა,
 სვია
 ნიავს
 ეძებდა,
 ხავერდოვანი კელა
 ბზუოდა სვეტებთან.

არ მეშინია

ისევ მტკივა იარა,
ტანჯვა აღარ მთავრდება,
მინდვრად – ნისლი შრიალა,
მაღე ჩამოლამდება.

ნახვალ, ვრჩები მწუხარი,
ვრჩები ისევ მარტოკა...
ჩაიარა მუქარით,
კენწერო შეატოკა
გოლიათმა ქალარამ.
ტყე უცებ შექანდება,
უფრო ჩამოლამდება,
მოვლენ შიშის ლანდები.

ბნელში გზას ვერ მოვნახავ,
ლამეს ნუ შემატოვებ,
კიდევ დარჩი ცოტა ხანს,
დარჩი, ნუ მიმატოვებ.

ქარს დავეძებ მითვლემილს,
კიდევ უფრო ღამდება,
წყვილი თვალი ნითელი
ნისლში დაილანდება.

ბნელში გზას ვერ მოვნახავ,
ლამეს ნუ შემატოვებ,
დარჩი, დარჩი ცოტა ხანს,
დარჩი, ნუ მიმატოვებ!

ნუთუ შიში მომშორდა...
 შენ ხარ სხივი, სიზმარი...
 ღრუბელიდან მოუონავს
 ციურ შუქის ისარი.

სიზმრის სიომ დაქროლა...
 მესიზმრება... მოვიდა...
 გოლიათი აქვეა
 და თავს მიქნევს შორიდან.

მიტოვებული სახლი

მიტოვებული მარტოდ
სახლი, ბუჩქები სახლთან,
ისევ წარსულზე ვდარდობ:
„ეხ, წინაპრებო, სად ხართ“.

კედლის ნაბზარში, მალლა,
ხავსი – ნიშანი მარცხის,
ისევ შრიალებს სახლთან
ბერი – ფუტურო ცაცხვი.

ნატრობს ფოთოლი მუნჯი
ნებიერ დღეთა ზრუნვას,
ჩამონგრეული ბურჯის
ჩამქრალ სარკმელთან ბრუნვას.

ვით ყვავილებში გდებით
დაჟანგულ ნამგლის რკალი, –
გადაყვლეფილი გერბი
კეთილშობილურ გვარის.

წარსულის კვამლი დაგღლის,
დარდობ...
დაფრენს ჭილყვავი მალლით,
თავს დაგტრიალებს მარტოს.

თვალი შეავლო, ცდილობ,
მერე ფანჯრიდან ნახავ
ჩინურ ფაიფურს, ტილოს –
კურდღელს ნახშირით ნახატს.

მოჩანს ავეჯი ძველი,
ხალთა, ჩამქრალი ქალი...
უკიდევანო ველი,
უკაცრიელი ბალი.

თივის ზვინიც კი დარდობს,
იხვევს ბინდისფერ ზენარს...
ზეცა...
მარტოდ...

მიხურულია კარი,
წარსულს ვერასდროს ნახავ,
გამოგაყოლებს ქარი
ძველი დარაბის ჯახანს.

მინდვრად

მზის კონტური ძველისძველი,
ოქრო პირმოცინარე,
ფორთოხლის და ღვინისფერი
მზე დაჰყურებს მდინარეს.

და ჰაერით მთვრალი მინა,
მოთენთილი მინდვრები,
ციდან ოქრო ჩამოიქცა,
ბრწყინავს ოქროს ზვირთები.

დავეშვები ბებერ ხევში,
ვტოვებ მზიან ხალიჩებს,
ფეხქვეშ შავი ბელტი ხენეშის,
ძლივსძლივობით ვაბიჯებ.

ცეცხლოვან მზეს ვემალები
მოზიბინე მდელოსთან,
გრილი ქარი შელამების
ნაკადულთან მელოდა.

მზე ჩაეშვა ძველისძველი,
ზეცა დაცარიელდა,
ფორთოხლის და ღვინისფერი
ქრება დასალიერთან.

მზე ენვია უცხო მხარეს,
გაირინდა მინდვრები,
მოეფინა შემოგარენს
იისფერი ბინდები.

დრო კი მიდის, მეთხოვება,
ვით დამშრალი ბინული,
სიზმარია ეს ცხოვრება, –
უცხადესად ხილული.

სერენადა

ექლენება პ. ნ. ბატიუშკოვს

ისევ ფანჯარასთან დგახარ,
თვალს აყოლებ ზმანებას,
ფირუზით, ფირუზით
არემარე ივსება,
ო, ძვირფასო, მნათობი
ცრემლად მიექანება,
ფერმკრთალდება, მიცურავს,
ჩააქრეს აისებმა.

ჭალარა მარგალიტებს – უდარდელს
მიეფერე,
გაიმეტე ამბორი.
ხედავ, მინდვრებს,
ყვავილთა ფერს უადრესს,
მოსარკული ჩანჩქერებით დატბორილს?

ნუ იდარდებ,
გაიქარვე ნალველი!

ო, ძვირფასო,
ხედავ? თეთრი გედები
მიმოცვარულ ბალში, სადაც ვჩერდებით,
მოვერცხლისფრო შადრევანთან გაქვავდნენ;
მარტოობის დარდი მოგყვა აქამდე.
გარინდულან გედები, იძინებენ
ბალში ციციანათელები
ზურმუხტისფრად ციმციმებენ.

უთუთრესი მკერდია –
გაყინულა ჩქერში მკერდი,
ეს ხომ შვიდი გედია –
ლოენგრინის შვიდი გედი;

ლოენგრინის გედები.

ქუჩაში

უცებ ქუჩაში ეტლი იხუვლებს,
გაჰყვება მჭახე გამოძახილი,
მე მივეყრდნობი რკინის რიკულებს
გაოგნებული და თავდახრილი.

ყმუის ქარბუქი და ძვლებში ატანს
უჟმური სივრცე, შემაშფოთები,
და ნეკერჩხლები რკინის ლატანებს
ეხეთქებიან წითელ ფოთლებით.

ასდის ოქტომბრის ცივი სურნელი,
ნაცრისფერ ლოდებს სუსხი ერევა,
წითელი ბუჩქი, შვების მსურველი,
მიმოიფანტა წითელ ცრემლებად.

შემოგარენში მიმოიფანტა,
მიმოეფინა ქალაქს ვედრებით,
მერე ჰაერში წამოიმართა
მტვრისა და შხამის შავი სვეტები.

კვამლის მორევში მივიმალები,
სახლები ძლივსლა მოჩანს შორიშორს
და ფაბრიკები ცივი მილებით
კვამლს აფურთხებენ მზიან ჰორიზონტს.

ვლ. სოლოვიოვის მიზაქვით

ქარვისფერი ღრუბლების ზოზინა ქარავანი
თითქოს ცაში გაქვავდა, დღე დაბინდეს ლანდებმა,
დაიძინე, ძვირფასო, დარდები განიქარვე,
სალამოა... ჩვენი გზა ნისლში მიემართება.

ჩვენი წმინდა აღთქმანი ისევ აენტებიან,
მაგნოლიის ტოტებში ჩამწყდარა მზის მკლავები,
ბებერი ტკივილები დაღლილ სულში ქრებიან
ისე, ვით ნაკვალევი მონყვეტილ ვარსკვლავების.

შორეული ნაღველის ღრუბლისფერი სიმძიმე
დილით მოიქუფრება და უფრო დამძიმდება,
მოლურჯო-მონითალო ანარეკლის ციმციმი
გამოჩნდება ცაზე და მყისვე მიეძინება.

დავსხდეთ, აქ დავისვენოთ, მთვარის აფრა გაშლილი
გზას აღარ გაგვინათებს, მწუხრისფერი გროვდება.
დარდები განიქარვე, დაიძინე, დამშვიდდი,
ძილის დროა, ძვირფასო, სალამო ახლოვდება.

უიფელოვა

ზ. ნ. გიპიუსს

კმარა ლოდინი ცრუ და ამაო,
ხალხო ბეჩავო, მიმოიფანტე,
გაქრი, მტანჯველო წლების ღამეო,
წლიდან წლამდე რომ უფრო იმატებ.

ყამო მონობის და სიღარიბის,
ნეტავ, როდემდი უნდა იდინო,
მომეცი ნება, ვინმე ყარიბმა,
სამშობლოვ, შენზე რომ ვიქვითინო:

იქ, სადაც დგანან მწვანე მუხები –
კორომი შვენის ვაკეს კუზიანს,
იქ, სადაც ღრუბლით ცა იმწუხრება,
სადაც ტყვიისფერს ცა გაუვსია.

იქ, სადაც ველზე შიში ღავღავებს
და გაბარჯლულა ხმელი ჯაგვივით,
იქ, სადაც შლეგი ქარი აღამებს,
მწვანე რტოებში ძრწის და გაჰკივის,

იქ, სადაც მრუმე და ნამთვრალევი
მოჩვენებათა გუნდი ვილოდა,
სადაც მიმზერენ შლეგი თვალევი
უაზრო, შეშლილ სამიკიტნოდან,

სადაც სიკვდილი ბატონობს მკაცრი
და სიავადე მეფობას ჩემობს.
გაქრი სივრცეში, რუსეთო, გაქრი,
გაქრი, რუსეთო, ჩემო!

ლიანდაგებზე

განძარცვულ ბუჩქებს ღამე ეხლება,
სულ მალე, ალბათ, ველარ მოვძებნი,
ღამის წყვდიადში ჩაიჩეხება
სატელეფონო შავი ბოძები.

ბორბლის ნაკვალევს გუბე რომ მისდევს,
მოასარკევებს ყინულის ბრწყინვა,
ოქტომბრის სუსხი მიკოცნის თითებს,
გათოშილ თითებს მიკოცნის ყინვა.

ძმობა, მჭევრობა ენაწყლიანი, –
გაქრა, განქარდა, ფიქრად არა ღირს
და სამსახურმაც მრავალწლიანმა
დაიმორჩილა სული ამაყი.

ნუთუ იმედებს ფუჭად დავეძებ,
ნუთუ ტირილში წარვლენ ნუთები?!
მივწვები რკინის ლიანდაგებზე,
გავირინდები და დავდუმდები.

დავხუჭე თვალი, ცრემლი მინათებს
მზერას და გული ძალუმად მიცემს,
შორს, სემაფორის მწვანე სინათლე
მწვანე ნემსივით გასერავს სივრცეს.

და ორთქლმავალი კივის, ღამიდან
გამოჟონილ შუქს მზერით მოვძებნი,
წამოიშალა არყის ჭალიდან
შეშინებული ბინდის ძონძები.

ალექსანდრ ბლოკი



ალექსანდრ ბლოკი დაიბადა 1880 წლის 16 ნოემბერს (ძვ. სტ.). დაიბადა იგი პეტერბურგის უნივერსიტეტის „რექტორის სახლში“. მამამისი – ალექსანდრ ლვოვის ძე ბლოკი – იურისტი და ფილოსოფოსი – ვარშავის უნივერსიტეტის პროფესორი იყო. დედა – ალექსანდრა ანდრეის ასული ბეკეტოვი – საბავშვო მწერალი და მთარგმნელი. ბლოკის პაპა (დედის მხრივ) ცნობილი მეცნიერი და საზოგადო მოღვაწე, პეტერბურგის უნივერსიტეტის რექტორი იყო.

ერთი წლისა არ იყო მომავალი პოეტი, როცა მისი მშობლები განქორწინდნენ და დედამისი მეორედ გათხოვდა.

1898 წელს დაამთავრა გიმნაზია პეტერბურგში და იმავე წელს ჩაირიცხა პეტერბურგის უნივერსიტეტის იურიდიულ ფაკულტეტზე.

1903 წელს შედგა ბლოკის ლიტერატურული დებიუტი პეტერბურგის ჟურნალ „ნოვი პუტში“, სადაც მან ათი ლექსი გამოაქვეყნა.

მისი ექვსტომეულის პირველ ტომში, რომელიც 1980 წელს გამოიცა, ხაზგასმითაა აღნიშნული, რომ „ერთადერთხელ იხილა შორიდან ვლადიმირ სოლოვიოვი“.

ცხადია, ტომის შემდგენლებს შემთხვევით არ აღუნიშნავთ ეს ფაქტი. ვლადიმირ სოლოვიოვის შემოქმედებამ – ფილოსოფიამ, პოეზიამ, მძაფრი შთაბე-

ჭდილება და დიდი გავლენა მოახდინა ახალგაზრდა ალექსანდრ ბლოკის მსოფლმხედველობაზე, და საერთოდ, უმცროსი სიმბოლისტების მხატვრულ-ესთეტიკურ მრწამსზე.

მშრალი ბიოგრაფიული ცნობებით შეუძლებელია რაიმე წარმოდგენა იქონიოს მკითხველმა ბლოკის პიროვნებაზე, მის განუმეორებელ ლირიკაზე. მთელი მისი ცხოვრება (მამასთან ურთიერთობა, ანდრეი ბელისთან დამოკიდებულება, კონფლიქტი მეუღლესთან, მოგვიანებით კი გიპიუსებთან), ამოუწურავი დრამაა.

ალექსანდრ ბლოკი გარდაიცვალა 1921 წლის 7 აგვისტოს.

ალექსანდრ ბლოკის თვრამეტწლიანი შემოქმედებითი მოღვაწეობის შედეგი განცვიფრებას იწვევს (ლექსები, პოემები, პიესები, წერილები, თარგმანები), მაგრამ არ შევცდებით, თუ ვიტყვით, რომ მისი ლირიკა განუმეორებელია და მისი შემოქმედების მწვერვალია.

* * *

მე ბნელ ტაძარში შევდივარ კრძალვით,
 ნავიჩურჩულებ უბრალოდ ლოცვას,
 ველი ხატებას მშვენიერ ქალის,
 ბნელში სანთლები ციმციმებს როცა.

კარის ჭრიალი შემაკრთობს მყისვე,
 მაღალ სვეტების ჩრდილი ვარდება
 და შემომყურებს თვალებში ისევ
 მხოლოდ სიზმარი, მისი ხატება.

ო, შევეჩვიე საოცარ სამოსს
 ციურ მეუღლის, ღვთაებრივ ქალის,
 მაღლა, კარნიზზე გაქცევას ლამობს
 მისი სიზმარი, ღიმილი მკრთალი.

თრთიან სანთლები ფრთაშერუჯული,
 ო, უწმინდესო, ახარებ მზერას,
 არ მესმის შენი სუნთქვა, ჩურჩული,
 მაგრამ, ძვირფასო, შენა ხარ, მჯერა.

* * *

ჩუმად გადიან დღეები, წლები,
უცნაურ სიზმარს დავეხსნა მინდა,
კვლავ შემომესმას ნაცნობი ხმები,
დრო გაქრეს, გულზე რომ მანვა ბინდად.

იქ ვილაც არის, სხივებში ჩანდა...
(ო, ისე, ზამთრის ღამით რომ ვნახე:
მავანის ლანდი ჩავლილი კართან
და უსწრაფესად გამქრალი სახე).

აი, მახვილი, მაგრამ არ მინდა...
ნეტა ეს ხელი ვინ დამილალა...
მახსოვს, ვარსკვლავნი თვალმარგალიტად
ღამის ცაზე რომ გადაიყარა.

მავედრებელი სუსხი და შორით
ზღვა – თოვლის ფრთებზე იწვა რომელიც,
შიში – თვალთაგან გამონაჟონი,
ბებერი შიში შეუცნობელი.

სიტყვა? ო, არა! რა იყო მაშინ?
ბუნდოვანება, ნისლი ფარფატა,
თითქოს გუგუნი ისმოდა ზღვაში
და შორდებოდა მიწას თანდათან.

მღეროდა ბაგე, არ ვიცი, მაშინ
გავიდა წამი, წუთი თუ წლები?!
და მავთულები წიოდნენ ცაში,
გულისწამლები ისმოდა ხმები.

მოულოდნელად, მე მახსოვს მხოლოდ,
რომ შემომესმა უცხო დახილი,
მეძახდა შორი ხმა: *ese homo*,¹
და გამივარდა უცებ მახვილი.

გადახვეული მქონდა იარა,
რომ ძარღვებიდან სისხლს არ ედინა,
მე დავემონე დახილს მთლიანად,
თან მხიარული შუქი მეფინა.

გამოვერკვიე, უკან დახევა
არა მჩვევია მონური თრთოლვით,
დაე, შემეხსნას ჭრელი სახვევი
და ცხელმა სისხლმა გაათბოს თოვლი.

¹ აი, ადამიანი (ლათ.)

* * *

იხუვლებს ქარი მიუსაფარი,
მერე ხსოვნაში წამით გაკრთება
დაუვიწყარი შორი ნაპირი, –
მაგრამ ამ თოვლში ისიც მკრთალდება.

შრიალებს, როგორც ბალახი ხმელი,
ძველი ტკივილი, როგორ გავექცე?
ღამე, ღამეში ბილიკით ბნელით,
თოვლით დაფარულ უფსკრულს დავეძებ...

ღამე, ტყე, თოვლი, ისევ ხსნას ვეძებ,
მოვშორდე წარსულს, კვლავ რომ იმღვრევა,
უცებ გამოჩნდა სახლაკი ველზე,
ტყიდან მომესმა გოგოს სიმღერა.

* * *

ისევ მაშინებს შენთან შეხვედრა,
 უშენობა კი უფრო მაშინებს,
 სუყველაფერი, რასაც შევხედავ,
 იდუმალდება ჩემთვის მაშინვე.

გზად აჩრდილები დიან ზმორებით
 და მათ თვალებში თვლემის ნისლია,
 მე ტაძრის კიბეს მივეკონები,
 უკან მოხედვა არ შემიძლია.

მეხება ვილაც, მერე მშორდება,
 ვერ იხსომებენ ლანდებს თვალები,
 ხმა შემომესმა მოულოდნელად
 უკანასკნელი დასაფლავების.

ღრუბლიანი ცა ეხება მალლობს,
 ქრება ტაძარი, არ მოჩანს დიდხანს.
 მე ვიცი, აქ ხარ, ძალიან ახლოს,
 მაგრამ აქ არ ხარ, შენ ისევ იქ ხარ.

* * *

ნ. გუნს

სამწირველოში თუმც დროებით ვარ მიმალული,
მაგრამ მეზრდება ფრთები თანდათან,
დრო მოვა, სხეულს დაივინყებს ფიქრი ფარული,
მოულოდნელად გამოჩნდება სივრცე ქარქათა.

ვით ბედნიერი დღე შეხვედრის – ცაა ნათელი,
გამჭვირვალეა მიულწვევლ სივრცის ნათება,
ხმას დამატკობელს გაიგონებ და ჟრუანტელი
შემოგენტება, ბაგეები აგიყვავდება.

ვერ მოვასწარით წამოფრენა, რომ გზა დასრულდა,
ცეცხლი მოედო ფარს უმძიმესს და აბრიალდა,
დე, ბედისწერის უეცარი ნება აღსრულდეს
და მარტოდმარტო ჩაიფერფლოს გულში მთლიანად.

ისევ შევხვდებით, დამიფარავს ფარი ახალი,
არ მოიგონებს გული ჩემი ბებერ იარებს,
ხმას დამატკობელს გაიგონებ და გამახარებ
და ჩემს სიყვარულს მარადიულს გაიზიარებ.

დრო მოვა, როცა გაზაფხული ზამთარს განდევნის,
მოულოდნელად გამოჩნდება სივრცე ქათქათა,
სამწირველოში ვიმალები, როგორც სანთელი,
მაგრამ მეზრდება უძლეველი ფრთები თანდათან.

* * *

ნ. გუნს

შენ ბევრს ცხოვრობდი, მე კი ვმღეროდი,
 იგრძენ ცხოვრება ცრუ და მშიშარა,
 ციური სული, მე რომ ველოდი,
 მოფრინდა, სივრცე გადამიშალა.

ან შენი სწრაფვა გაბანრულია,
 ქარიშხლის მიერ მარტოდ შთენილი,
 თავისუფალი მე ვარ სრულიად,
 ისე, ვით ფერფლი ცად აფრენილი.

ვგრძნობ, მეგობარო, რომ ეს ცხოვრება
 მეც შემეხება ხელით მსახვრალით
 და გული აღარ შემითრთოლდება,
 არც რა ექნება გულს გასახარი.

დავიქანცებით ამ გზებზე ოდეს
 და მიგვატოვებს ბინდში ბუნება,
 დასასვენებლად შენ ჩემთან მოდი,
 მეც მოვალ სულის მოსაბრუნებლად.

რა საჭიროა

რა საჭიროა გემები, დაღლა,
კონცხი სიბნელემ წაშალა დღესაც,
მოცისფრო თოვლის ქსოვილზე ახლაც
პირობით ნიშანს ვკითხულობ შენსას.

ქარბუქში ისევ ისმის შენი ხმა,
სცვივათ ვარსკვლავებს ფერფლი ყინულის,
ღამით ნავეები ბინდმა შენიღბა
და აღარაა ჩემთვის ხილული.

ჩემი ხვედრია, სხვას არას ვეძებ,
თოვლში და სუსხში უნდა ვინვალო,
რომ სანაპიროს თოვლიან ველზე
ამ ქარიშხალში გარდავიცვალო.

რადგან არ მესმის ცოცხალი ბინდის,
მე რომ წამართვა შენი სხეული,
თოვლის სიზმარში ცხოვრება მიდის,
რომელშიც შენ ხარ გამომწყვდეული.

* * *

რა გაგვაჩნია წამების გარდა?!
 მიდის ცხოვრება, მიედინება.
 მუდამ გვახსოვდეს – საფლავის კართან
 ჩვენი შეხვედრა ღმერთმა ინება.

მწამს, საუკუნეს – მომღერალს ახლის –
 ახალ თაობის შუქი ჰფენია,
 განა ტყუილად ადიდებს ხალხი
 შეურაცხყოფილ, კეთილ გენიას.

ყველა, მასავით შეგინებული,
 კლავს დამცირების სუსხსა და ყინვას
 და ზეცას შავი ღრუბლით შებურვილს
 შეაკროთობს ომის მახვილის ბრწყინვა.

ის დღე შორია, მან უნდა იხსნას
 ჩვენი ალთქმა და ფიცი მომხრეთა,
 შეურაცხყოფა ამძაფრებს რისხვას
 და მძვინვარებას შეამბოხეთა.

ვისთვის ცხოვრება არის ბადალი
 ძველი თამაშის, მზიან ამინდის,
 პოეტის სულში ცოცხლობს ქადილი
 ისე, ვით შავი თვალმარგალიტი.

მას ახლა სძინავს ჯადოსნურ ხმაში
 და სიღრმეებში ინახავს ციაგს,
 გამოანათებს, როდესაც მთაში
 გამოალვიძებს წერაქვი წიაღს.

* * *

ჩვენ დაგვესიზმრა ცა ღრუბლიანი,
მლეროდა ხემი, სტვენდა ბულბული,
როცა მკლავებში შემოშრიალდი
უმსუბუქესი, როგორც ბუმბული.

ვიოლინოს ხმა დამატკობელი
როდის მინყნარდა, როგორც სურვილი,
რად ჩურჩულებდა ირგვლივ ყოველი,
ვით გაზაფხულის ტყეში დუმილი.

შორს მგლოვიარე ხმათა ზვირთები,
მაისის ღრუბლებს მოსწყდა ცრემლები...
ცეცხლად მოედო მზერას მითვლემილს
ოდნავ შემკრთალი შენი ხელები.

* * *

სალამოს სხივი ციმციმებს შორით,
 გამოერიდა ღრუბელს ღრუბელი,
 ჩემი გზა მიდის ეკალთა შორის,
 გზა – ურთულესი და დამღუპველი.

ისევ დავშორდით, მივხვდით უდავოდ,
 ძალა არ შეგვწევს სევდის მორევის,
 დაახსომდება გულს სამუდამოდ,
 ჩამავალი მზის სხივთა მორევი.

ჩაიფრთხილა ნლებმა საამომ,
 რაც მიიმალა, უნდა გახსოვდეს.
 რად მეჩვენება: მიდის სალამო,
 რომელსაც ვნახავ ველარასოდეს.

* * *

თითქოს ვარსებობთ, მივდივართ, ლამის
გაგვთოშოს ზამთრის ქარის სიცივემ,
ეკლესიაში დღისით და ღამით
უცნობი სანთელს კვლავ აციმციმებს.

თუმც სიბნელეში ისევ რიალებს
თვალით უხილავ უცნობის ლანდი,
სადაც გალობით ჩამოვიარეთ,
იქ ვილაც გალობს და ჩუმად დადის.

სალამოს ქარი ბინდში გაგვახვევს
და მოლოდინში გული ღონდება,
ვფითრდება, ველი, მაგრამ არ ვამხელ,
იმ სიბნელეში ვინ გამოჩნდება.

მე ვიცი... ზამთრის ქარი ბინდს ერთვის,
რადგან ორნი ვართ, დავმაღავ სათქმელს.
აქ ვილაც არის, მაგრამ არ გეტყვით,
სულს ვინ უბერავს ჩალვენთილ სანთლებს.

* * *

გესმის? სოლვეიგ! ო, სოლვეიგ! გზაო მზისფერო,
ამომასუნთქე, დამაცადე, რომ მოვისვენო.

იქ, სადაც ელვა გასრიალდა, ჩანს ნაპრალები
და ნაპრალებში უმწვანესი შენი თვალები.

ეს შენ მიყურებ თუ ბებერი მდარაჯობს ქოტი?
ქოტის კივილი უსასრულო ღამიდან მოდის.

სად მიფარფატებს, სად მიფრინავს გრძელი ლაბადა,
მიუღწევლო, შენი გზები რომ გაანათა?!

ვიცი, მთებში რომ ამღერებენ ბუკებს ნიადაგ,
ვიცი, მინდორი ყვავილებით გადაბრდღვიალდა.

ო, დამასვენე, სადაც სალი კლდეა ზვიადი,
დამამსხვრევიანე ჯადოსნური სარკე წყვდიადის!

რომ ბებრუხუნა ავსულები თავგამეტებით
ძირს ჩამოცვივდნენ, ნაპრალებში, როგორც წვეთები.

რომ სულს განწმენდილს მოევლინოს ლოცვით, იმედით –
დღე ოქროსფერი, ლაჟვარდებით მოციმციმეთი.

* * *

ღამეული, გაფოფრილი ნისლი,
ტყეა ირგვლივ, ტყეს ნისლები აკრავს,
შორს, ქარბუქში აკიაფდა ისევ
კენტი სხივი და უმაღვე ჩაქრა.

მერე ისევ გაარღვია ნისლთა
ჯებირები და გამოკრთა როდის...
მომეჩვენა ქოხი, ქოხში – წითლად
მოყვავილე ნემსინვერას ტოტი.

ღამეული, ნესტიანი ფიქრი,
არაფერი მახსოვს ქოხის გარდა,
გავაჭენე ჩემი რაში იქით,
მონითალო ყვავილი რომ ჩანდა.

ვხედავ, ნისლებს შეეზარდა იგი,
გაიტაცა ქარმა ნისლის ფრთებით,
სად წავიდა, როგორ გაქრა, მიკვირს,
ვიხედები და ვერაფერს ვხვდები.

უცაბედად აკიაფდა თვალი
არნახული, მომნუსხველი ცეცხლის,
შეხტა ცხენი მშიშარა და მხდალი,
აციმციმდა ქარბუქების ვერცხლი.

„მეგობარო, შეაბრუნე ცხენი,
თავს ნუ იკლავ, გაერიდე, ნადი.
ან რად გინდა გაიმნარო დღენი,
ნუ ენდობი შუალამის ნადილს.“

ამ წყვილადში უღალატებ ქრისტეს,
 მტკიცე რწმენას – უმტკიცესად ნაგებს,
 წითელ ყვავილს ბნელში ნულარ მისდევ,
 ნუ დაეძებ მოალისფრო ბაგეს^ა.

ბანკითხვის ჟამი

თავჩაკიდული რას აკვირდები?!
შენი თვალები ისევ ვინატრე,
ზღაპრულ ფერებით აღარ ირთვება,
გაუფერულებს დილის სინათლე.

მეც შევიცვალე, გულში რაც მენტო
ჩაქრა, ჩანაცრდა უკვე ბოლომდი,
უფრო კეთილად და უიმედოდ
ვუმზერ მინიერ გზათა მოლოდინს.

ვერაფერს გეტყვი, არ ვარ მსაჯული
და თუმცა სხვები კვლავ გაყვედრიან,
რომ ხარ ცოდვილი და გატანჯული –
ეს გზა მრავალი ქალის ხვედრია.

მე უკეთ ვიცი შენი გზა-კვალი,
შენი ცხოვრების ყველა ნაფლეთი,
ბედმა გიმუხთლა და გიმზაკვარა,
აღარ მოგხედა სასონარკვეთილს.

დაგვატარებდა მღელვარე ზვირთი,
ვნების კარნახი და აღტაცება,
გვსურდა გვეფრინა, მოგვეხსნა ტვირთი,
რომ მერე ერთად გვეგრძნო დაცემა.

შენ ოცნებობდი: არ შევიცვლეებით,
ერთად ჩავქრებით დაუნანებლად
და ჩემს მკლავებში გარდაიცვლები,
როცა იხილავ ზღაპრულ ზმანებას.

მერე რა ვუყოთ, რომ ხარ მარტოკა,
რომ ის ოცნება დარჩა ოცნებად,
მიხვდი, ცხოვრებამ ისე გაგთოკა,
რომ ტანჯვა აღარ წარიხოცება.

იყო ოცნება, თუმცა ცბიერი,
მისი ჩურჩული ახლაც მომესმა,
მაგრამ, ძვირფასო, თქვი, ბედნიერი,
თქვი, ხომ იყავი ჩემთან ოდესღაც.

შენს კულულებში ოქრო იელვებს,
მინდა მის შექზე ღამე ვათიო,
ო, ვნებიანო და ცარიელო,
დაუვინყარო, გთხოვ, მაპატიო.

* * *

ამა ცხოვრების ავანჩავანი
ზოგჯერ უზრუნველ ნუთებს გვაჩუქებს,
როცა ხელს მოგხვევს მხარზე მავანი
და ნათელ თვალებს შემოგვაშუქებს.

მყისვე წარმავალს, მიუკარებას
შთანთქავს უფსკრული ბრმა და მშიერი
და უფსკრულებთან მოირკალება
მშვიდი დუმილის მშვილდი შვიდფერი.

სიმღერის ჰანგი აიხდენს სურვილს,
უცებ შეარხევს სიჩუმის მღვიმეს
და არფასავით დაჭიმულ სულის
აახმიანებს მძინარე სიმებს.

* * *

მივალ, უდაბნო მზით ავსებულა,
მივალ ნეტარი და ჯვარცმას ვნატრობ,
ვიფიცებ ქალღმერთს ჯერ არარსებულს,
არარსებული ლაშქრების პატრონს.

ვეძებ სიჩუმეს და სიმარტოვეს
და ვსვამ ნიადაგ შხამს და სანამლავს,
მოვალ, ოდესმე გზას მივატოვებ,
მე დავბრუნდები, სხვაგან სად ნავალ?!

ქალი

ავგუსტ სტრინდბერგის ხსოვნას

გამოვიარე ტანჯვა, წამება,
მე დავეძებდი სიკვდილს ნიადაგ,
დღეს ცოცხალი ვარ და მენანება, –
ვცხოვრობ უაზროდ და სევდიანად.

სასაფლაოზე გზად მიმავალმა
ვნახე პატარა ბორცვი საფლავის,
დე, სამარეში იგრძნოს მავანმა
შემადრწუნები ჩემი ამბავი.

შებინდებისას, ცა რომ განაზდა,
თაიგულებით მოვრთე საფლავი
და ვისაც თვალი მოეკარ ანაზდად,
იყო ჩემსავით მიუსაფარი.

უცნობის მზერამ არ მიმატოვა,
თითქოს მიხსნიდა ძველ ნაიარევს.
არა, მე ისევ მარტოდმარტო ვარ! –
ვიფიქრე ჩემთვის და ჩავიარე.

ვინ იცის, იქნებ მას ვებრალები
ან იქნებ მოსწონს ერთობ დაღლილი
და მონყენილი ჩემი თვალები, –
ისიც მარტოა და თავდახრილი.

ისევ მიყურებს, არც კი დაიბნა,
თვალი უცნობის ჭვრეტით გაერთო,
თვალს ავარიდებ, რომ არ გაიბას
ჩვენ შორის სევდის ძაფი საერთო.

მომიახლოვდა, შეჩერდა დიდხანს
 ისე ახლოს, რომ მზერამ დამსუსხა,
 მე გავიფიქრე: – თუ რამე მითხრა,
 რამე უკმეხი ვუთხრა პასუხად.

წაიჩურჩულა ფიქრის გარეშე,
 სიტყვამ ჰაერი ძლივს შეარხია:
 – ნუ შეშინდებით, ამ სამარეში
 ჩემი პატარა ბავშვი მარხია.

მოვუბოდიშე, რომ არ ვიცოდი,
 გავიზიარე მისი ნაღველი,
 მან ყვავილები გამომიწოდა: –
 დაგავიწყდათო, ისე წახვედით.

– ეს ყვავილები ვაგროვე დიდხანს,
 თქვენ ბავშვს ვუძღვენი,
 აქვე დაჭკნება.
 ცივად ასწია მხრები და მითხრა: –
 ალბათ თქვენ უფრო გამოგადგებათ.

ველარ ვივინყებ უეცარ ტკივილს,
 გულზე რომ მომხვდა და დამაღონა,
 იმ შემწყნარებლურ, დამცინავ ღიმილს,
 გზად მიმავალს რომ გამომაყოლა.

* * *

კვლავ მიმეორებ, რომ ვარ ცივი, კარჩაკეტილი,
არ მახალისებს უცნაური დინება დღეთა,
განა ტკობობისთვის გამოვანრთე სული კეთილი,
განა ტყუილად ვიბრძოლე ბედთან.

შენ ხომ იყავი უფრო მკაცრი ამაყ ფიქრებთან,
როს ვარსკვლავებზე ამოიცან ხვალის ამბავი, –
რომ მომავალი ღამე უფრო მკაცრი იქნება,
რომ არ აქვს ღამეს დასასრული და დასაბამი.

აი, აღსრულდა და სამყარო გაგვიველურდა,
შემოგარენში მოციმციმე არ ჩანს შუქურა,
მათ, ვინც ვარსკვლავებს არ უსმინა, ღმერთო შეუნდე,
ღამის წყვდიადმა სივრცეები გადაუმურა.

ვინც არ იცოდა, რომ ნიადაგ ცოცხლობს წარსული,
რომ მომავალი ღამე ახალ ტანჯვას გვიმზადებს,
სხედან ისინი დაღლილები, ნისლით ავსილნი,
სახეშეშლილნი, ვერმისულნი ნეტარ სიზმრამდე.

იყო დრო... წრფელი იმედები ჟღერდნენ დიადად,
ბედს მინდობილი და უბრალო ვიყავ შენსავით,
ლაღად, გულლიად მივდიოდი ხალხთან ნიადაგ,
არ მაშინებდა მათი ჭორი გულდამგესლავი.

ახლა რაღაა?! იმედების არ მოჩანს კვალიც,
ის იმედები უიმედო წლებმა შეცვალებს,
ყველამ, ვისაც კი შევაგებე ნათელი თვალი,
ყველამ გამწირა, მიღალატა და გავეცალე.

და სული ჩემი ანთებული ელოდა, როცა
 მღელვარებისგან ქცეულიყო ფერფლად და ნაცრად,
 იგი სიყვარულს და სიძულვილს გაშორდა მორცხვად
 და გაიყინა, გაითოშა ანთების ნაცვლად.

დააჩნდა სახეს ნაკვალევი უეცარ რისხვის,
 სევდის ბეჭედი – გაცრუებულ ბედის მპყრობელი
 და უარყოფა გაუმადლარ ქალური სისხლის,
 ცხოველურ ვნებას ჰმონებს რომელიც.

ვის უკაკუნებ, ჩაკეტილ კარს რად არ შორდები?!
 ნუ იტანჯები და ნუ ოხრავ და ნუ წრიალებ,
 ცხოველებისგან თანაგრძნობას ნუ ელოდები,
 მათგან, ვისაც ჩვენ ვუნოდებდით ადამიანებს.

მაშ აიფარე მაგ სახეზე რკინის ნილაბი,
 წმინდა საფლავეებს მოუარე, დათმე ყოველი.
 მათი სიმშვიდე დაიცავი, მათთან იყავი,
 იქ სამოთხეა მონებისთვის მიუწვდომელი.

* * *

აშრილდნენ შელამების ჩრდილები,
ნათელი დღე ბინდმა წააფარფატა,
ისევ გუნდი იმქვეყნიურ ხილვების
ახლოვდება, შემოცურდა თანდათან.

ამ დიდებულ შეხვედრაზე მოვედი,
ვინ იქნება შენი სიღრმის მხილველი,
ნუთუ იგრძენ სუნთქვა წინამორბედის –
გაზაფხულის თრთოლვა გასაკვირველი.

გავაყოლებ მზერას ციცინათელას,
ხარობს გული, როგორც წინათ ხარობდა,
შენ ახლოს ხარ, ვიცან შენი ხატება –
ამა სოფლის უმოძრაო წყაროსთან.

* * *

შენ არასოდეს არ იქნები ჩემი ან სხვისი,
 აი, რამ შემძრა და უფსკრულთან რისთვის მოვედი,
 უძირო დღეთა სიმძიმისგან ვერავინ მიხსნის,
 აი, რატომ ვარ შენი ტყვე და შენი პოეტი.

აქ ჩანს ქალური უარყოფის მკაცრი ნიშანი
 და საოცარი სილამაზე მიუწვდომელი,
 იქ უსასრულო სამყარონი გადაიშალა,
 მოყოვნავს სული ჰარმონიის შეუცნობელის.

იმლამინდელი ჩემი ღელვა, ბნელი დარბაზი, –
 აი, საბრალოვ, რატომ ვფიქრობ და მედარდები,
 აი, გზაში ვინ დამადევნა მზერა ლამაზი,
 ვინ დამაეჭვა, ტყვედ მაქცია იმ მოლანდების.

თავისუფალო, შენ მიფრინავ და არას ითხოვ
 და უორბიტო სივრცეების შენ ხარ ცთომილი,
 შენთვის სამყარო მონითალო კვამლია თითქოს,
 იქ რაღაც იწვის, რაღაც შფოთავს შეუცნობელი.

და იმ ბრწყინვაში მომწუსხველი შენი ხმა ისმის,
 მხოლოდ მუსიკა, –
 არც თანხმობა და არც ლალატი,
 მხოლოდ მუსიკა, –
 არც წუხილი და არც ხალისი,
 მეც ასეთი ვარ, მეყვარები, კარმენ, მარადის.

* * *

ცას თოვლის ბინდი ერთვის,
მკაცრი ქარბუქი ჩადგა,
შენ უცნობი ხარ ჩემთვის,
შენ ხარ ლექსების ქარგა.

იდუმალებას გავხარ,
ვესოვ თოვლის ძაფებს ისევ,
შენ ხომ პირველი არ ხარ,
ვინც მე ჩამბარდა ხიდზე.

აქ – ელნათურის თვალი,
იქ – ზღვას სიბნელე ფარავს,
ყინვით შეკრული წყალი, –
კარს არ გაგიღებ, არა,
ო, არასოდეს,
არა!

თან გავიყოლებ თოვლის ნამცეცებს,
მივალთ, უფსკრული გველის მრავალი,
ისევ ცას უმზერ, თვალს არ აცეცებ,
აყვავებულა ზეცის თავანი.

შენ უმზერ ნაღველს, –
ცისფრდება თოვლი...
სიშორეს დაღლილს
მარხილთა ქროლვით.

შენი თვალები ვნებით ივსება,
იდუმალებას ამხელს,
თოვლის ბაგენი გადაიხსნება,
მიახლოვდება სახე...

სიმაღლე, სიღრმე, სიჩუმე თოვლის,
დუმხარ, დუმილი მარადის გდევედა,
შენში გადმოდის მსუბუქი თრთოლვით
იგივე დარდი, იგივე სევდა.

ლექსებს ზამთრისას თოვლისფერი შუქი ეფინა,
ახლაც ვკითხულობ ჩემთვის, ზეპირად.

* * *

გარდავიცვლებით და დაგემარხავენ,
გადავიქცევით საბრალო ბორცვად
და ველარავინ ვერ დაგვანახებს,
იქ, ზევით, წვიმა წამოვა როცა.

აღარ მოგვიწევს ფიქრებით დაღლა,
გვეცოდინება: – დასასრულია
თუ სიჩუმეა – სთველია მალლა,
თუ ხმაურია, გაზაფხულია.

ნულარ ვიჩქარებთ, უკვე დავკარგეთ
წლები, რომლებიც ახლაც მიქრიან,
ვიყოთ, განვსაჯოთ მშვიდად ავ-კარგი,
ხალხის გონებას რაც უფიქრია.

* * *

განთიადზე არ ჩანს გზები
და ოცნებაც მკრთალია,
სერაფიმის ფეთქავს ფრთები,
ზეცა გამჭვირვალეა.

ლაჟვარდებით გარემოსილს,
დრო დარბაზებს ანაზებს,
თეთრი, თეთრი ანგელოზი
გზებს ვარდებით ალავსებს.

ზეციური ჩემი ცოლი
ტოვებს ცისფერ კამარას,
გადაიხსნა ოქროს რგოლი,
ქათქათა ფრთებს დამალავს.

* * *

დრო და სიკვდილი ბატონობს ქვეყნად
და მეუფეებს მათ ნუ უწოდებ.

ვლ. სოლოვიოვი

ვიცი, საბრალოვ, რომ მძიმე ტვირთის
მოგბეზრდა თრევა დიდი ხანია,
გტანჯავს უსულო დრო-ჟამის ზვირთი,
მე კი მივალ და მიმიხარია.

აქ უიმედო გრიგალი გრგვინავს,
ქრიან სიზმრები ავი, თავნება,
შენზე მეუფობს ლაჟვარდის ბრწყინვა,
ვერ გრძნობ სხივნათელ დღის ელვარებას.

თუმც ააყვავებ ხილვას იდუმალს
განახლებათა ცეცხლით თანდათან
და ძველ ოცნებას – წარმავალ სტუმარს
კვლავ განთიადის შუქი გაფანტავს.

* * *

როცა ღამეა ბნელი, უმთვარო,
სძინავს ქალაქს და ღუმს სალოცავი.
ო, რა მუსიკა ისმის, უფალო,
შენი მუსიკა გასაოცარი.

რაა სიმნარე, შენი ვარდები
როცა მინთია და ვერ ველევი, –
ჩამავალი მზე როცა მკრთალდება,
ადამიანთა რაა ცრემლები.

ო, დედოფალი ზეციურ ხმების,
ფასად ნამების, სისხლის, სამარის,
მიიღე თასი, აღსავსე ვნებით
ულირსი მონის, მიუსაფარის.

* * *

ისევ მოვედი, ისევ ბინდია,
უიმედობით სული ამევსო,
აი, ისინიც, ორნი მოდიან
სასიყვარულოდ და საალერსოდ.

მე ვარ საბრალო და გახელებით
ხელი შევახე დანას ალესილს,
რამ დამასიზმრა თეთრი ხელები, –
ქალნულ ფერიის ნაზი ალერსი.

აი, ისინიც, კოცნის მგზნებარედ
ხელზე და მოჩანს მისი პროფილი,
მე საკუთარ ლანდს ამოვეფარე,
საცოდავი და უარყოფილი.

გარბოდა ლანდი და ღამით ავსილ
ლანდის თვალებში ვნება ღვიოდა
და დღე, გარდასულ დღეების მსგავსი,
თანდათანობით შემოდოდა.

* * *

თოვლიან ბინდში შავი ყორანი,
შავგვრემან მხრებზე შავი ხავერდი,
ხმა უნაზესი, გაუგონარი,
სევდიან ხმაში ღამე სამხრეთის.

გულში ციმციმებს ვნება ჩვეული,
ვით შუქნიშანი ზღვათა მზვერავი
და უფსკრულებზე თავანუელი,
სუნთქვაშეკრული მიჰქრის მერანი...

ქარბუქი... ბაგეს წვავს უკოცნელად
შენი სურნელი, სუნთქვა, კულული,
ო, ვალენტინა, ჩემო ოცნებავ,
ისევ მიგალობს შენი ბულბული.

ეპატარავა გულს ეს სამყარო –
ავსილი შენი წვით და კოცნითა,
სადაც ბოშათა ისმის სიმღერა
და კომეტების ცეცხლი მოცვივა.

* * *

„აუხდენელი კვლავ მეზმანება“
ფეტი

ისევ მკრთალია სხივთა თამაში,
ყივის მამალი, ვერ გაათენა
და დამწიფებულ პურის ყანაში
ძლივსლა ციმციმებს ციცინათელა.

მდინარის გაღმა შუქის ჭიატი,
ჩაშავებული ტოტების თვლემა,
ნისლში ზღაპრული და იშვიათი
ქრის უჩინარი ცხენების რემა.

მონყენილ მინდორს მივდევ ცისმარე,
ძველი მოტივი რას მეუბნება?!
აუხდენელი ქრება სიზმარი,
თანდათანობით სულს ეუფლება.

ვჩურჩულებ, სიტყვა სიტყვას მოება,
არარსებული წვით, გახელებით
და ირწვევიან ხეთა რტოები,
მათი ხელები და სახეები.

* * *

დღე მოვა, როგორც წამი მოლხენის,
 დაგვავეინყდება ყველა სახელი,
 შენ თვითონ მოხვალ, თვითონ მომხედავ,
 დაგხვდები მრავალ სიზმრის მნახველი.

დახედავ სახეს თრთოლვამოფენილს,
 შეიცნობ ჩემი ფიქრის დინებას
 და წარსულ დღეთა უარმყოფელი –
 შენი სხივები მომეფინება.

და როგორც მაშინ, მღიმარი მუდამ,
 ამოიკითხავ ჩემს შუბლზე ახლაც –
 სიყვარულს უნდოს, ესოდენ მბჟუტავს,
 ძირს, მინაზე რომ ჰყვავოდა სადღაც.

უფრო საოცრად ვიგრძნობ მოლოდინს,
 ეჭვებს და ფიქრებს გულს მოვაცილებ
 და ჩემს ფიალას დავცლი ბოლომდი
 შენი დღის მონმე და მონანღლე.

* * *

იყო საღამო შემოდგომის და წვიმდა ისევ,
იგივე კითხვა მაფიქრებდა საოცრად დაღლილს,
როცა ოთახში შემოვიდა – ვითარცა ნისლი –
უცხო ჯენტლმენი და შემოჰყვა ფეხდაფეხ ძაღლი.

მან სავარძელში, ცეცხლთან ახლოს მოიკალათა
და ძაღლიც განვა ძირს, ფარდაგი რომ აფენია.
მითხრა სტუმარმა: „შეეგუე სვე-ბედს თანდათან,
კმარა, ბატონო, დამორჩილდი ბედის გენიას“.

„თუმც სიბნელეში, სიყმანვილის ნატვრა ერთგვარი...“
ასე დავიწყე და სტუმარმა შემანყვეტინა,
„ისევ ისეა, ნაზი ლენორ შეშლილ ედგარის,
გზა დაბრუნების არ არსებობს, ესეც ბედია!“

საკვირველია, მღელვარებას ვნება ჩაუქრა,
თითქოს სტუმარმა მეც შემცვალა, ვგრძნობდი
ნამდვილად,
ასე გულმშვიდად, საქმიანად გამესაუბრა
და არსებობა შეუმჩნევლად გამიადვილა.

თვითონ წავიდა, დარჩა ძაღლი, კეთილად უმზერს
ჩემს სიმარტოვეს და არც უნდა რომ მიმატოვოს,
თათს დედაკაცურს თანაგრძნობით დამადებს მუხლზე,
თითქოს ჩურჩულებს: „დამორჩილდი სვე-ბედს, ბატონო“.

* * *

შენი სახელი ვიცი მაცდური,
შავი ხავერდი, ბაგე მდუმარი,
მაგრამ შენ მიღმა ზოგჯერ დაცურავს
რაღაც უცნობი და იდუმალი.

და მრისხანებას თითქოს ვერ ვევი,
როცა სიბრაზე სახეს შენისლავს,
მწვავს და მანამებს შავი ეჭვები
ჩემთვის უცნობი შენი ქვეყნისა.

მზად ვარ ტანჯვისთვის, ვერ შეგელევი,
ვიხსენებ ქარბუქს და ვირინდები,
მე მახსოვს შენი სუსტი ხელები
და მოჩურჩულე მარგალიტები.

* * *

კვლავ აფთიაქი, ქუჩა, ფანარი,
ღამეულ შუქის უაზრო ბჟუტვა,
იცოცხლე თუნდაც წელი მრავალი,
საშველი არ ჩანს, ასეა მუდამ.

გარდაიცვლები, მთელი სიმძიმით
განმეორდება ძველი ზღაპარი:
ღამე, გაყინულ არხის ციმციმი,
კვლავ აფთიაქი, ქუჩა, ფანარი.

* * *

მე ვუერთდები ჩრდილებს საშინელს,
 შენ ეჭვობ, ფიქრი მინას შორდება,
 დღესთან შეხვედრა ისევ გაშინებს
 და ვერ გრძნობ ღამის მოახლოებას.

ნუ ელი სიტყვებს ზეშთაგონებულს,
 ვერ მივაღწიე ყრმობის მიზნამდე
 და მშვიდად ვუცდი, როგორც ორეულს,
 სიზმარს, რომელსაც მინა მიმზადებს.

სთქვი, ოცნებებით როგორ ავენთო,
 ამა სოფლიდან რაღას მოველი?
 როცა არ გჯერა შენ, ერთადერთო,
 ამ განწირული საგალობელის.

ერთვის სიბნელე სივრცეს სანატრელს,
 გაქრა ტკივილი – ფიქრის წყალობა,
 შენ ხარ უკვდავი, მარად ანათებ
 და არც გაფიქრებს წარმავალობა.

* * *

რა უცნაური სანახავია,
ო, ჩრდილოეთო, ეს საოცრება,
ეს ვრცელი ვაკე არახალია,
ბერნია, როგორც ჩემი ოცნება.

აქ სული ჩემი შეუპოვარი
მკაცრი სიცილით დუმილს აშინებს,
თითქოს პასუხად შავი ყორანი
ფიჭვის კენწეროს არწევს მაშინვე.

მოჩქევს ჩანჩქერი და იფანტება,
გრანიტზე ათას შხეფად აცურდა,
ქვებზე მღერიან ნაიადები
ჰიმნს გაურკვეველს უქმრო ქალწულთა.

ამ გუგუნს, ხმაურს, გული დანებდა
და მწუხარება ველარ გაფანტა
და ბერნ ქალწულთა თევზის თვალებთან
ჩემი ცხოვრება ქრება თანდათან.

მეორე ნათლობა

მე მივხვდი კარის გამოღებაზე,
სახლს რომ თოშავდა თოვლის სინათლე,
რომ უახლესი თოვლის ემბაზით
თითქოს მეორედ მე მოვინათლე.

და გამახსენდა სამყარო სულ სხვა,
და ხალხი საქმით უთავბოლოთი,
ვერ მოესწრება სამოთხის სუნთქვას,
ვინც დასდგომია გზას სიბოროტის.

სული დაღლილა, მან მოიწყინა,
მობეზრდა მიწა, დების ალერსი,
როგორც ყინული, შუბლზე მიბრწყინავს
ქარბუქის თვალი უძვირფასესი.

ო, სიამაყემ ახალ ნათლობის
გათოშა გულში ცეცხლის ზვირთები,
რატომ მახსენებ, რასაც ვნატრობდი?
გაზაფხულის მზეს რატომ მპირდები?

გულს უხარია თოვლით დათრობა!
ჩანს სივრცე თოვლით სასომიხდილი,
ვუცდი მესამე, ბოლო ნათლობას:
ბოლო ნათლობა არის სიკვდილი.

* * *

ლოდინში გადის ჟამი მშვიშარა,
სამწუხაროა და დასანანი,
თავი დახარა, ჩამოიშალა
ბუნდოვან მხრებზე მჩატე დალალი.

მწირია ჟამი და წარმავალი,
ასე გვექონია თურმე მოსჯილი,
ნუ უსმენ, როცა ამბობს მავანი: –
დაელოდეთ, იყავ მორჩილი.

უცნაურია შენი გზა-კვალი
ან რას გვეკარნახობს ბედის სიავე:
„მიდი, არწიე უცხო აკვანი .
და ჩვილს საძულველს ელოლიავე!“

მეც ხომ აქა ვარ, ჩემი პროფილით
ჩანგზე დახრილი, როგორც წერაქვი,
გაავებული, უარყოფილი,
დამცირებული, განა ვერაგი.

მნამს შენი თმების ბინდი დაღლილი,
ვერ გიღალატე და ვერ გაგცვალე
და ჩემი სული მორჩილ ძალღივით
შენს ფეხთან ყმუის და ჯაჭვს აწვალეებს.

ბედნიერი ვარ შენი მნახველი,
მინდა, რომ შენი სუნთქვით აღვივსო,
მსურს დავიძახო შენი სახელი
და შენთან ვიყო სამარადისოდ.

ნუთუ სიცოცხლე არის ზმანება
და შხამის კვალად შხამი მომელის,
ო, საღალატოდ შემენანება
თვალები, ასე მიყვარს რომელიც.

უძველესია მთვარის ნათება,
ყველაფერს ძველი შუქი ედება,
რომ მკვდარი ისევ დაიბადება,
სიტყვასთან ერთად აღმოცენდება.

ვინ ეკითხებათ, ვფიქრობდით რაზე, –
შენ რა მაჩუქე, მე რას ვპოვებდი,
როცა მოვკვდები, საფლავის ქვაზე
ამოკანრავენ სიტყვას – პოეტი!

* * *

იგი მოვიდა და მოინდომა
მომშველებოდა, ისე, ვით წინათ,
გაექრო ჩემი უამინდობა
და გაყინული გაეთბო ბინა.

თავს წამომადგა უცებ ცასავით,
თავის სათქმელი უსიტყვოდ მითხრა,
ვერ შევძელ თუნდაც ხელის სავსავით
მეთქვა, რომ მასზე ვდარდობდი დიდხანს.

სევდით ჩამხედა ბინდიან თვალში,
გრძნობდა სიბნელეს ჩემზე ჩაფრენილს,
მაგრამ ჩვენ შორის, მე მივხვდი მაშინ,
არ არსებობდა აღარაფერი.

მრავალი დღე და წელი მრავალი
მინიერ ვნებით ვიყავ დაღლილი,
ბედნიერებამ, შორად მავალმა
შორს ჩაიქროლა შლეგი მარხილით.

ავად ვარ, ვკვდები უარყოფილი,
თავისთან მიხმობს შუქი ციური,
ჩამავალი მზით ვარ კმაყოფილი,
არ მაკრთობს ღამე მარადიული.

მარადისობამ ცივი ციმციმით
ჩამხედა თვალში, გულში ჩამიკრა
და ლურჯი ღამის მკაცრი სიცივიტ
ღელვის კოცონი მყისვე ჩამიქრა.

* * *

ცისფერთვალა უფალს გაუჩენია
უპირველეს სიყვარულის გენიად.

ადგა მშვიდად ლამაზი და ნეტარი,
აამლერა შხამიანი ნესტარი.

შლის ნაკვალევს, არ სურს ძველის გამხელა,
არც კი ვიცი რა დავარქვა სახელად.

ნაზი ხელი, ხელი მოსაფერები,
დახშული ხმა, უცნაური ბგერები.

ცისფერია ცისფერთვალა ირემი,
სიცისფრეში ისევ ჩავიძირები.

* * *

შენ, მოჩურჩულე სიტყვით შობილო,
სალამოს ბინდში გამოხმობილო,
მახსოვს, მოსტაცე ფერი ალუბალს
და სულში ჩამწვდი, როგორც გალობა.

მას შემდეგ, ლამით,
ლამით და დილით,
თან დამდევეს შენი მსუბუქი ჩრდილი,
საამო სუნთქვა თეთრი ბალების...
მე შენს ფეხის ხმას უხმოდ გავყვები,
შენს სილამაზეს, სავსეს კაეშნით,
არ მივატოვებ ნათელ ღამეში.

* * *

თეთრი ხარ, როგორც თოვლი პირველი,
 ტაძრის სითეთრე როგორ გშვენოდა.
 არ მჯერა ღამის – შავი ფრინველის,
 საღამოების უსაშველობა.

ვუსმინო ჩემს სულს,
 სურვილი არ მაქვს,
 ო, იქნებ, შენი ხმობა მომესმეს,
 ო, იქნებ, როგორც გვიანმა მგზავრმა,
 მოგიკაკუნო კარზე ოდესმე.

არ გამახსენებ წარსულ სიმწარეს,
 შენ მაპატიებ,
 ისევ მომიცდი
 და გაზაფხულის ნათელ სიმწვანეს
 გადასარჩენად კვლავ გამოომინვდი.

მუზას

შენს სიმღერაში ისმის ფარული,
საბედისწერო ჩქამი სიკვდილის,
წმინდა ალთქმათა წყევლა მზაკვრული
და უბედობა სასომიხდილის.

ო, მიმზიდველო, გიმზერ როდესაც,
ვიცი, სიცოცხლე რომ შენი არის,
შენ აკნინებდი ანგელოსებსაც
და აცთუნებდი სიმშვენიერით.

როცა დასცინი ხმამონამლული
რწმენას, შენს ირგვლივ თითქოს ბრუნდება –
წრე ნაცრისფერი, მომენამულო,
მე რომ ვიხილე ერთხელ ბუნდოვნად.

რა ხარ – სიკეთე თუ ბოროტება,
საიდან, როგორ, რატომ მოხვედი,
ზოგისთვის ტკბილად რომ ბოლოვდები,
ჩემთვის ტანჯვა ხარ და ჯოჯოხეთი.

გამთენიისას, როცა მომესმა
შენი ჩურჩული, რატომ მშველოდი,
რატომ არ მოვკვდი, გნახე როდესაც
და შენგან ნუგეშს რისთვის ველოდი.

მე შენთან მტრობა მსურდა თავიდან,
მაგრამ არ ვიცი, რისთვის მაჩუქე
ცა ვარსკვლავებით, მდელიო ყვავილთა
წყეულ სიტურფით რად გამაშუქე.

ცივ ღამეებზე უფრო მზაკვარო,
დამატრობელო, როგორ შემოდი,
ხანმოკლე ტრფობის ცრუო გზა-კვალო,
ო, რა საშინლად მეფერებოდი.

საბედისწერო შვება, ვნებანი,
გამოტყუება მერე ამ გზიდან,
გულის უგონო სიტკბოებანი
და ვნება მწარე, როგორც აბზინდა...

* * *

კვლავ სიჭაბუკე თავისებური...
შეუმჩნეველი აზრის შეჩვევა,
ბედნიერება არ არსებულა,
არც იარსებებს, არ მეექვსება.

საშიში წლები გადის ხმაურში,
თითქოს იმედიც გადაინურე,
თუ გამოხვედი და გადაურჩი,
საკვირველებას მაშინ ირწმუნებ.

ბოლოს მიხვდები გაუოცებლად,
რა საჭიროა ბედნიერება.
აუხდენელი იყო ოცნება,
რომელსაც უკვე ბინდი ერევა.

სხვა უკეთესი რა დამრჩენია,
ფუჭი ყოფილა, მე რაც ვინამე,
რაც იყო ჩემი, უკვე ჩვენია
და უფრო მყარად ვდგავარ მინაზე.

მხოლოდ ჟამიჟამ, გასაოცებლად,
მოგაგონდება ნეტავ როდემდი,
სადღაც მბუჟთავი ყრმობის ოცნება –
ბედნიერებას რომ ვუნოდებდით.

* * *

დღე მიიღია, ქრება ნათელი,
ქრება იქ, სადაც გზათა მტვერია
და მოწითალო ათინათები
ჩემი სანთლების შუქს შეერია.

ღამე კი, სულ სხვა ღამის მხმობელი,
მრუმე ზოზინით ჩემკენ მოცურავს,
წითელ ათინათს ისევ მოველი,
თუმცა სიბნელით გარემოცულა.

ფუჭად მიმაჩნდა, რაიც გადაღლილს
და სინათლეში მწარედ მოისმა,
ის აღსრულდება მტვერში გადახრილ
ფერად სხივებში საღამოისას.

* * *

ბრუნავს ქვეყანა, წლები გადიან,
წყვიდიადის თვალით სამყარო გვიმზერს,
სულო, იმედად რა გაბადია,
ბედნიერებას რომ ელი ისევ?!

ბედნიერება?! –
რა არის ნეტავ? –
ტყუთა სიგრილუე,
სიჩუმე სრული? –
ბინიერების და ვნების ფეთქვა,
თუ ღვინისათვის განწირვა სულის?

ბედნიერება ნამია მხოლოდ,
თავდავინწყების თრთოლვა, ზმანება,
გამოერკვევი, მიხვდები ბოლოს:
მტკივანი გულით სად გეჩქარება.

სულს მოიბრუნებ, ოხერ-ტიალი
გული უეცრად კვლავ შექანდება,
როგორც ჩიკორი ბრუნავს, ბზრიალებს,
ცოტაც და თითქოს წყდება, ვარდება.

ვებლაუჭები ნაპირს ალესილს,
გვესმის ზუზუნი, ფეთქვა, ფართქალი,
ხომ არ ვგიჟდებით უსაძაგლესი,
გამოგონილი ტყუილ-მართალით.

დასრულდეს მაინც...

აბეზარ ბგერის

ავი ზუზუნი როდის მიწყდება?..

ძმაო, ძმობილო, მომეცი ხელი, –

კვლავ შევუერთდეთ თავდავინწყებას.

* * *

ომის ხანძარი გრძელდება ისევ,
 ალესილ ხიშტებს მკერდებს ახლიან,
 დაფიქრდი წამით, იხილავ ცისფერს
 და სიცისფრეში სახეს ნალვლიანს.

შეავლე თვალი ლაყვარდს საამოს,
 მიმოიხედე მშვიდად, ხალისით,
 იქ – წყნარ, უცისფრეს, დაუსაბამო
 ლაყვარდის კვამლში – გრგვინვა არ ისმის.

მოხუცი მწყემსი დატოვებს ფარას
 და ლაყვარდოვან კვამლს დაეწევა,
 გაუვარდება მეომარს ფარი,
 ისიც ულურჯეს სივრცეს ეწევა.

ერთად მიდიან, განსრულდა გარჯა,
 მინაზე დარჩა მხოლოდ ნაცარი,
 უფლის მინდორზე ფარ-შუბი არ ჩანს
 და არ გუგუნებს ომის ხანძარი.

* * *

შენს წმინდანობას
ვერ დავიჯერებ,
რადგანაც ვიცი წინასწარულად,
რომ ერთხელ ნადილს ვერ შეიჩერებ,
გამოაპარებ მზერას ფარულად.

ო, იდუმალი და შავოსანი
მოვა ნილაბი ტანჯვით შობილი,
მე შემოგდახებ შიშით, „ოსანა“,
როგორც შეშლილი ქვედამხობილი.

მყისვე ზეციურ ხმას გამაგონებ
და გამოაჩენ ნათელ სახებას,
როცა სიცოცხლეს ამოვაყოლებ
ჩემს უკანასკნელ ამოძახებას.

* * *

როგორც სურვილი, იზრდება სახლი,
 მიმოიხედე, მობრუნდი, დროა,
 სად თეთრი სახლი მოჩანდა მალლით,
 ფუთფუთებს ნაგვის საზარი გროვა.

გაქრნენ საგნები თუ დრომ შენისლა,
 ცაში გამქრალი ბევრი მინახავს,
 მითხარ, ორფეოს, ცოლის ძებნისას,
 „მოიხედეო“, – ვინ დაგიძახა?

ვიდრე მტანჯველმა დარდმა ჩამნაცროს,
 სჯობს ჩავეხუტო ტალღებს ბლავილით,
 ჩავიძირები და ჩემს სანაცვლოდ
 ამოცურდება თეთრი ყვავილი.

* * *

წახვედი, მაგრამ სუმბულებს გაშლილს
სწყუროდათ ისევ ის მდუმარება
და შენს მსუბუქად გაფენილ შალში
ყვაოდა ლამის იდუმალება.

როცა სალამო სხივებს ამოშლის,
მე ვიცი, მოხვალ, მოხვალ, ნანატრო,
რომ სურნელებით ნილოსის შროშნის
კვლავ გამაბრუო, ისევ დამათრო.

მეცნობა შენი სუსტი ხელები,
მოსაფერებლად მზერა მიმირბის,
მე მახსოვს ტანი განახელები,
დაღლილი მხრების რკალი ირიბი.

თუმცა შენს თვალებში განუზომლობა
და ქერა ბინდი მოჩანს მარადის,
მაღავ მზაკვრობას და უნდობლობას
და უსაშინლეს ღამეს ღალატის.

გაურკვეველობის ნისლი გახურავს,
ვერაფერს ხვდები ვნებით გართული,
არ იცი, რომელ ღმერთებს მსახურებ
ანდა ვის რჯულზე ხარ მონათლული.

შემოდი ჩემთან, ვნების ძახილი
კვლავ გამაგონე, კვლავ გამიხსენე
და ბნელი მზერის ბასრი მახვილით
ცოცხალი გული გადამისერე.

მოდი, ურნმუნოვ,
არ გაგაბრუნებ,
ამ ყრუ ღამეში გიციდი სანყალი,
მიბნედილ ბაგით კვლავ გამაბრუე,
მერე დამახრჩვე შენი ნანნავით.

დეგონი

მე გამომყევი, როგორც ერთგული
მონა და შიშის ჯაჭვი დაფლითე,
იქ, სადაც მოჩანს თოვლით შემკული
თეთრი მწვერვალი,
ერთად ავფრინდეთ.

მე გაგაგონებ უფსკრულთა შიშინს,
მათ უფსკერობას მე გაგაგონებ,
შენი ფუჭი და ამაო შიში
უფრო აღმანთებს და შთამაგონებს.

რომ შეგეცვალოს ძველი იერი
და მიწიერი გაქრეს დარდები,
შემოგეხვევი ფრთებით ძლიერით
და არასოდეს დამეკარგები.

და მის უწმინდეს კალთებს შევუვლით,
აგვავესებს შუქი გასაკვირველი,
დაგნაცრავ ჩემი ღვთიურ სხეულით,
სიმშვენიერით ჯერ უხილველით.

შენ ხომ არ უწყი, გაქრება სწრაფად
ადამიანურ ვნებათა ბადე,
მოსანყენია ამაო სწრაფვა –
ადამიანურ ვნებას რომ ბადებს.

როცა სადამო გაირინდება
და უხილავი მთიებს წარმოშობს,
მალლა გაფრინდა კვლავ მოგინდება –
ვარსკვლავებიან ცის უდაბნოში.

თვალით უხილავ სივრცეს გავივლით,
 ზეავმალღებობით ფრთების სავსავით
 იქ, სადაც მინა ჩანს ვარსკვლავივით,
 ხოლო ვარსკვლავი ჩანს მინასავით.

შენ დაგანახებ,
 მხოლოდ შენ – პირველს
 და სამყაროებს შეიცნობს ახალს
 და თვალს შეავლებ საოცარ ხილვას,
 ჩემს თამაშსა და სიანცეს ნახავ.

ათრთოლებული, შიშით დაცლილი,
 ნაიჩურჩულებ:
 „კმარა, გამიშვი!“
 მე უმსუბუქეს ფრთებს გამოგაცლი,
 გეტყვი:
 „გაფრინდი, რადგან არ იშლი“.

მერე, ღვთაებრივ ღიმილის მერე,
 ნახვალ ქვასავით, ნამით იელვებ,
 შეუერთდები სამყაროს ფერებს
 და მოელვარე სიცარიელეს.

კუნძულზე

მიმოთოვლილი მოჩანს სვეტები,
ხიდი და წყვილი შუქის ნათება,
შეყვარებულ ქალს ცეცხლი ედება,
ცისფერ სიზმრისკენ მიემართება.

ის ჩემთანაა – ახალი სატრფო,
შეუჩერებლად მიქრის მარხილი,
დაუფარავად ვკოცნი და ვათბობ,
უსუსტეს მხრებზე ოდნავ დახრილი.

სევდიანია ეს სიტკბოება
და ესეც მალე აღესრულება,
ეჰ, ვილას ახსოვს ძველი დროება,
ხვენნა, მუდარა და ერთგულება.

ო, განა პირველს ვეარშიყები,
დამეჯერება, არ ვარ მკვეხარა,
საქმეს დინჯად და მკაცრად მივყვები
და არ ვპირდები ცას და ქვეყანას.

ვით გეომეტრი, მე გავინაფე,
ვითვლი ყველაფერს,
ჩემთვის ვჩურჩულებ,
ვითვლი ხიდებს და ქარის სისწრაფეს
და ჩაბნელებულ მცირე კუნძულებს.

თან ოსტატურად გავშლი ბენვეულს,
თან გაუთბება მარხილს კალათა
და სატრფოს უფრო ახლოს ვენვევი,
არ ჩაგვეთვლება არც ერთს ღალატად.

როცა სიყვარულს ცეცხლი უქრება
და ვირინდებით ოდნავ დაღლილი,
მშვიდად ვარ, რადგან არ მემუქრება
ჩემი რაყიფის ბასრი მახვილი.

არ ელოდება სატრფოს კეთილი,
შეშფოთებული, მზრუნველი დედა,
ქმარიც, ოთახში გამოკეტილი,
ძილში მშვენიერ ზმანებებს ხედავს.

ის, რითაც ღამე ხსოვნაში ღვივის
და მოგონება რითაც განათდა,
გაგრძელებაა წუხანდელ ლხინის,
ანუ სინათლის ბნელში გადაზრდა.

* * *

ქრება, ინთება და მიმზიდველი
შუქ-ჩრდილის კრთომა თითქოს ზვირთია,
ყაყაჩოები წითელ-ყვითელი
სიზმარში ახლაც ჩემკენ ილტვიან.

ლამის მღვიმეში კვლავ გადავეშვი,
თვალეები შიშის შიშით ქრებიან,
და ქიმერები ზეცის სარკეში
გამთენიისას იმზირებიან.

მივდევ გაქცეულ წამთა განთიადს,
თვალეებს მიბნიდავს შორი წარსული,
გაშლილ წიგნში კი ისევ ანთია
ოქროს ნანწავი ზღაპრულ ქალწულის.

თითქოს დაბლდება ზეცის გუმბათი,
ვიხრჩობი შავი სიზმრის მდინარით,
აღსასრულის დღე ვიგრძენ გუმანით, –
ომი და ცეცხლი ისევ წინ არის...

* * *

ჩემი ფიქრები
 უძღურების ზღვაში ტრიალებს,
 ტკბილ-მწარე განცდას
 ქედი მაინც არ მოვუხარე,
 მახსოვს, ძვირფასო,
 რა საოცრად ჩაინკრიალე,
 დღესასწაულით ამიყვავე
 სული მწუხარე.

ენით უთქმელო, შორეულო,
 არ გაქვს სახელი,
 ო, იდუმალო,
 ნეტავ ქვეყნად ვინ შეგედაროს,
 ჩემო მნათობო,
 მეშინია შენი გამხელის,
 შენა ხარ თასი
 შხამით სავსე და სანეტარო.

* * *

შენ მიიმალე, მინა შეიძრა
და ცხელ უდაბნოს მკერდს ჩავეკარი,
ვიცი, დღეიდან ველარ შევიძლებ,
სიტყვა რომ გითხრა დაუდევარი.

რაც იყო, იყო, ან ჩავლილია,
შენს თვალუნვდენელ სიმალლეს მივდევი,
შენ მშობლიური ხარ გალილეა,
მე კი – აღდგომის ნატრული ქრისტე.

სხვა მოგეფეროს და ვინც განიცდის,
მანვე ამრავლოს სიტყვათა ხვაევი,
ადამიანის შვილმა არ იცის,
სად მოიდრიკოს მორჩილად თავი.

* * *

ისე მეცნობა შენი ხატება,
თითქოს გიცნობდი, გულში გმაღავდი,
შინ ვარ თუ სტუმრად მივეხეტები,
შენი პროფილი დამდევეს მარადის.

შენი შრიალი ჰაერს შეარხევს,
ყველგან შენს სახეს ვხედავ კვლავ და კვლავ,
უმსუბუქესო, იქნებ, შენა ხარ,
ლამლამობით რომ დამდევე კვალდაკვალ?

კარს გავაღებ და უნდა ვინანო,
თვალს შეგავლებ და დამენანება, –
ჰაეროვანო და უჩინარო,
ქრები მაშინვე, როგორც ზმანება.

ვიხსენებ, თითქოს ოდესღაც გნახე,
ნუთუ შენ იყავ? ეჭვი დამზაფრავს:
საფლავთან იჯექ მნუხარე სახით,
გიშრიალებდა ქარი თავსაფარს.

მოგიახლოვდი, მახსოვს – ვლელავდი,
შენ კი ნახვედი, მოშორდი ბეჭობს,
მერე მდინარის პირას მღეროდი
და შენს სიმღერას უნმინდეს ექოდ

იმეორებდნენ ბინდში ზარები,
მე კი ვტიროდი, მაგრამ ამაოდ,
შენი ხმა, ზარის ხმას შენარევი,
იბინდებოდა, როგორც სალამო.

შენი სიმღერა აღარ მომესმის,
მდინარის გაღმა ჩანს თავსაფარი,
ისევ შევხვდებით, ალბათ, ოდესმე
ამისრულდება ძველი ზღაპარი.

* * *

მე ბებერ მიწას მივყურადე
და გული მყისვე დასევდიანდა,
იქ ვილაც ტირის, კვნესის მუდამდღე
და სულს წყვდიადში ტანჯავს ნიადაგ.

ჰეი, წამოდექ, წყვდიადს განაბულს
სძლიე და ცეცხლად ამობრიალდი,
რომ ელვასავით უცებ განაპო
ჯოჯოხეთური ღამის წყვდიადი.

ნუ ჩიჩქნი მიწას – ბინდის სათავეს,
თვალი წყვდიადით ისევ გევესება,
მუდამ გახსოვდეს:

ხნულში თავთავი
კვლავინდებურად ჩაითესება.

შენც მარცვალევით – სვენებ-სვენებით
ამომზეურდი და იშრიალე,
მაგრამ იცოდე:

აღმოცენების
სათავეებთან ბინდი რიალებს.

როს გაზაფხულის სუნთქვა კეთილი,
მოეფინება ფერად ზვირთებად,
მწამს, შენი სისხლით გამოკვებილი
ეს სიყვარული კვლავ დამნიფდება.

* * *

რა საამოა ქარიან ღამით
 შენი ღამაზი მხრების მოხვევა,
 შენ ისევ ტყვე ხარ უნაზეს წამის,
 მე აღტაცების მემამბოხე ვარ.

და შენი მზერა – ღამის ღამპარი
 ანთია, ვუსმენ დახარბებული,
 თითქოსდა იძვრის ავი ზღაპარი,
 თითქოსდა სუნთქავს ცა ღამეული.

ო, ამ საოცარ, ნათელ ღამეში,
 მშვენიერი ხარ, ვითარცა წინათ,
 ბნელი სამოთხის მფეთქავ ხავერდში, –
 შენ გამახსენებ ვარსკვლავის ბრწყინვას.

მე ვიცი, ვიცი, ცივია ქარი
 და შემოდგომა – ვნებადაცლილი,
 მაგრამ ჩვენს ნადიმს სიბნელე ფარავს,
 ღამემ წაშალა ყველა მანძილი.

მივდევთ სივრცეებს შემოდგომისას,
 შორიდან ისმის ხმობა ბუკების,
 ნეტავ საიდან, როდის მოისმა
 ხმა ციურ შუქით განაშუქები.

დღესასწაულის ჩაქრა კოცონი,
 ცეცხლის ნილ მხოლოდ ფერფლი მაგემე,
 მთვრალი ტუჩებით ამაოდ ვკოცნი
 უკვე გაყინულ, ღამაზ ბაგეებს.

* * *

ლამით ჩასახულს, ლამით გაჩენილს,
ჩემი ტირილი მომესმა ახლაც,
რა მწარე იყო ხმა დედაჩემის
და უშავესი ნყვდიადის ხახა.

და როცა გაცვდა ლამის ბორბალი,
გამოაგორა დღემ საზარელი,
ცრუ, ერთფეროვან საქმის გორგალი,
მოსაწყენი და გაუხარელი.

ახლაც მომესმის სიმღერა არღნის,
იმ სიმღერაში ნალველს ვპოვებდი:
„მოსახდენელი მოხდება, არ ღირს...“
გავიდა დრო და გავხდი პოეტი.

ო, ადრეული სევდის თვალები
და სიყვარულით გამთბარი სისხლი!
მონა ვყოფილვარ ბევრჯერ ქალების,
დატყვევებული ვარდისფერ ნისლით.

„მოსახდენელი მოხდება“, მოხდა:
ლექსები, სევდა და სიყვარული
და გაილია ცხოვრება კობტად,
ჩემი ცხოვრება ნიავექარული.

მე ბრმა ვიყავი ღამეზე მეტად,
მე ბრმად ვცხოვრობდი მარტოდენ ჩემთვის,
ერთხელ მოვიდნენ, უეცრად, ერთად
და მითხრეს: შენთან არისო ღმერთი.

იმ ღამით ყინულს ფარავდა ბინდი,

მიაქანებდა შორს წყალდიდობა,
 ვფიქრობდი ჩემთვის: მდინარე მიდის,
 მეც მივდიოდი, წასვლა მინდოდა.

წყვდიადში იწვა მდინარის რკალი
 და უდაბური წყვდიადის მხრიდან
 უცებ მოვიდა უცნობი ქალი,
 უცებ მოვიდა და შედგა ხიდთან.

ის ენთო, როგორც ცოცხალი ცეცხლი, –
 თოვლის და ღვინის ცეცხლი ბრიალა, –
 ვინც ერთხელ ნახა, ვერაფრით შეცვლის,
 ვერ დაივიწყებს ნეტარ იარას.

ჩუმად და მშვიდად ჩამკიდა ხელი
 და შემომხედა სახეში თრთოლვით,
 მიბოძა თეთრი ნილაბი – მხსნელი
 და უნათლესი ბეჭედი – რგოლი.

„გეყო სიცოცხლე, სიტყვებს მოეშვი,
 მე ვარ წკრიალა, როგორც ქარბუქი,
 სხვა სამყაროდან ძირს გადმოვეშვი,
 ცისაა ჩემი გამონაშუქი.“

ისევ მომიხმობს, ისევ მიზიდავს,
 გამოჩნდა მინა თოვლის თვალებად...
 ნეტავ რად მიხმობს ან რას მიმზადებს –
 სხვაგვარ სიცოცხლეს თუ მიცვალებას?!

ბოღვა

ვიცი, ახლოს ხარ... თუმცა სადა ხარ...
სნეულს მარადი სურს მყუდროება...
ვბოდავ სიზმარში, მე ავადა ვარ
და ვეხუტები წარსულ დროებას.

შენ მაიმედებ სნეულს, დარდიანს,
სულგატანჯული რომ ვითენთები,
თუმცა მპირდები ნათელ განთიადს,
მე ამ სანთელთან ჩავიღვენთები.

მე ვბოდავ, მაგრამ არ ვიბინდები,
მეხსიარება ისევ მაგონებს
გუშინდელ სურვილს ვნების მინდვრების
და საოცნებოდ აღთქმულ მთა-გორებს.

მე დავეძებდი უთეთრეს ქალწულს,
შენ გესმის? გჯერა, თუ ჩაიძინე?
მე მარადიულს ვეძებდი ქალწულს
და ბუკის ხმაში კვლავ ჩავიძირე.

მაგრამ ამაოდ, რალა ვინატრო,
როცა ზამთარი მახრჩობს, უფალო,
ქარით ნაცემი და უსინათლო
ბუკს ვამღერებდი ტყუილუბრალოდ.

გთხოვ, მომისმინო, ახლაც, ისევე,
ქარიშხალის ხმა ვარ გულგამგმირავი,
რაც იყო, იყო, – აღარ ვიხსენებ,
ვერც გამახსენებს ალბათ ვერავინ.

მტკიცე ნაბიჯით მივემართები,
 სანუკვარ ანდერძს ვერ შეველიე,
 გთხოვ, მომისმინო, ღამენათევი
 მე გავაღვიძებ ქალწულს მშვენიერს.

აი, მას სძინავს ბინდის ღრუბელში,
 დასტრიალებენ თავს არწივები
 და ჩაბნელებულ კლდეთა უბეში
 ჩაბუდებულა სევდა წვიმების.

უცხოა ჩემი მბოდვარე გლოვა
 გადატაკებულ, საბრალო სულის,
 სინათლე ჩემი! ნუთუ ის მოვა
 და გამიცოცხლებს მწუხარე სურვილს.

შავი სიზმარი მემყუდროება,
 გამინელდება ხსოვნა სიზმარში,
 ჩავეკონები წარსულ დროებას,
 მოჩანს ნაცნობი ქვეყნის მირაჟი.

კი, ჩვენ ვცოცხლობდით, მაგრამ სხვა მხარეს
 წავედით, ახლა აღარ ვბერდები,
 მე მახსოვს როგორ დამასამარეს
 და მომაცარეს შავი ბელტები.

ნება უემოდგომისა

გზას დავადგები თვალნინ გადაშლილს,
ქარი აწვალებს ბურქებს საბრალოს.
ქვა დამტვრეული წვება ტალახში,
ყვითელმა თიხამ უნდა დამალოს.

ქარმა გაშალა სველი მანტია,
გამოაჩინა მინა საფლავთა,
სოფლად ცირცელი წითლად ანთია, –
რა მხიარულად შემოანათა.

აი, ხილული ბედნიერება,
ისევ და ისევ უნდა გავხედო,
თითქოს და ვუმზერ, – ცრემლი მერევა, –
შენს მაქმანიან ფერად სახელოს.

ვინ გამიტყუა გზაზე პირველად,
ვინ დამავინყა სახლის კარები,
იქნებ ფსალმუნმა გასაკვირველმა,
შორს რომ გალობდა ვინმე ყარიბი.

არავის ძახილს მე არ ვუსმენდი,
არც არაფერი არ დამაბარეს,
მოვუსმენ ღრიალს მთვრალი რუსეთის,
სამიკიტნოებს თავს შევაფარებ.

სიყმანვილის წლებს ვჭვრეტ დანანებით, –
ღვინოში ვკლავდი დღეებს სალოცავს,
მატირებს დარდი შენი ყანების
და შენი სივრცე მიყვარს საოცრად.

უსიყვარულოდ ვკვდები ნელ-ნელა,
შენს შვილებს შენვე უნდა უშველო,
შენ შეგვიფარე, თვალუნვდენელო,
არ ღირს ტირილი,
ყოფნა უშენოდ.

თოვლის ქალწული

იგი მოვიდა სხვა სამშობლოდან –
უხსოვარ დროთა ღამის ქალწული,
არ შეხვედრიან მოსულს მშობლები,
მისი მშობელი იყო წარსული.

თოვლიან ღამით, როცა დაჰბერა,
როცა ქარბუქით იყო დაღლილი,
ის სფინქსის სახეს ნევის ნაპირას
შეხვდა უეცარ ამოძახილით.

თოვლის ციმციმით შენაცხები
რაზე ფიქრობდი, მე ვერ შევიტყვე.
განათებული თოვლის მთიებით
სიზმრად ხედავდა მშობელ ეგვიპტეს.

დაღლილი თოვლით, ქარების რწევით,
ჩემი ქალაქი ბინდში განეპო,
რუხი ქალაქი ბუნდოვან რწმენით
ისე მიიღო, როგორც სამეფო.

ის შეეჩვია ცივ სასახლეებს –
ღამის დუმბილში წყნარად ჩათვლემილს,
როცა ფანჯრებთან თვალებს ახელენ
და ციმციმებენ ბნელში სანთლები.

მისთვის ნაცნობი გახდა ყოველი
და მიიჩვია თითქოს ყოველმა,
ჩემი ქალაქი შეუცნობელი
უცებ შეიცნო შეუცნობელმა.

ქარიშხლის ბეჭედს იგი მაჩუქებს,
 რადგან მთიებით სავსე მაქვს კალთა,
 ჩემი აბჯრიდან გამოაშუქებს
 ჯვარი, რომელიც ჩემს სვე-ბედს მართავს.

მერე თვალეში დიდხანს ჩამცქერის,
 შემიქებს მტრობას, სურვილს უშიშარს,
 შემოვარდება სულში ნამქერი,
 ცივი ციმციმი თვალთა შუშისა.

ამაო არის ჩემი მუდარა,
 ის არასოდეს აღმართავს მახვილს,
 არ ჩამილენავს ფარს და მუზარადს
 და არ შეისმენს ვნებიან ძახილს.

ძვირფასო, შენი სურვილი მათრობს,
 თოვლის ქალწულო, ცივი ხარ მარად,
 მსურს მოგეხვიო, მე ისევ გნატრობ
 და მონატრებას თრთოლვაში ვმაღავ.

შემოდგომის სიყვარული

ქარმა ფოთლოვანს არ მოუსმინა,
ვუმზერდი ცირცელს ტყეში შენიღბულს,
მალე ჯალათი ბოლო ლურსმნითაც
ჯვარს მიაჭედებს დაღლილ ხელისგულს.

მალე ტყვიისფერ მდინარის ციმციმს,
მალლა – ნესტიან, ცივ სირუხეში –
ცრემლს უკანასკნელს სიმწრისგან შევკრებ,
ვიხილავ ქრისტეს, ლურჯი მდინარით –
ორჩხომელათი წამოსულს ჩემკენ.

თვალეები მშვიდი, მშვიდი და წმინდა,
განა სიბრაზით შენისლულები,
შემომხედავენ, ძველი ძაძიდან,
ნალურსმევეებით ხელისგულები.

ღმერთო! სამშობლო მწუხრით მოცულა,
როგორღა უნდა გაუძლოს კაცმა, –
ნუთუ მაგ ნავით ჩემკენ მოცურავ,
რათა იხილო სიმაღლის ჯვარცმა.

შემოდგომის დღე

შენ, მეგობარო, ღმერთმა გიშველა,
რომ მივსეირნობთ ერთად ნამკალში,
სული თავისთვის გადმოიშლება,
ვით ჩაბნელებულ სოფლის საყდარში.

შემოდგომის მზით დღეა გამთბარი,
მხოლოდ ჟამიჟამ ესმით ამ ველებს, –
ყორანი ყორანს უხმობს ყრანტალით
და დედაბერი მძიმედ ახველებს.

თავისთვის ხრჩოლავს ცეცხლი დაბალი,
კვამლი ჰაერში მიმოიფინა,
შევყურებთ ისევ, მიუსაფარი
წეროთა გუნდი როგორ მიფრინავს.

შორს წინამძღოლი წამით ყოვნდება,
მისი ტირილი უცებ მოისმა.
რას მოასწავებს შორი გოდება,
რას ნიშნავს გლოვა შემოდგომისა?

ჩვენ ვერ დავითვლით ამ ლატაკ სოფლებს
და, სამწუხაროდ, ვერაფერს შევცვლით,
დღეს ბინდმორეულს სინათლეს მოჰფენს
შორს დანთებული მაღალი ცეცხლი.

ღარიბ-ლატაკო სამშობლოვ ჩემო,
შენი ქვითინი გულში გროვდება,
ო, უპოვარო მეუღლევ ჩემო,
რას მოასწავებს შენი გოდება?

როკვანი შემოდგომისა

მოუსვენრობა მელის მუდამდღე,
შევიცან შენი ფარული ნება,
იდუმალ შრიალს მივაყურადებ,
მზე ოქროს ქსოვილს ოქროს უმატებს
და სული ჩემი თანდათან თბება.

ცრემლს შემოდგომის ანათებს ფიქრი
და მიისწრაფვის ცისკენ ვედრება,
ნორჩი არყის ხის მაქმანთა იქით
ამღერებულ ბუკს რა შეედრება.

ისე მალეღვებს ნაზი ბგერები,
თითქოს, ძვირფასო, მესმის შენი ხმა,
დუმხარ, ხელებით ცას ეფერები,
ჰაერი შენი თრთოლვით შეირხა.

მორკალულ მკლავთა კრთომა, კანკალი,
მხრებიდან თეთრი შუქის მოფენა
და ჩუმი როკვა, –
ამ სიანკარის
და ამ სინათლის ცად მიმოფრენა.

ვგრძნობ შემოდგომის უგრილეს ლივლივს
შენს გაშლილ თმაში
და არ ვეჭვდები:
შენ როკავ, იწვი,
თითქოს შენს ირგვლივ
ბრუნავს, იზრდება ოქროს ბეჭდები.

შენს გასაოცარ მუსიკას ვეტრფი,
მიპყრობ ჯადოსნურ შუქით ნაფენი,
რასაც შეეხე მსუბუქი ტერფით,
ინვის, ნაცრდება სუყველაფერი.

ო, ფრთამსუბუქი ახალგაზრდობა
ჰაეროვანი ხვედრია ჩვენი
და სიხარულის ჩუმად განდობა
ამ გასაოცარ სინყნარეს შვენის.

ფოთოლთა ცრემლი შეუშრობელი,
უამი მწუხარე, მაგრამ ნათელი,
სიზმარი, გუშინ ჩაქრა რომელიც,
დღესაც ჩაქრება, როგორც სანთელი.

რაა დროის და სურვილის ქროლვა, –
ქალწულის ხელთა თრთოლვა მარტოდენ,
გარდაუვლობის წრისაკენ ლტოლვა,
წრისკენ, დროებით რომ მივატოვებთ.

მზე მოშრიალე ღრუბელს გვიმაღავს,
რომ მდუმარების ჩქამიც მოგვესმეს,
გაზაფხული კი ტყეს და გრილ ბალახს
დაავინყდება განა ოდესმე?!

მაგრამ ოდესმე წამოვა თოვლი,
ჩამოიშლება სხვა სამყაროდან,
წაშლის ნაკვალევს
ნანატრი თრთოლვის
იქ, სადაც შენი ნება ჰყვაოდა.

სარკველი ეზოში

მარტოდენ ერთი იმედი დამრჩა:
ვიყურო ჭაში,
ვეძებო ჩრდილი.
თენდება, მოჩანს ნათელი ფარჩა
ამობრწყინებულ, უეცარ დილის.

ვუსმენ ჭის ფსკერზე გამოღვიძებულ
უძველეს სიტყვებს.
რას მიყვებიან?
ვხედავ, ფანჯრებთან ყვითლად მინაბულ
სანთლებს, ჩაქრობა დავინწყებიათ.

ჩაცუცქებულა საწვიმარ ღართან
მშიერი კატა, თვლემას ბარდება.
სხვა არა დამრჩა ტირილის გარდა,
რადგანაც გძინავს შენც უღარდელად.

შენ გძინავს!
ბალი სუნთქავს ნიავეთ
და გული ტანჯვით ლამის აფეთქდეს.
აუტანელი ჩემი სიავე
კვლავ უკაკუნებს დაღლილ საფეთქლებს.

ჰეი, ყმანვილო, ნამით შეჩერდი!
არა, შენ ნახვალ, არა გცალია...
თითქოსდა ზამთრის მზე ვარ ჩერჩეტი, –
მე მის სიცივეს ვგავარ ძალიან.

* * *

ის აღარაფერს აღარ ელოდა,
 გაზაფხულის დღე, უაზროდ მშვიდი,
 მეუღლე ჩემი სევდით მღეროდა,
 როგორც გალიის პატარა ჩიტი.

მოგონებებით ვარსებობ ისევ,
 წარსული მუდამ მემახსოვრება,
 მოულოდნელად, – მე მივხვდი მყისვე, –
 რომ ჩავლილია ჩემი ცხოვრება.

კი, დაბრუნდება ფიქრიც, დარდებიც,
 მაგრამ ცხოვრება გაფრენილია,
 რად ჩავაბნელო სახლი ფარდებით,
 გული ისედაც ჩაფერფლილია.

* * *

დაცლილი ქუჩა... ფანჯარაში შუქი ჭიატებს,
ღრმა ძილში კვნესის ებრაელი მეაფთიაქე.

ძველ კარადასთან, წარწერა რომ მოჩანს – Venena¹,
ჩანს საქმიანად მუხლჩახრილი, ჩანს მოჩვენება.

მოჩანს ლაბადით შემოსილი ჩონჩხის პროფილი,
რაღაცას ეძებს, აღრჭიალებს ყბებს კმაყოფილი.

იპოვა... მაგრამ უცებ ძვალმა გაიჩხრიალა, –
შებრუნდა ქალა, ებრაელმა დაიღრიალა.

წამოდგა, მერე ძირს დაემხო, იცვალა გვერდი,
ჩონჩხმა სასწრაფოდ მოიპარა ბოთლაკი ერთი

და უცხვირპიროს და უსახურს გადასცა ორ ქალს,
ქალები ჰგავდნენ ფარნის შუქზე სიფითრეს მბორგავს.

¹ Venena (ლათ.) – სანამლავი

ისინი კითხულობენ ლექსებს

მე ამერია ყველა ფურცელი,
შენი თვალები ჰყვოდნენ ვიდრე,
თოვლის ფრინველის ფრთები უცვლელი
ქარიშხლის სუნთქვით გონებას მიმღვრევს.

რას გვიამბობდა ნეტავ ნილაბი!
უფალმა იცის და სხვამ არავინ,
ჩვენ თეთრ სიზმარში წამით ვიყავით,
დავთმეთ ცხოვრება პროზის კარავი.

განუყოფელი იქნება ჩემთვის
ლამე, მდინარე, შენი სიცილი,
კვამლი, რომელიც სივრცეებს ერთვის
და მხიარული რითმის ციმციმი.

ნუ აგვესება ბრაზით თვალები,
უეცარ ნილბით ნუ შემაშინებ
და ბნელ ხსოვნაში, გემუდარები,
ნუ გააღვიძებ ხანძარს საშინელს.

* * *

თეთრ ღამეებთან დავრჩები მალე,
სულს მომიწამლავს თეთრი სინათლე,
ამომკორტნიან ყვავები თვალებს
და ველარაფერს ვერ მოვინატრებ.

ის მოვა ჩემთან ყველაზე მალე,
ვისაც ვუყვარდი, ზღაპრულად ვწამდი,
ის დამიკოცნის სხივჩამქრალ თვალებს,
გადამაფარებს ქათქათა მანდილს.

და მოვლენ სხვებიც,
დამფლავენ როცა –
თეთრ ღამეებში წავლენ ცალ-ცალად.
ვიცი, მათ სურდათ ჩემთვის ელოცათ
და თეთრმა ღამემ არ დააცალათ.

რანერ მარია რიტუე

(1875 - 1926)



ბანსაკუთრებულ ხარისხში აყვანილი რწმენა

„რილკეს ნერილები ისევე, როგორც სხვათა მოგონებები რილკეზე, სავსეა იმ „მსხვერპლთან“ დაკავშირებული მოსაზრებებით და ფიქრებით, რომლებსაც ხელოვნება ცხოვრებისაგან მოითხოვს; რადგან მას არა აქვს უფლება, „ჰქონდეს ბედისწერა“, აქედან გამომდინარე (რასაც თავად ისევ და ისევ აღნიშნავს), მას არა აქვს „შეხება ადამიანებთან“, ის არის კაცი, „რომელთანაც არავის აქვს შინაგანი კონტაქტი“, მას არა აქვს უფლება, „თავისი გულის ენერგია ადამიანებთან ურთიერთობას დაახარჯოს“, მისი ხვედრია, „ადამიანის გვერდის ჩავლით მივიდეს ექსტრემალურობამდე“, იმავე ვითარებასთან გვაქვს საქმე, როცა პოეტი ამბობს, რომ მან გადააბიჯა ადამიანურს და ანგელოზს მიუახლოვდა. ამგვარად, „მსხვერპლი“ სხვა არაფერია, თუ არა „ადამიანის უსაზღვრო და ყოველმხრივ შეუზღუდავი გადანყვეტილება, მიაკვლიოს თავის შინაგან შესაძლებლობებს“ (ლუდვიგ ლაგენფელდი – „რაინერ მარია რილკე“).

რა უნდა ვუნოდოთ რილკესეულ უმაღლეს რწმენამდე აყვანილ აუცილებელ მსხვერპლშენირვას: კერძოდ, უარი თქვას ადამიანურ ყოფაზე, ადამიანებთან

„ბედისწერულ“ ურთიერთობაზე, საერთოდ, ცხოვრებაზე, რა არის ეს, თუ არა მსხვერპლშენირვა პოეზიისათვის?!

ასეთივე თავგანწირვითაა აღსავსე სიორენ კირკეგორის ცხოვრება და შემოქმედება. შემთხვევითობას ვერ მივანერთ იმ ფაქტს, რომ რილკემ საგანგებოდ ისწავლა დანიური ენა, რათა დედანში გასცნობოდა კირკეგორის ტექსტებს. „ჩემთვის სავსებით ნათელია, რომ (წერს კირკეგორი) თუ სამსახური დავიწყე, მაშინ უარი უნდა ვთქვა ყოველგვარ საუკეთესოზე, რისი გაკეთებაც შემიძლია“. ...ბოლოს და ბოლოს, კირკეგორმა უარი თქვა სამსახურზე და მთელი სიცოცხლე შეაღია „მწერლურ შრომას“. მასში თანდათან იზრდებოდა რწმენა საკუთარი წერიტი საქმიანობის „განსაკუთრებულობისა“. იგი დარწმუნებული იყო, რომ გამორჩეული ნიჭიერების გამო ქვეყანას მოეველინა განსაკუთრებული მისიით.

ასე რომ, წერა, ქმნა, შემოქმედება იმ რწმენის, თვითგადარჩენის ცდაა, რომელიც არ ქრება, ყოველგვარი დაეჭვების მიუხედავად. თვითგადარჩენა სრულებითაც არ ნიშნავს მარადიულთან გარანტირებულ თანაარსებობას. თვითგადარჩენა „ცხოველთან ნათესაობის“ დაძლევა და „ანგელოზთან მიახლოების“ ბუნებრივი სწრაფვაა, ნოსტალგიაა, აბსოლუტის ძიებით გამოწვეული.

შესავალი

ვინც გინდა იყავ, მოდი სალამოს,
დათმე ოთახი ამ სალამოთი,
სჭვრეტს შენი სახლი ცას უსამანოს,
გარეთ გამოდი.

უკიდურესად დაღლილი მზერით
გაცვეთილ დირეს ძლივს რომ დაშორდი,
შავ ხეს აღმართავ თანდათან ზევით,
ცისკენ აღმავალს და ტანაშოლტილს.

შექმნი სამყაროს, ის ემგვანება
სიტყვას, დუმბილში რომ მწიფს წვალეებით,
ოდეს შეიცნობ – დაუნანებლად
დათმობენ სივრცეს შენი თვალეები.

გოგონებზე

I

თუ სხვებს გრძელი გზის გავლა სჭირდებათ,
რომ მიაღწიონ ბნელ პოეტებთან,
თან კითხულობენ, იცით ვინმე, სიმღერით რომ ისევ
ინთება,

სიმებს ცეცხლივით რომ მოედება.

არ სურთ გოგონებს არც შეკითხვა, არც მაგალითი,
ლექსის ხატებთან რა გზით მივლენ მათი დასები,
ნაზი ღიმილი, გამჭვირვალე, ვით მარგალიტი,
თვითვე უპყრიათ ვერცხლის თასებით.

მათი ცხოვრების ყოველი კარი

სამყაროსია,

პოეტის არის.

II

თქვენგან სწავლობენ პოეტები და სურთ ამოთქმა
თქვენი განცდების, მარტოობის ჩუმი დათმენის,
სწავლობენ სწრაფვას, შორეულთან ყოფნას დროებითს;
მარადისობას გრძნობენ, როგორც საღამოები,
დიდრონ ვარსკვლავთა ამონათებით.

ნუ დანებდებით პოეტს, თუნდაც იყოს აღსავსე
მისი თვალეხი მძაფრი წყურვილით,
უმანკოებად წარმოგიდგენთ და გალამაზებთ,
ო, თქვენს თვალეხში ჩაიშლება მძაფრი სურვილი,
ო, ფარჩასავით ჩაიშლება, ჩაიალმასებს.

წადით, დატოვეთ თავის ბაღში, სად უკვდავებად,
არამქვეყნიურ არსებებად თითქოს ეჩვენეთ,

გაჰყვეს ბილიკებს, ის ჩრდილებში უნდა გაებას,
 დატოვეთ მარტო, გრძელ მერხებთან უნდა
 შეჩერდეს,
 ენვიოს ოთახს, სადაც მუდამ უცდის ბარბითი.

წადით! ლამდება. არ დაეძებს იგი არავის,
 არც თქვენს სახეებს, აღარც ხმებს თქვენსას,
 სწყურია. გზები უდაბური, გაუკვალავი,
 ჩაბნელებული სანახისკენ მიიწევს დღესაც,
 მყუდრო ოთახი ენატრება და სხვა არავინ.
 უშორესიდან ერთვის თქვენი ხმა წარმავალი,
 თქვენ დარჩით ხალხში, ვისაც იგი გაურბის მარად,
 გაახსენდება: შემოგცქერით თვალი მრავალი
 და მოულოდნელ ტკივილს ვერ ფარავს.

სიზიჟე

დღენიადაგ ფიქრობს ქალი: მე ვარ, მე ვარ, მე ვარო...

მაინც ვინ ხარ, ნეტავ ვინ ხარ, მარიამო, ნეტარო?

დედოფალი, დედოფალი, განა ეს სიზმარია,
ჩემს წინაშე ყმანი ჩემნი მუხლმოყრილნი არიან.

მერე ტირის: მე ვიყავი... მე ვიყავი, ძალიან...

იქნებ გვითხრა, ვინ იყავი, ვინ იყავი, მარიამ?!

არასმქონე და ლატაკი, როგორც სხვები არიან,

არც კი ვიცი როგორ მოხდა, მე ვარ თუ სიზმარია...

ობოლი და ტანშიშველი, როგორ გაქალბატონდი,

შენს წინაშე მუხლი როდის მოიყარეს, მარიამ?!

როგორ? როგორ და საგნები, გლახაკნი რომ
ვნატრობდით,

თურმე სინამდვილეში სხვანაირნი არიან.

მაშ, საგნებმა აგამალლეს, სივრცე მოგცეს საფრენი,

მაგრამ როდის შეიცვალე, ან ხომ არ შეგაშინეს?!

ერთ ლამეში, ერთ ლამეში, უცებ გადავსხვაფერდი

და საგნები გასაგებად ამეტყველდნენ მაშინვე.

ქუჩა ჰგავდა ვიოლინოს, ამღერებულს სიმებად

და ჰაერი ციმციმებდა უცნაური ნათებით,

მარიამმა მელოდიად გარდასახვა ინება...

მარიამი ცეკვა-ცეკვით სადღაც მივფარფატივდი.

მაგრამ ხალხი დაზაფრული დასამალავს ეკვეთა,

სუროსავით მიცოცავდნენ დაბნეული ლანდები,

დედოფალი თუ ჩაივლის ქუჩაბანდში ცეკვითა –

და ჰა: ვცეკვავ დედოფალი ჩემი ქუჩაბანდების.

მუსიკა

რას უკრავ, ნეტავ? ბრძანებები, ჩურჩულით თქმული,
ვით ნაბიჯები უხილავთა, ბალს ჩაუვლიან,
რას უკრავ, ნეტავ? სალამურში ახლა სრულიად
ჩამწყვდეულია, ბიჭო, შენი უმანკო სული.

რად უხმობ, ნეტავ? დილეგია თითქოს ქვიტკირის
მუსიკის ჰანგი, სადაც სული კვლავ აიძვრევა,
შენს სიცოცხლეზე ძლიერია შენი სიმღერა, –
ჩახუტებია მონატრებას წრფელი ქვითინით.

მიეც დუმილი, ძველებურად იყოს მდუმარი,
რომ დაუბრუნდეს მდუმარებას, წამით განყვეტილს,
ვიდრე საბრალოს სალამურში გამომწყვდევი,
ის იზრდებოდა, ბრძენდებოდა თავისუფალი.

ვიდრემდი შენი სულის ფრთები არ დაუძლურდა,
ო, მეოცნებევ, ნუ გათელავ სწრაფვას გაფრენის,
ფრთა გაელევა, არ შეგრჩება აღარაფერი,
ჩემს გალავანზე ვერასოდეს გადმოფრინდება,
დღესასწაულზე რომ მიიწევს ხმა აღმაფრენის.

ადამიანები ღამით

არ შეუქმნიათ თურმე ბრბოსთვის ღამე დიადი.
მეზობელს, ვისაც მოგწყვეტს წყვილიადი,
ნუ ეძებ, იყოს, სხვებიც თან ახლავს,
თუ გსურს ანთო სახლში სინათლე,
თუკი მავანთა ნახვა ინატრე,
დაფიქრდი, თუ ღირს მათი დანახვა.

ადამიანებს აუსახურებს
შუქი, სახეებს რომ ეღვენთება
და როცა ღამით ბრბო შეერთდება,
ატორტმანებულს სჭვრეტ სამყაროებს, –
ახორხლილები თითქოს ხარობენ,
ფიქრს უკანასკნელს სწრაფად განდევნის
შუქი, შუბლებზე ჩამონადენი.
თვლებში ღვინო რომ ააღდება –
ხელებში მძიმედ გაიბლანდება,
ჩაეკიდება ბრმა მოძრაობა,
მერე იშლება ყველა სხვაობა,
„მე, მეს“ ყვირილი უყვართ მზვობართ
და გულისხმობენ სულ სხვას ყოველთვის.

მეზობელი

ნუთუ შენ, უცხო ვიოლინოვ, თან მდევ ნიადაგ?
 რამდენ ქალაქში, არც კი მახსოვს, არ მიმატოვე,
 შენი ღამეა ჩემს ღამეში რომ ახმიანდა,
 სთქვი, ვინ გამღერებს: მრავალი თუ ერთი მარტოდენ?

დიდ ქალაქებში შეუმჩნევლად ნუთუ ქრებიან
 და ნუთუ ისევ მრავლად არიან,
 მდინარეებში ვინც უშენოდ იკარგებიან,
 მე რად მეხება ყველაფერი, საოცარია.

რად აღმოვჩნდები იმის შემწე და მეზობელი,
 ვინც შენ გამღერებს შიშნარევად და ნაღვლიანად
 და გათქმევინებს, რომ მძიმეა ნუთისოფელი,
 ვიდრე საგანთა წონა მთლიანად.

მოგონება

იმ საიდუმლო წუთს ელოდები,
შენს ცხოვრებას რომ ზრდის და ამრავლებს,
მარად მძინარე ქვებსაც აფითრებს,
გინვდის შენივე სულის გასაღებს
და შენს სიღრმეში შენვე ჩაგითრევს:

წიგნის თაროებს ბინდი ედება,
ყდათა ფერადებს ეფინება სალამოს კალთა,
შორი ქვეყნები გაგახსენდება
და მოშრიალე კაბები ქალთა, –
შენ რომ დაკარგე შორეულ გზებზე
და ახლა ისევ თავიდან კარგავ,

რადგანაც ხედავ: რომ გგონია უკვე ჩავლილი,
უეცრად თვალწინ აგესვეტება,
ერთი წარსული, წელიწადის დრო ჩანავლული,
შიში და ტანჯვა, ლოცვა-ვედრება.

ხარება

(ანგელოზის სიტყვები)

შენ ჩვენზე ახლოს უფალთან არ ხარ,
იგი შორს არის, უფლის ნებას ვერვინ წაუუვალთ,
მაგრამ შენს ხელის მტევნებს რომ ვნახავ –
კურთხეული ხარ, ვგრძნობ, სასწაულად.

მწიფე სხივებით და სინარნარით
ნათელს მოაფენ, ისე გაივლი,
მე დღე ვარ ვრცელი, მე ვარ ცვარნამი,
ხოლო შენ ხე ხარ – გიტრთის ყვავილი.

გადავიღალე, შენს სახლამდე გზა შორეული
გამოვიარე, დამავინწყდა, ველარ გაჩუქე,
მისი ნათქვამი „ცის“ ოქროში ვინც შერეულა,
ვინც მზეშია და მზესვე აშუქებს.

რაც დამაბარეს, დამავინწყდა, ვერას გავბედავ,
ოთახის სივრცემ დამაბნია, გონი წამართვა,
ო, ფიქრიანო, აქ უცხო ვარ და ახალბედა,
შენ ხარ შრიალი და სურნელი იასამანთა.

ფრთები გავშალე, რადგან შენკენ უნდა მეფრინა,
გავცდი სივრცეებს, მოველ შენს კართან
და შენს სახლაკში მიმოეფინა
ჩემი დიადი სამოსის კალთა.

როგორც არასდროს, შენ ხარ მარტოკა,
მეც ძლივს შემნიშნე, ჩემს ქროლვას რომ თვალი შეავლე

მე ის ქროლვა ვარ, ჭალაკები რომ შეატოკა,
ხოლო შენ ხე ხარ ტანმოშორიალე.

ცად აღელვებულ ანგელოზთა დასი მოფრინავს,
ყველა ცალ-ცალკე თავის სივრცეს დაუბრუნდება,
ო, მონატრება ასე მძაფრი როდის ყოფილა?!
ვგრძნობ მონატრებას უდიადესს, მაგრამ ბუნდოვანს.

რალაც მოხდება, უჩვეულოს თითქოს მოველით,
ის, რაც მოხდება, შენ იხილე უკვე ზმანებად,
სალამი შენდა, ნათელია ჩემთვის ყოველი,
თავად მნიფდები, მე ვასრულებ შენს განმზადებას.

შენ ხარ ჭიშკარი, სისპეტაკით სული აგევსო,
შენ განიხსნები, უხილავის ნებას მიჰყვები,
ჩემი გალობის მოყურადევ, უსაყვარლესო,
ახლა ვიგრძენი, – ჩემი სიტყვები
იკარგებიან შენში, როგორც ტყეთა წიაღში.

ათასმეერთე ეს სიზმარი ასე მორჩება,
მე დაგანახე, თუკი რამე გულში გავივლე,
ბრწყინავდა ღმერთი ჩემს პირდაპირ
თვალისმომჭრელად...

ხოლო შენ ხე ხარ რტომოყვავილე.

სერიოზული ნუთი

ვინც ახლა სადმე ტირის ამქვეყნად,
ვინც უმიზეზოდ ტირის ამქვეყნად –
ჩემს გამო ტირის.

ვინც ახლა სადმე იცინის ღამით,
ვინც უმიზეზოდ იცინის ღამით, –
ჩემზე იცინის.

ვინც ახლა სადმე მიდის ამქვეყნად,
ვინც უმიზეზოდ მიდის ამქვეყნად,
ის ჩემთან მოდის.

ვინც ახლა სადმე კვდება ამქვეყნად,
ვინც უმიზეზოდ კვდება ამქვეყნად,
მე მიმზერს იგი.

ს მ ე ზ ი

(ცხრა ფურცელი ერთი სატიტულო სათაურით)

რა ენაღვლებათ, არ სჭირდებათ მდიდრებს წვალება,
ყოფიერება ბედნიერთა არის საჩინო,
მაგრამ მათ რა ჰქნან, უსაშველოდ დამაშვრალეებმა,
რომ თავი თვისი წარმოაჩინონ.

უნდა იყვირონ: „ბრმა ვარ, ეული“,
„მინდა დავბრმავდე, მტანჯავს სოფელი“,
ანდა: „შვილი მყავს, ხალხნო, სნეული!“
უიღბლო, ამგვარ დღეში მყოფელი,
მოიმედება მხოლოდ განგების,
ხალხი კი მათი უარმყოფელი
უმზერს, თითქოს და იყვნენ საგნები.

აღბათ, ამიტომ უნდა ამღერდნენ.

რათა ნამდვილი სიმღერები ისევ გაისმას,
ჭრელია ხალხი, გემოვნება მათი იმღვრევა,
ეკლესიებში საჭურისებს მეტი ხალისით
უსმენენ, ვიდრე ნამდვილ სიმღერას.

მაგრამ უფალი დამაშვრალთა სიმღერას ისმენს
და განწირულთა თვალებიდან შეგვეყურებს ისევ.

მათხოვრის სიმღერა

დავალ კარდაკარ, დავიარები,
მზით გარუჯული, გალახული სველი ქარებით,
ზოგჯერ ხელისგულს ვიფარებ ყურზე,
მეუცხოება ჩემივე ხმა,
თითქოს სხვას ვუსმენ.

და მეეჭვება: მე ვყვირი თუ
ყვირის მავანი,
კუჭი მაყვირებს,
პოეტებს კი – დარდი მრავალი.

ბოლოს ჩემს სახეს
დავახურავ ერთავ ქუთუთოს,
ჩუმად ჩავაწვენ ჩემსავ პეშვში
სევდით დადრეკილს,
რათა არა სთქვან გამვლელებმა:
ხედავთ, საბრალოს,
არ გააჩნია თავმისადრეკი.

ბრმის სიმღერა

ჩემი სიბნელის გარეთ მყოფნო, სიბნელე ჩემი,
უსინათლობა არის წყევლა და ძალადობა,
მე შემოიძლია ქალის მკლავზე ხელით დანდობა,
მის ნაცრისფერ ხელს მიჰყავს ჩემი სინაცრისფერე,
სიცარიელის ხეივნებში მიიბლანდება.

თქვენ მიმოდინხართ, მიფუსფუსებთ, მიმოირხევით
და ხმებს გამოსცემთ, როგორც ქვები ქვებზე მიხლილი,
სინამდვილეში მე ვარსებობ ჩემი სიმხნევით,
მე ვიტანჯები, მე ვხმიანებ დაღლილ სისხლივით.
ჩემში ყვირილი უსასრულო ცხოვრობს ნიადაგ,
არ ვიცი წელან, უცაბედად ვინ ახმიანდა,
გული აყვირდა თუ წიაღი ჩემი სიბნელის?!

ჩემი სიმღერის გარეთ მყოფნო, გეცნოთ სიმღერა?!
თქვენ ხომ ყოველდღე სულ სხვადასხვა ხმით
ლილინებდით,
თქვენს ოთახებში დილის შუქი შემოიღვრება,
ყოველდღიურად აგვესებათ შუქით ბინები.

მხოლოდ ზედაპირს, სახეს გრძნობენ თქვენი თვალები,
მზერა გაცდუნებთ, მომზირალნო, და გებრალებით.

ლოთის სიმღერა

არ არსებობდა იგი ჩემში, მხოლოდ უამიყამ
შემოდოდა, გადიოდა, მე კი იმედად
მსურდა, რომ ჩემში ყოფილიყო, რომ არ გამეშვა...
ამ გრძობას ჩემში მხოლოდ ღვინო ახანგრძლივებდა.

აღარც კი ვიცი, რა ვუნოდო ტკბილ მოდუნებას,
ღვინო სიამეს მთავაზობდა, ბოლო ეს არი,
უკვე მივენდე ღვინის ცდუნებას
მე უმეცარი.

თავის ჭკუაზე მათამაშებს ღვინო და მფანტავს,
ფულივით მაგებს პირუტყვ სიკვდილთან,
აბუჩად მიგდებს, მანიავებს და ძალას მატანს
ის, ვინც ცდუნება ჩემი იტვრითა.

ვით დასვრილ ბანქოს, მფანტავს ღვინო, სასომიხდილი
განვემზადები მალე კვდომისთვის,
მუნუკებიან თავს მოიფხანს ჩემით სიკვდილი
და სანაგვეში ცივად მომისვრის.

თვითგკვლელის სიმღერა

სულ ერთი წუთი. არ სჭირდება ბევრი მისნობა.
 თუ არ ვიჩქარე,
 გადაჭრიან ყულფს და გათავდა.
 ამას წინათ ხომ მზად ვიყავი,
 მარადისობა
 უკვე მივსებდა წიაღს თანდათან.

რისთვის მთავაზობთ ერთ კოვზ
 სიცოცხლეს,
 არ მინდა, ვწირავ ჩემს სიმარტოვეს,
 უნდა ჩავბარდე ჩემს თავს, მადროვეთ!

ვიცი, სიცოცხლე საამო და მშვენიერია
 და ეს სამყაროც აღუვსია ბედნიერებას,
 მე არ შემერგო, როგორც შხამი სისხლს შეერია
 და სიცოცხლისგან გული მერევა.

სხვებს ასაზრდოებს, მე დღითიდღე მავადმყოფებს,
 ვერ შევითვისე საზრდო, თქვენთვის ასე ჩვეული,
 ხელს ნუ შემიშლით, დიეტაზე ერთ ხანს მამყოფეთ.
 სულ ცოტა ერთი ათასწლეული.

ქვრივის სიმღერა

სიმხნევე, სითბო მაშინდელი მემახსოვრება,
როცა ვიხსენებ, სული ნათლით ისევ მევსება,
მე რა ვიცოდი, თურმე ცხოვრება
თავიდან ყველას ერთნაირად ეალერსება.
მე რა ვიცოდი არსი ცხოვრების,
ის იქცა წლების ჯაჭვად, წლების მონაცვლეობად,
დავრჩი შემყურე სიავკარგის და გაორების,
ანმყოს ცრემლები შევატოვე, წარსულს – მხნეობა.

ღმერთო, მაღალო, ჩვენ ვერავინ გადაგვაბრალებს,
თუ რამ გვებადა – მხოლოდ დათმენა,
მაგრამ სიკვდილი არას ითმენს, ნუხილს ამრავლებს,
მოვიდა ავი, უსახური და გადამთელა.

მიჰყავდა ჩემგან შორებელი და ახლობელი,
თურმე ვიყავი არას მფლობელი.
რა გამაჩნია, რას დავარქმევ ჩემს საკუთრებას,
ეს სიდუხჭირეც ბედისწერის ყოფილა ვალი,
ის უკან ითხოვს განა მარტო ბედნიერებას,
მიაქვს ცრემლებიც, მნუხარებაც, კარგიც და ავიც.

კარზე მომადგა ბედისწერა და სულ იაფად –
როგორც ძველმანებს შეეფერება,
სურს შეისყიდოს ჩემი სახე,
თვალთა კიაფი,
ჩემი მიმოხვრა და მჭკნობარე მშვენიერება.
ყოველდღიურად მიაქვს, ყიდულობს,
ამ ვაჭრობაში უნდა დამნაცროს,
რომ მიიტაცოს სუყველაფერი
და არაფერი მომცეს სანაცვლოდ.

იდიოტის სიმღერა

ხელს არ მიშლიან, სეირნობას არ მიკრძალავენ,
მეუბნებიან: ნადი, ხიფათს ნულარ მოელი.
ო, რა კარგია!

ალარაფერი შემემთხვევა. თურმე ყოველი
მოდის და ბრუნავს სულიწმიდის ირგვლივ ნიადაგ,
(შენ უკეთ იცი) – რაღაც სული ადამიანთა,
ო, რა კარგია!

ალარ ვიფიქრებ ალარასოდეს –
გარეთ ხიფათი თუ არსებობს, საფრთხე თუ მელის,
საფრთხე სისხლშია, უნდა მახსოვდეს,
მძიმეა სისხლი, ყველაფერზე მძიმე და ძნელი,
ზოგჯერ მგონია, მეტს ველარ შევძლებ.
(ო, რა კარგია.)

კარგი ბურთია, მშვენიერი, როგორ მიგორავს
ბურთი წითელი, მრგვალი, სავსე, ვით ირგვლივეთი,
ო, რა კარგია, რომ ეს ბურთი გამოიგონეს,
რომ დაეუძახო, მოვა ჩემთან, თუკი მასთან მე
არ მივედი?

რაც ერთმანეთში შეედინება, ვინ გაარკვია –
მერე ერთმანეთს რად ტოვებენ, მეგობრობა თუკი
უნდოდათ,
უცნაურია, ყოველივე მოჩანს ბუნდოვნად,
ო, რა კარგია.

ოზლის სიმღერა

მე ვარ არავინ, მომავალშიც არვინ ვიქნები,
ახლა ყოფნისთვის პატარა ვარ და უსუსური,
ასე დავრჩები, არასოდეს გარდავიქმნები.

უცხო დედებო და მამებო,
თქვენ შემინყალეთ.

თუმცა რა აზრი აქვს, ნუ მომხედავთ, ნუ გაჩერდებით,
მალე მოვკვდები, თვალში შუქი ნელა მიქრება,
ჯერ პატარა ვარ, ჯერ აღრეა, არვის ვჭირდები.
მერეც არავის დავჭირდები, გვიან იქნება.

რა გამაჩნია?! ერთადერთი კაბა საცოდავს,
გახუნებული, გაცრეცილი, სად არ ნაგდები,
არ უწერია ჩემს ერთადერთ კაბას გაცვეთა,
ვიცი, უფალთან ამ გაცრეცილ კაბით წარვდგები.

რა გამაჩნია?! მარტოოდენ ერთი ბლუჯა თმა,
(თითქოს უცვლელი და შესაფერი),
ვისაც ჩემი თმა ყველაფერზე მეტად უყვარდა,
იმ ადამიანს აღარ უყვარს აღარაფერი.

ჯუჯის სიმღერა

ვინ იცის, იქნებ ჩემი სული მშვენიერია,
მაგრამ ჩემს სხეულს, რომ მოხრილა და მოშვებულა,
უმძაფრეს ტკივილს, დაკრუნჩხულ ტანს რომ შეერია,
არ შეუძლია, რომ ატაროს სული შვეულად.

სულო, ნატანჯო, შენთვის ბალი არ დარწეულა,
სულო, უბალო, უსავეანო, რა გაგახარებს,
აღესილ ჩონჩხზე ხტიხარ ეულად,
შეძრწუნებული ფრთებს აფართხალებ.

დაღონებულნი ძირს დამთრევენ მძიმე ხელები,
ამ უმომავლო ხელებს როგორ განვეშორები,
ხტიან ხელები გაოფლილნი, განახელები,
ვით წვიმის შემდეგ გომბეშობი.

ყოველი ნაკვთი, ყველა კუნთი ანდა კიდური
გაცვეთილი მაქვს, მონგრეული და უნიათო,
რას უცდი, ღმერთო, ჩემი ფიტული
ნაგავში როდის უნდა მიაგდო?

ვინ იცის, იქნებ მიბრაზდები, ღმერთო, ძლიერო,
რადგან გონჯი ვარ, მოქუფრული და უსახური,
მრავალჯერ ვცადე, მე მზად ვიყავ, მაგრამ იერი
ვერ შევიცვალე, ვერ გავნათდი სახედახრული.

ვინ მოდიოდნენ ჩემთან ახლოს, ტკივილით ვამხელ:
ქუჩის ძაღლები,
მაგრამ ძაღლებს არა აქვთ სახე.

კეთროვნის სიმღერა

ყველაფრისაგან მიტოვებულს მომხედე, ღმერთო,
არა იციან ჩემს შესახებ ქალაქში ახლა,
კეთრმა შემიპყრო, თანდათან დამხრა,
მივაჟღერიალებ სევდიან ეჟვანს.

ვინც უცაბედად ჩამივლის გვერდით,
მათ ყურადღებას მივიპყრობ მკვეთრი
ჩხარუნ-ჟღერიალით.

და ყველა გარბის, უყურადღებოდ
ტოვებს ჩემს განცდებს, თავის გზას ერთვის.

ჩემი სახლია სივრცე, სავსე ეჟვნის ჟღერიალით,
ვერვინ შემოვა, სადაც მე ვსახლობ,
მაგრამ, უფალო, ეგებ ეს ხმა გააძლიერო:
რომ, ვინც შემთხვევით მოვიდნენ ახლოს
და გამირბიან სნეულს და დაღლილს, –
ჩემს სიშორესაც არ გაეკარონ,
გაზარდე ჩემი ეჟვნის ხმის სახლი.
რომ გზად ვიარო ძალიან დიდხანს,
არავის შევხვდე, განილტვოდეს ჩემგან ყოველი,
უცხოა ყველა: ქალიც, ბავშვიც, კაციც, გოგონაც –
მაგრამ... დამტანჯავს, რომ შევაკრთო მშვიდი
ცხოველიც.

მჭვრეტელი

ხეებში ჩამდგარ ქარიშხლებს ვხედავ,
 ქარიშხალს ფრთები აღარ ელლება,
 ჩემს შეშინებულ ფანჯრებს ეხლება,
 მესმის სივრცენი ამბობენ საგნებს,
 რომელთა გზასაც უმეგობროდ ველარ მივაგნებ,
 და უდობილოდ მე ისინი ვერ მეყვარება.

დრო-ჟამს, ტყესა და სივრცეს გაჰკვეთავს,
 ქრის ქარიშხალი, გარდამსახველი,
 რა უასაკო მოჩანს აქედან –
 სანახი, როგორც ლექსი ფსალმუნში, –
 არის დიადი, მარადისი და უსახელო.

რარიგ მცირეა, რასაც ჩვენ ვებრძვით
 და რაც ჩვენ გვებრძვის, არის ძლიერი,
 ჩვენც რომ გვენვნია ბედი საგანთა,
 დავნებდებოდით გრიგალს თანდათან –
 ჩვენც უსახელოდ შეგინოვდა თვალსანიერი.

რაზეც ვიმარჯვებთ, ის უძლურია
 და გამარჯვება გვამცირებს თვითვე,
 მარადისობა ყველაფერს ითმენს
 და არ სურს იყოს ჩვენგან ძლეული.
 ის ანგელოზად მოგვევლინება
 და ძველი აღთქმის მორკინალთ ეძებს,
 მათი ძარღვების ცხელი დინება,
 როგორც ფოლადი, დაიჭიმება, –
 ის კი თითებით მებრძოლთა მყესებს
 ღრმა მელოდის იგრძნობს სიმებად.

თუკი ბრძოლების უარმყოფელი
ანგელოზისგან არის ძლეული,
დაგვიბრუნდება იგი, რჩეული,
უტყუარი და თავანუელი.
ის იარსებებს ერთი მიზნითაც –
გამარჯვებები არ მიიზიდავს,
ეს გაზრდის მხოლოდ: იქმნეს ძლეული –
უფრო და უფრო დიდი ძალისგან
სულ უფრო მეტად დამარცხებული.

დაბრმავებული ქალი

სხვებივით უჯდა იგი მაგიდას,
ჩაის ფინჯანი ეჭირა ოდნავ
განსხვავებულად. ღიმილი ჰქონდა
იმდაგვარი, რომ გული ამტკივდა.

წამოიშალა როდესაც ყველა
სიცილ-კისკისით და მასლაათით,
ღია ოთახებს გაჰყვნენ ტაატით,
მხიარულ სტუმრებს მისდევდა ნელა.

როგორც სიმღერის წინ მომღერალი,
ღელავდა. ნეტავ რა ახარებდა?!
შუქი თვალეებზე სცემდა გარედან,
ვით გუბეებზე სხივთა ჩქერალი.

თვალწინ კი – ზღუდე. იგი კრთებოდა,
რომ რალაც იყო გადასალახი
და რასაც ვგრძნობდი ბედის კარნახით –
იფრენდა, ზღუდეს თუ გასცდებოდა.

კრებულიდან მარიამის ცხოვრება

მწყემსთა ხარება

ზეამომხედეთ, კაცნო, ცეცხლს რომ მიეფიცხენით,
 მწყემსნო, თქვენ უწყით ეს უსაზღვრო ზეცის თავანი,
 ზეამომხედეთ, ახალ ვარსკვლავს,
 ვარსკვლავთმრიცხველნო,
 მე ვარ ვარსკვლავი მოკაშკაშე, ამომავალი.
 მთელი არსებით ვბრწყინავ, ისე დაუსაბამო
 შუქით ვივსები, აღარ მყოფნის ცა უსამანო,
 გთხოვთ, თქვენს ყოფნაში ჩაალვენთოთ ჩემი ნათელი,
 რადგან ივსებით ღამის მზერით, ღამის თვალებით,
 ხართ ღამეული ბედისწერით განანვალეები.
 მწყემსნო, თქვენთანაც მე ვარ ეული,
 თუმც უცაბედად მებოძა სივრცე, –
 ცა ვარსკვლავებით გადარწეული.
 ნუ გაგაკვირვებთ, პურის ხემ რომ ჩრდილი დაჰფინა,
 იგი ხომ ჩემგან აღმოცენდა, ჩემგან გაფრინდა.
 შეუდრეკელნო, უშიშარნო, ჩანს, მომავალი
 თქვენს ამომზირალ სახეებზე როგორ ანათებს,
 ჩემს მძლავრ ნათელში შეიცვლება მალე მრავალი,
 მართლმორწმუნენო, თქვენ გენდობით, არ მილალატებთ.
 ო, მდუმარენო, საიდუმლოს თქვენ გიწყალობებთ,
 თქვენ გესიტყვებათ ნვიმა, გვალვა, მწვანე კორომი,
 თქვენ გესიტყვებათ ქარი, მდელო, ჩიტთა გალობა,
 თქვენა ხართ მცველნი მინიერი წონასწორობის.
 თქვენ არ ესწრაფით გარდასახოთ ამპარტავნებად
 ის, რაც თქვენშია. არ აწვალებთ საგნებს თავნება
 რალაც ნადილით, მკერდში, როგორც ვინრო დილეგში.
 ანგელოზია სიხარულის წმინდა სათავე,
 თქვენ კი – სათავე მინიერის, მისი დინება,

და თუ მაყვლოვანს უფლის შუქი აათავთავებს,
იხმობს ქერუბიმს უფალი და თუკი ინება,
რომ ჩაუაროს თქვენს ფარას და შეყოვნდეს იქვე,
არ გაოცდებით,
და იმათაც აღიქვამთ მინად,
აღავლენთ ლოცვას,
დაემხოებით მინაზე პირქვე.
ეს უკვე იყო, ამჟამად კი მოვა ახალი,
დედამინის წრეს ვინც განავრცობს მეტი ჭიდილით,
რა არის ჩვენთვის ეკალბარდი, ღმერთი მაღალი
ქალწულის წმინდა საშოთი რომ განიმსჭვალება!
მე ვარ წიაღის უწმინდესის აელვარება,
რომ წაგიძღვებათ, მწყემსნო, მარადის.

გეოლოგი ჰანიძე



გეორგ ჰაიმის (1887-1912) პირველი ლექსები 1899 წლიდან იწერება. იგი საცხოვრებლად გადადის ბერლინში და აგრძელებს სწავლას გიმნაზიაში. 1902 წლიდან ინტენსიურად წერს ლექსებს.

გეორგ ჰაიმზე მძაფრი გავლენა მოახდინა ჰიოლდერლინმა, ნიცშემ, ნოვალისმა, მერეჟუკოვსკიმ. ჰაიმი შტადლერთან და თრაკლთან ერთად გერმანული ექსპრესიონიზმის ერთ-ერთ დამფუძვნებლად ითვლება. სიკვდილი, ომი, დიდი ქალაქები, გამძაფრებული ტრაგიზმი, აი, მისი პოეზიის უმთავრესი თემები და შესაბამისი მისტიკური მუხტი.

სიცოცხლეში ჰაიმმა გამოსცა ერთადერთი კრებული „მარადი დღე“ (1911) მისი გარდაცვალების შემდეგ ჰაიმის ლექსები დაიბეჭდა ექსპრესიონიზმის ლეგენდარულ ანთოლოგიაში, რამაც მისი პოპულარობა არნახულად გაზარდა.

ჰიტლერის მმართველობისას ექსპრესიონიზმი გამოცხადდა „დეგენერატულ ხელოვნებად“ და გეორგ ჰაიმიც მიივიწყეს.

1960 წელს გერმანიაში გამოიცა გეორგ ჰაიმის თხზულებანი ოთხ ტომად – ლექსები, პროზა, დრამები, წერილები და დღიურები.

ოჯლია

1.

დაფათურობენ წყლის ვირთხები მის გაშლილ თმაში, მისი მკლავები, როგორც ფრთები მიაქვსა დინებას, მიდის, მიჰყვება წყალმცენარის ჩრდილი თამაშით, რომელიც ფსკერის უღრანიდან ტანს ეფინება.

მზე ჩამავალი, შელამების კარად მისული, შეუერთდება მისი ტვინის კივილს შემზარავს, ლად მიიცვალა მარტოსული, თვალდანისლული, გულამღვრეული წყლის დინებას რად დაემგზავრა..

ქარი შამბნარში შემალული ხელს უცაბედად თითქოს აიქნევს და ღამურებს ისე ამოშლის, ღამურები კი ბინადარნი მღვრიე ღამეთა, ააბოლებენ წყალს მიმავალს ბნელ საღამოში.

გვამს ღრუბელივით ეხვევიან, იკლაკნებიან, ჭიაყელები ფუთფუთებენ, მიაცილებენ, დაიტირებენ ტირიფები, ბინდში კრზტებიან და გარდაცვლილის მუნჯ ტკივილებს მიაცილებენ.

2.

წითელი ოფლი მცხუნვარე მზემ ჩამოიწურა, ჩასძინებია მინდვრად ყვითელ ქართა ბუდარას, ის – დაქანცული ფრინველივით ისევ მიცურავს, გედების ფრთები ეფინება, როგორც სუდარა.

იცურე, წადი! იქ, ქალაქთა აურზაური
არხში მოამწყვდევს თავისუფალ სწრაფვას მდინარის,
სადაც ქალაქთა მღვრიე ექოს კვლავ უცნაურად
გამოსცემს ქუჩა მოთუხთუხე და უძინარი.

ისევ ქუჩებში, კვლავ ზარების რეკვა გაისმის,
ბრძოლა, ღრჭიალი მანქანების, ხმა დაზაფრული,
ჩამქრალ ფანჯრებში დასავლური მძიმე დაისი
და ვებერთელა ამნეს ხელი ბინდში ჩაფლული..

შუბლშეჭმუხნული, უძლევალი მოჩანს ტირანი –
და მის გარშემო მუხლმოყრილი შავი მონები,
მძიმე ხიდები და ხიდებქვეშ წყალი მტირალი,
მძიმე ფანჯრები, არეკლილი ჯაჭვის რგოლები.

ის კი მიცურავს უსიცოცხლო და უდრტვინველი,
მაგრამ სადაც კი ბრბი გროვდება, როგორც მორევი –
ვეებერთელა ფრთით განდევნის შავი ფრინველი
დაფრთების ჩრდილებს მოიძოაფენს ნაპირს ორივეს...

იცურე! წადი! იქ, სიბნელეს ეზიარება
დღე დასავლურად უმაღლესი, ქრობა ზაფხულის,
სადაც ველების მწვანე სივრცეს მიეზმანება
სალამოების დაღლილობა სულგანაბული.

მიაქვს მდინარეს, მდინარე კი დინებით ნიღბავს
პორტების წუხილს, ზამთრის სუნთქვას ნისლად
მონოლილს,
მიაქვს მდინარეს ამქვეყნიურ სივრცეთა მიღმა,
სადაც გიზგიზებს ჰორიზონტი, როგორც კოცონი.

*ნაირა გელაშვილის ბნკარედის დახმარებით
თარგმნა გივი ალხაზიშვილმა*

ქალაქთა შერისხვა

თქვენ ხართ წყეულნი, თუმც ყვავილობთ კვლავ
 ნეტარებით,
 როგორც ნაყოფი ტლანქი კოცნის, ბულნი ტუჩების,
 როცა სიბნელე თქვენს ქონგურებს მიეპარება –
 სადღაც გაქცევას რად ლამობენ შენი ქუჩები?!

მაშინ დარეკავს, ათრთოლდება ზარი ყოველი,
 ზარების ხმები მზის ყვავილთა ფერში ჭკნებიან,
 იქ, სადაც მოჩანს ტანჯვის ფუძე მოოქროვილი,
 სახრჩობელები აღმართულან, ჯვრისებრ ჩნდებიან.

ცეცხლის ზღვასავით დულს ქალაქი ავად
 მგრგვინავი,
 წაეკიდება რვალის წითელ ბრწყინვად მერე ცას
 და დასალიერს განათებულს სისხლის გვირგვინით –
 ხარის შუბლივით პრიალა მზე რქებით შელენავს.

*თარგმანი გივი ალბაზიშვილისა
 ბნკარედი ნაირა გელაშვილისა*

ქალაქის ღმერთი

სახურავებზე გადამჯდარა, გადამხობილა,
ქარაშოტები კერპის შუბლთან კვლავ ბინადრობენ,
მრისხანედ უმზერს გარეუბანს, სადაც ობოლი
ბოლო სახლები, თითქოს ცაში წასვლას ნატრობენ.

მენამულისფრად ულაპლაპებს დაისი მუცელს,
სწამთ მუხლმოდრეკილ დიდ ქალაქებს მისი დიდება,
ეკლესიათა ზარების ხმა გაისმის უცებ,
შავი კოშკების ზლიდან მისკენ მიიზვირთება.

ისმის მუსიკა მილიონთა, ხმა დამლუპველი...
ველური როკვა... ჩანს უთვალავ თვალის სარკმელი,
მიღების მჭვარტლი, ფაბრიკათა კვამლის ღრუბელი
მიიწვეს მისკენ, მიიწვეს ვით სუნთქვა საკმევლის.

ავი ტაროსი კერპის წარბებს რომ შეერევა,
სალამო მიდის ღამისაკენ ბინდის ფათურით,
კერპის თმაგაშლილ უღრანიდან, როგორც ძერები
იმზირებიან ქარიშხლები ფრთებშემართული.

განრისხებული გადმოსტყორცნის ციდან ცეცხლის
ზღვას,
გავარვარებულ ცეცხლის ნაკადს ხმელეთს
მიანთებს,
მუშტს მოუღერებს და ქალაქის ქუჩებს შერისხავს
და ქალაქს შთანთქავს გეჰენია გამთენიამდე.

*თარგმნა გივი ალხაზიშვილმა
ბნკარედი ნაირა გელაშვილისა*

ტუდორ არგეზი



ტუდორ არგეზი (1880-1967) სამართლიანად ითვლება რუმინეთის უდიდეს პოეტად. მისი ლექსები თითქმის ყველა ევროპულ ენაზეა თარგმნილი.

ცხოვრების რთული გზა განვლო ტუდორ არგეზმა. სიყმაწვილეში ჯერ მართლმადიდებელ ეკლესიას ემსახურა, მერე – კათოლიკურს, ბოლოს კათოლიკური ეკლესიაც მიატოვა და ხუთი წელი იხეტიალა ევროპაში, ფეხით შემოაიარა შვეიცარია, საფრანგეთი, იტალია, ინგლისი.

ტუდორ არგეზის შემოქმედება ახალი რუმინული პოეზიის სათავეა.

სიმღერა

დასრულდა ომი, ვეშურები ბრძოლით დაღლილი,
დაღენილია ჩემი შუბი, ფარი, მახვილი.

ამ სიჩუმეშიც ჩემთანა ხარ, გული აენთო,
ასეა მუდამ – ჩვენ ერთად ვართ უერთმანეთოდ.
ბილიკ და ბილიკ მივაბიჯებთ მთაში და ბარად,
ოცნების, ფიქრის, სიყვარულის, მზის ანაბარა.

ოდეს წყურვილი მტანჯავს ყარიბს ზაფხულის მზეში,
მყისვე წყაროს წყლით აგევსება პატარა პეშვი.
ჩემო ძვირფასო, იქნებ ნატრობ – პეშვი კი არა,
შემომავებო სავსე მკერდი ბროლზე კრიალა.

მიახლოვდები, წყალში ფეთქავს
ბალახის ღერი,
მე გავიგონე – საიდუმლოდ
აჩქამდა ფსკერი.

მიახლოვდები ჩუმად, როგორც მსუბუქი ჩრდილი,
შენი სურნელით გაჟღენთილან ყვავილნი დილის.

სიჩუმეს შენსას იმეორებს შრიალი ხეთა,
უსაზღვროებას განათებულ თვალეში ვხედავ.
დაკარგულია თითქოს ზღვარი, ჩემო ხატებავ,
შენა ხარ იგი – რაც კვდება და კვლავ იბადება.
მუდამ ჩემთან ხარ, დედოფალო, ვით ორეული,
უსპეტაკესი, მარადისი და შორეული.

დაბრუნება

ცოტალა დარჩა შესაცნობი, გადასალახი,
განვლილი გზები ერთდებიან და მზერას აწვიმს,
ბნელი ქუჩები, ბილიკები, ტყენი, სანახი,
როგორც ბორბალი ტრიალებს თვალწინ.

რას გვახსენებდა სურნელი მსგავსი?
რამ ააყვავა ყვავილები გარდასულ დროის?
მოდის სალამო და ზეცის გარსი
გამჭვირვალეა, მაგრამ მოაქვს ბურუსი გლოვის.

ო, რა მოგველის? უდაბნოთა სიმშვიდე ვრცელი?
ნუთუ ესაა იმ გამოვლილ დღეთა მიზანი?!
ზე გაშლილია ულურჯესი, უვრცესი ველი,
ირგვლივ სიმწვანე – ახდენილი ყრმობის სიზმარი.

აი, სასტუმრო განზე მდგარი გვეძახის თითქოს,
ისმის სიმღერა, იქ ღვინოა, თბილი საწოლი...
ღივლივა თმებში თუ ჩავყვინთე, შეგუბულ სითბოს –
გამოსხივებულს ვინ გაზომავს, ვინლა აწონის.

ო, თუმცა დრო-ჟამს სრულიადაც არ უყვარს მოცდა,
მდუმარებაში დავასრულებთ ცხოვრების გზა-კვალს,
ვით ჯადოსნური საწამლავი – მხურვალე კოცნა,
რომ დავუბრუნოთ კაცთა მინას – მშობლიურ აკვანს.

სიუსხვე

გაგრძელდა კვალი, შენ გაიხარე,
 შენ ხარ ძვირფასი ტვირთის მზიდველი.
 შორიდან მოჩანს – თითქოს ქვის ხარებს
 ბრინჯაოსფერი კაცი მიდენის.

ხორბალი, ქერი არ დაილევა,
 თესავს გლეხკაცი, იღვწის სახლისთვის,
 მიჰყვება გუთანს, ზოგჯერ იელვებს
 ჩამავალ მზეზე მჭრელი სახნისი.

დროგამოშვებით გახედავს სოფელს,
 თან აქუცმაცებს მინას ბელტებად,
 ხნავს, ვიდრე მთვარე ჩრდილებს მიმოფენს
 და გაშლილ ველზე დაიღვენთება.

ხოლო ალვის ხე ცად მიმავალი
 ღამეულ ბადეს ფრთხილად მოისხამს,
 თრთის ვარდისფერი მთებთან სავანე,
 ეშვება ბინდი საღამოისა.

გარდასულს აღარ მიიტან გულთან,
 წარსული ფიქრთა სამოსახლოა,
 შეჰყურებ – ღმერთი მიჰყვება გუთანს
 და გიკვირს – ღმერთი ისე ახლოა.

ფსალმუნი

შენ გამომძერნე, სასიცოცხლო სული შთამბერე,
მას მერე ვცოცხლობ, მაჭაბუკებ, კიდეც მბებრებ.

მე ყოველ ნამში ვიღუბები და სიკვდილი ისევ მკაცრია,
მკაცრი ნუთები მშვიდ ცხოვრებას აღარ მაცლიან.

შენ მასწავლიდი, უხილავო, საწყალს თავიდან:
– სიკვდილს ამარცხებს სიყვარული დასაბამიდან.

მითხარი ცრემლზე ერთი სიტყვა, ნისლით დაფარე,
გლახაკს ცრემლების ოკეანე შემომაპარე.

დღესასწაულზე მიმინვიე, შემხვდი მდუმარე,
არც კი მაუწყე – ამა ქვეყნის რომ ვარ სტუმარი.

ვით სასაფლაო, ვით აკლდამა დარდის მთხრობელი,
უსიყვარულოდ შეგიქმნია ესე ყოველი!

ფსალგუნი

ჩემი ბრალია,
მიუღწეველს ველტვოდი მარად,
რად ვესწრაფოდი აკრძალულ მხარეს?!
კუნაპეტ ლამის ბნელ დროშაში გამოხვეული –
ფიქრში, სიზმარში, ოცნებაში

მუშტშემართული
ფეხაკრეფით შევდიოდი მძინარ ქალაქში,
უსასტიკესი სიამოვნებით,

განურჩევლად ვძარცვავდი ყველას...

მსუბუქად,

ფრთხილად მიცურავდა ჩემი ნაბიჯი

მარმარილოს გრძელ კიბეებზე,

ვარსკვლავიან ცის დროშის ჩრდილში

მმაღავდა ღამე

და აძინებდა გრძელ შუბებზე ჩამოყრდნობილ

ყეყერ დარაჯებს.

ძვირფას ნადავლით დატვირთული

ვტოვებდი ქალაქს,

წაბლისფერთმიან მზეთუნახავს მოვიტაცებდი...

ო, მზეთუნახავს

აბრეშუმის იღუმალი შარიშურიდან

ამობურცვოდა მაყვლისოდენა,

უმკვრივესი ძუძუსთავეები.

არასოდეს,

არც სიყრმეში, მეტადრე ახლა,

არ მამშვიდებდა მიღწეული,

ჩემი სურვილი, გული ჩემი

და სული ჩემი

გაჟღენთილია მეამბოხის სისხლით და სწრაფვით.

კლდეზე მძინავს, ყინულით ვთბები,
 ბნელ ღამეში შევიჭრები ჩირალდანივით,
 სიჩუმეს ვბზარავ ბორკილთა მსხვერვეით,
 ვაგლეჯ ჟანგიან საკეტურებს
 მძიმე კარებებს,

მაღლა და მაღლა,

უფრო მაღლა

სახიფათო ბილიკებს ვეძებ,
 ხახადალებულ უფსკრულის პირას მივაბიჯებ
 მტკივან ზურგზე ტვირთმოგდებული,
 გაბრუებული, აგზნებული.

შენც უფალო,

შენც მუშტს გიღერებ და გემუქრები,
 შენც გიმიზნებ ნაცად მშვილდისარს,
 მაგრამ უეცრად მესმის შენი ხმა
 მაგიური და მშვიდზე მშვიდი:

– ფრთხილად, ფრთხილად, ადამის ძეო!

სიგლერა ღუღუკუა

მწუხრმა მოიცვა დედამინა უმთვარო ღამით,
მრავალს ეგონა, მოახლოვდა განკითხვის ჟამი.
სასახლეთა და სიმაგრეთა ბჭენი მშიშარა,
ღამის წყვდიაღმი ჩამოინგრა, ჩამოიშალა.

მოქეიფეებს გაეყინათ ხახაში ღუკმა,
ულრანი ღამე გაანათა ღვთიურმა შუქმა
და გაიშლართნენ იატაკზე,
როგორც მონები –
უფლისწულები,
დიდებულნი,
ქალბატონები.

მძიმე ჰაერში თალხისფერი გაღღვა თუ არა,
ვეება ტალღამ დარბაზს ზათქით გადაუარა.
ახსნეს ურდული და დაიძრა
ხალხი მძვინვარე –
ღია ჭიშკარში, სასახლისკენ, როგორც მდინარე.

ამსხვრევენ ღმერთის ქანდაკებებს,
ხალხი არ ცხრება,
ხალხი იმარჯვებს,
მარმარილოს ღმერთი მარცხდება.
ნამთვრალევე სახეს მოიფშენიტავს უცებ ტირანი,
მოჩვენებაა, – გაიფიქრებს ბრბოსკენ მზირალი.
ეს ვინ გაბედა?!
ვინ დამიფრთხო ჟამი მოლხენის?!
დიან დროშათა იალქნებით მემამბოხენი.

მოეჩვენება დამფრთხალ მეფეს,
 ხმაურით შეშლილს,
 მოდის დევკაცი სიბნელეში ჩირაღდნით ხელში.
 ჰეი, მცველებო! სიზმარია ნუთუ ყოველი,
 თუ მართლა მოდის ხალხი – მეფის უარმყოფელი?!

დალენეს კარი,
 ხალხის ტალღა ტალღას მოება
 და გადათელა დარბაზების ბრმა მყუდროება.
 შორს, ცხრაკლიტულში
 მოჩანს, როგორც ლანდი სიკვდილის,
 დამფრთხალი მეფე –
 მოცახცახე და ფერმიხდილი.

რა გადასწონის,
 თრთის სასწორი, შედგნენ მდევერები,
 ტირანის სისხლი
 თუ ტანჯული ხალხის ცრმელები.

სიმღერა ღუღუკზე

ჩემი გულია –
 წვიმები, გზები,
ჩრდილები ხეთა,
 ძველი ნიშები,
მზეს ჩახვეული ვენახები,
სახურავებზე აღერილი ცისფერი კვამლი,
ძაღლების ყეფა,
 სუფთა ჰაერი,
ნაცარი – კვლებზე მიმოზნეული,
 დაუსაბამო სათიბები,
 ყვავების გუნდი,
სივრცეს უაზროდ მიშტერებული
ლაფიანი კამეჩის მზერა –
 ჩემი გულია!

ჩემი გული ცემს ბავშვის ტირილში,
ჩვილის ხელებში,
 ჩვილის სხეულში,
აუხელებელ თვალებში ფეთქავს...
სად არის წყარო გამჭვირვალე?!
ამღვრეულან სათავეები,
მზით გადამწვარი მდეღიები ფერფლს და ლოცვას
 წაუღეკია;

დავეძებ ახალ მდინარეებს
და ვპოულობ ლამსა და წუმპეს,
მაგრამ ეს გული,
წეროების გუნდს ადევენებული
მიარღვევს სივრცეს, როგორც ისარი...

ფუტკრის ზუზუნში,
მინდვრის თაგვების ჩამიჩუმშიც
ფეთქავს ეს გული,
გული ყველამ და ყველაფერმა
გაინანილეს.

რამ აგამლერა?

შენი სიმლერა რად გავიგონე?

მე მოვდიოდი შენკენ ციდან,
 შენ კი მიწიდან იზიდებოდი,
 შენმა სიმლერამ გამაცოცხლა,
 გამომალვიდა.

ახლა იქ, ზევით,

როგორც კლდის ქიმთან

წყვილი ღრუბელი,
 ჩვენ ერთმანეთში ნებიერად გადავიზარდეთ.

ფსალმუნი

მარტოსული ვარ, მკანრავს ეკალი,
უდაბნოს ხე ვარ კენტი,
დაღლილი,
მოხეტიალე და მოდრეკილი,
მწარე ნაყოფით ტოტებდახრილი.

მტანჯავს დუმილი. ცისა ციალო,
რად არ აშუქებ მონყენილ ჩეროს?!
ფრინველმა მაინც შეიფრთხიალოს,
დუმილი ნამით რომ შეაჩეროს.

გამთენიაზე ფრინველთა ქორო,
შელამებისას შაშვის გალობა,
გვედრებ, ჟამი-ჟამ კვლავ გამაგონო,
ეს მდუმარება ვინ მიწყალობა?!

უსურნელოა,
სურნელს ადრეულს
ჩემი ყვავილი ვერ გაახსენებს,
მერქანდაკოჟრილს,
ფოთლებამღვრეულს,
დღეს სევდიანი ცვარი მასველებს.

ჩირალდანია თითქოს ვეება,
ბებერი მთვარე დასალიერთან,
სულგანაბული დგანან ხეები,
თითქოს სამყარო დაცარიელდა.

ო, ნუთუ კმარა, ასე მოღლილი,
რომ კვლავ ვანთივარ წმინდა სანთლებით,

შენი ბრძანებით ნელში მოხრილი,
ბნელში ფესვებით რომ ვიხლართები?!

რისთვის დამაგდე,

რისთვის დამლაღე,

ურვას და სევდას ან შეჩვეული,
როდის მენწვევა შენი რჩეული –
მნათობის შუქზე ფრთაანული,
კეთილი რჩევით რომ გამახაროს.

გემუღარეზი, გამიღე კარი

რა სიბნელეა...

თვლემს უკუნის მძიმე ქაოსი...

მომიკაკუნა კარზე ვინმემ,

თუ მეჩვენება.

ნუთუ ხეების შრიალია, ყურს რომ აოცებს –

ანდა ვინ არის სიბნელეში შეუჩერებლად,

უჩირაღდანოდ რომ მოარღვევდა ღამეულ ფარდას,

ვინ ეხეტები,

ვინ ათრთოლებს იდუმალ კალთას,

ნეტა ვინ არის

მარტოსული ჩაკეტილ კართან?!

გაპარტახებულ სავანეში დღეს სულერთია,

რომ ეხეტება,

მიპასუხე, ვის ეძებ ნეტავ.

უკუნეთია,

ამაზრზენი უკუნეთია,

ჩუ, ნუთუ შენი ხმა ისმის, დედა?!

იქ, სამარეში, იმალება წარსულის ჩქამი

და მდუმარება გარდასულ დღეთა,

დაკარგულია ყოველივე ამ უღრან ღამით,

დაკარგულია დღეს შენთან ერთად.

გაქრა მავანი, აღარ ყეფს ძალლი,

გადახრუკულა,

გადამხმარა ხეები თუთის,

ცარიელია ბებერი სახლი,

აღარ დაფრინავს მერცხლების გუნდი.

დგას კენტი ალვა და ასწლეული

მაღალ ტოტებზე ბიბინებს ხავსად,
 არც ჩქამი ისმის ანაზღეული –
 დასასრულია...

არავინ არსად!

ეს ვინ აღვიძებს ცარიელ ბალებს,
 უჩინო, როგორც ზღაპრული ლანდი.
 რისთვის მოხვედი,
 კარს რატომ აღებ,
 ოცი წელია არავინ დადის
 ამ უსიცოცხლო მდუმარებაში.

ირგვლივ რიყეა,
 ქვიშა,
 ბალახი,
 ჩამქრალი ზარი,
 მკვდარი კარები,
 ან რისთვისაა, ღმერთმა დალახვროს,
 დღეს ყოველივე სიკვდილნარევი...

და ის ვინც ბაღში შემოპარულა,
 უჩუმრად მოდის,
 ჰგავს საოცრებას,
 ო, იქნებ იგი უმზერს მალულად
 ჩემს ფიქრებს,
 ეჭვებს
 ანდა ოცნებას.

– ეჰეი, ვინ ხარ,
 ვინ ხარ მავანი,
 მიტოვებული და უსახლკარო,
 რად მიკაკუნებ მარტოდმავალი,
 ამ მიყურებულ ტკივილს დაფარულს
 რისთვის მიღვიძებ, მიუსაფარო?!

– ნყურვილი მტანჯავს,
თუმცა აქამდი
თითქოსდა პირში მაყრიდნენ ნაცარს,
ნყურვილი მტანჯავს,
აჰა, ნაკადი
უღღელი სისხლის – მადლობის ნაცვლად.

– გამოვექეცი ჯვარსა და ჯვარცმას,
აქაც სიცივე, ბინდი და ქარი,
გემუდარები, გამიღე კარი,
გამიღე კარი და შემიფარე.

ფსალმუნი

მე გევედრები და სივრცეს ვზვერავე,
 მინდა შეგიპყრო, ჩემო დემონო,
 მაგრამ არ ვიცი,
 არ ვიცი ჯერაც,
 გაგანადგურო თუ დაგემონო.

მე გითვალთვალე, ჩემო არწივო,
 ჩემო ეჭვო და ჩემო იმედო,
 მითხარ,
 ო, მითხარ როგორ გაგწირო,
 როგორ გესროლო და გაგიმეტო.

არ ვიცი, ვინ ხარ –
 თრთოლვა თუ რისხვა,
 სამყაროს ხმა თუ ფერფლი კაეშნის?!
 ველურ მზერაში ციმციმებ ისე,
 როგორც ვარსკვლავი ხარის თვალეებში.
 იწყება ბრძოლა, ერთუერთს შევებით,
 მსურს საკუთარი თავის ლალატი –
 ნეტავი მძლიოს, რომ წარსთქვა
 შეებით:
 იგი არსებობს ან და მარადის.

არქეოლოგია

გადახლართულა გარდასულთან
ფიქრი ფესვებით,
ვეხები წარსულს
მდუმარების ცივი თითებით,
საუკუნეთა მძიმე ფერფლით
ჩუმიად მევსება
მშფოთვარე სულის ლაბირინთები.

დავდუმებულვარ სიყვარულის მქადაგებელი, –
როგორც მინაში მიკარგული
ლანდი მეფური,
როგორც ქვესკნელში
უძველესი ქანდაკებები
და საფლავები მივიწყებული.

ო, აქ გუგუნებს უთვალავი ეპიტაფია
და წარწერების მკვდარი ქაოსი,
დრო გაყინულა,
იქ სიბნელე ისე მძაფრია,
როგორც სიჩუმე სასაფლაოსი.

მაგრამ მოისმის ცისკენ წასული
კვამლის შრიალი,
ო, ასე წყნარად
მიირწეოდა თვალწინ წარსული,
ვიდრე სივრცეებს არ შეეფარა.

გაოცებული წლების ნამქერით
და უხილავის შორი ძახილით
საუკუნეთა კიბეს გავცქერი
და ფხიზელი ვარ, როგორც მახვილი.

დაკარგული ფურცლები

ორმოცდაათი წელიწადია
ანათებ, ქრება, როგორც ცთომილი –
ძვირფასი ლექსი და რაც მწადია
რჩება მარადის მიუწვდომელი.

აი, ფურცელზე სიტყვები სდუმან,
გულში ღვთიური ცეცხლი ინთება
და ბურუსიან ფსკერიდან უმალ
ინყება ლექსის ამოზვირთება.

კვლავ გაჭიმული სიმივით ელის
კენტი სტრიქონი ხელის შეხებას,
რომ ჩაუქროლოს ზეციურ ველებს
და იბრჭყვიალოს მზის ნატეხებად.

და ისევ სიტყვა –
ვფიქრობ და მუდამ
სულგანაბული სიტყვას მოველი.
აჰა, ეს ლექსიც,
მაგრამ რაც მსურდა,
რჩება მარადის მიუწვდომელი.

ზანქრით ჩანასატი

მიაბიჯებს გაბმულ ხიდზე
გოგო თვალეზბრიალა,
მოშრიალე კაბის კალთა
ქარმა აუფრიალა.

გააყოლა თვალი წყალმა,
თითქოს ამას ელოდა –
დამნიფებულ თავთუხისფერ,
მოქანავე თეძოთა.

მიიჩქარის, აფახულებს
წამწამების მარაოს,
თეთრი ხიდი, როგორც ნავი
ფეხქვეშ ისე ქანაობს.

თეთრო ხილო, თეთრო გედო,
გამოისხი ფრთები და
აქ მომგვარე ჩემი ტურფა,
ძალით არა, ნებითა.

მოვატარებ მწვანე ნაპირს,
ვასმევ ფერად აკვარელს,
პურს რომ ნატრობს დამშეული,
ისე ვნატრობ საყვარელს.

ვიმალეები აწწლიანში,
გოგო თვალეზბრიალა,
ვხედავ, კოცნას მიგზავნის და
აქ არ ჩამოიარა.

ო, ნიჟარის შარიშურო,
იდუმალო ბუნებავ,
შინ მშვიდობით მიიყვანე,
აარიდე ცთუნება.

ტინკა

ხომ გახსოვს ტინკა,
მაგიდებს შორის
მიაცურებდი მიხაკებით სავსე კალათას,
თეძოთა რხევით მიაქანებდი.
ჩვენ კი გვეგონა,
მზემ წყვდიადში შემოანათა.

დაელმებული შესცქეროდა დარბაზი მთვრალი
შენს მკერდს უმკვრივესს –
ორ მწიფე ნაყოფს,
სუყველას შენზე ეჭირა თვალი,
შენ კი მიხაკებს ჰყიდდი კრძალვით.

ვინ დაგიმშვენა, ტინკავ ლამაზო,
მძიმე ბეჭდებით ნაზი თითები?!
ნუთუ ნასტასემ ასე აგავსო
ბრილიანტით და მარგალიტებით?!

შენი სხეული ეკალმუხის
ვინ გადათელა,
ვისმა წყურვილმა აგათრთოლა
აგრე საამოდ.
ვინ დაარწყულე,
ვისთვის ჩაქრი როგორც სანთელი,
ულამაზესო,

უულრმესო,
დაუსაბამოვ?!

ვინ მოგახია კაბის კალთანი,
 ვინ მოგეხვია უსაზღვრო ვნებით,
 ვის მკლავზე დარჩა
 უნაზესი სურვილი თმების
 ან ვისი ცეცხლით დაიფერფლე,
 ფერი გეცვალა,
 რომ იგრძენ –
 თითქოს მინა ფეხქვეშ გამოგეცალა?!

სად არის იგი?
 ციხეში ზის სალ-სალამათი,
 მაგრამ მწუხარი,
 დაკოდილი შენი ლალატით.

სურნელოვანო, შე, შროშანო
 მაისისაო,
 ლალატისათვის შენი მკერდი
 დაისისხლაო.

საპყრობილეში ზის ნასტასე,
 შენ კი მისი დანით დაჭრილი
 მიემართები

აჩრდილების ქვეყნად –
 აჩრდილი.

* * *

რაზე ვიდარდო?!

შემოდგომას ვეფერები ნათელს და მზიანს,
ჩემი სახლი ჰგავს ქრელ თაიგულს –
პატარძალს რომ ტაძარში მიაქვს.

ღია სარკმელში ფოთოლცვენის მოისმის ხმები
და ზეციური, უმშვიდესი ლაჟვარდებიდან
მზე იცქირება და მზეზე ვთბები.
საგნებზე მუდამ უჩუმარი დაცოცავს სხივი
და ჩრდილოვანში წვება და ღვივის
ღიმილი მისი,

უმანკო და მარადიული.

რაზე ვიდარდო, როს დინებას მინდობილი
თავისთვის მიდის,
მიცურავს მჩატედ – ცხოვრება მშვიდი?!
ვჭვრეტ წიგნთა დასტას,
ასე ძვირფასს,

ახლობელს მეტად,

ახალ ცხოვრების უძლეველ შუქს
საფლავთა ზედა.

ცვივა ფოთოლი ნაირფერი,
ჯერ კიდევ თბილი,
ავერცხლისფერებს მთვარე ფოთლებს,
ღამღამობით ედება თრთვილი.
დაფრინდებიან სახურავზე მტრედები ოდეს,
მათ ღულუნს ვუსმენ,
სატრფიალო, უმანკო ნოტებს.
ხომლი ვარსკვლავთა ჩემთანაა
ციურ ჰანგებით,
ღამეული ცა გავსებულა ფარშავანგებით...
და მარტოობის მტანჯველი სევდა

აქ, ახლოს ჩემთან –
 გარინდებულა, უჩუმრად ფეთქავს
 და ჩამჩურჩულებს თვალახელილს: –
 ფიქრში სად მიხვალ?
 ისევ ჩემთან ხარ,
 ისევ ჩემთან იქნები დიდხანს.

აღარას ვდარდობ ამ სიმარტოვეს,
 რომ სულში სადღაც უჩინარი ძარღვებს ატოკებს.
 რაზე ვიდარდო?
 ვერ შთავბერე მოხატულ სურებს
 ვიოლინოთა ციური ჰანგი,
 რომ მოვისურვე.
 დგას სახლი ყავრით დახურული,
 თაიგულივით კობტა და ნაზი,
 გაურკვეველი მავსებს განცდა –
 ნაღველის მსგავსი.

მონასტერი

დღემ რტოებში მიიძინა
ფიქრით და იმედებით,
ფანჯარასთან ჩამოფრინდნენ
თოვლზე თეთრი მტრედები.

თვლემენ, არ აფარფატებენ
მსუბუქ ფრთების მარაოს,
დღე ჩიტებთან ერთად გაქრა,
სადღაც მიიმაღაო.

ვარსკვლავი რომ ამობრწყინდა,
ბინდმა ცა რომ გამურა,
მიყრუებულ სამრეკლოდან
ამოფრინდა ღამურა.

მნათობი ქსოვს მთვარის ჩიტებს,
მთვარის ჩრდილებს ჭალებში,
თრთის ვარსკვლავთა ნამცეცები
ქლიავისფერ თვალეებში.

რეკს საათი,
ჯადოსნური
წუთის მოსვლა მახარა,
თითქოს ზეცამ აღმასები
თავზე გადმომაყარა.

ამაო დღე მიიფერფლა,
ლურჯი ღამე აქვეა,
შეუცნობელ სიხარულის
შუქი შემომაფრქვია.

სოფელი

სასაფლაოზე გადასახლებულა სოფელი,
 ვერ გაიგონებ სახლის კარების ჭრიალს,
 გაჰყურებ შორით
 საფლავებს ჯვრებით მოფენილს,
 ყოველდღიურად ახალ სამარეს ჭრიან.

და ჯვრები ჰგვანან ვიოლინოებს მდუმართ,
 გარინდულან ღვთის –

დირიჟორის ნებით,

ცარიელია ქუჩა,
 გამინდვრებულა გზები,
 ჯვრები...
 ჯვრები...
 ჯვრები...

აბალახებულ, ვიწრო ბილიკით მიხვალ
 ხელისცეცებით,
 შემკრთალი ჩუმი ხმებით,
 ფრთხილად იყავი,

ან მოარულო თიხავ,

გზას დარაჯობენ
 მოხეტიალე მკვდრები.

მძიმე ჩექმებით ბევრი ტალახი ზიდე
 და მარტოსული მოყვასის სითბოს ნატრობ,
 ვერც კი შენიშნავ

კარზე ჩაჟანგულ კლიტეს,

სთხოვ თავშესაფარს

სახლის გარდაცვლილ პატრონს.

დღე-ღამის ზღვართან

გამოიხედა დღემ რიურაჟის იისფერიდან,
ჩუმად და ცივად შეარხია

სარკმელთან ფარდა.

ღამის წყვდიადი იისფერში როგორ განზავდა,
ვინ შეამჩნევდა უფალის გარდა.

ღამის სიგრილე, ვარსკვლავები,

მე – მარტოდ-მარტო,

ვუმზერ განთიადს, არ მეძინება,

თითქოს იგივე ჭაბუკი ვარ

და აღარ ვდარდობ,

დრო თავის ღარში

თქრიალით რომ მიედინება.

როდის მინავლდნენ იმედები,

აენტნენ როდის?!

ვისტავა შიმბორსკა



ვისლავა შიმბორსკა (1923-2012), ლექსების ათიოდ ტომის ავტორია, თანამედროვე პოლონური, თუნდაც მსოფლიო პოეზია, მისი პოეზიის გარეშე ძნელი წარმოსადგენია. იგი წერს ნელა, ლექსებს დიდხანს რანდავს, გაურბის პოპულარობას, უხალისოდ იძლევა ინტერვიუს, შემთხვევათა წყალობით მონაწილეობს ლიტერატურულ ცხოვრებაში, მაგრამ იგი ზედმინევნით მნიშვნელოვანი პიროვნებაა.

ლექსთა კრებულები: „იმიტომ ვცხოვრობ“ (1952 წ.) და „შეკითხვები საკუთარ თავს“ (1954 წ.), „იეტის მოთხრობა“ (1957 წ.). ამ ტომების თანამდევი მოტივი – მელანქოლიური სიმწარე. „მეთოდური ყოყმანი“, შემეცნების სიფრთხილე, სოკრატესეული „ვიცი, რომ არაფერი ვიცი“. კარტეზიული „ვიცი მხოლოდ, რომ ვაზროვნებ“, აი, მისი შემდგომი პოეზიის მახასიათებლები. ამასთან, ისტორიული კატეგორიებით აზროვნებამ პოეტი ისტორიიდან პრეისტორიაში გადაიყვანა, აქედანაა, რომ შიმბორსკას პოეზია ანთროპოლოგიურ ხასიათს იძენს. გამოიკვეთა აგრეთვე პრინციპული კითხვებიც: „რა არის ადამიანი?“

შემდეგი კრებულები: „მარილი“ (1962 წ.), „ასი სიხარული“ (1967 წ.), „ყველა შემთხვევა“ (1972 წ.), „დიდი რიცხვი“ (1976 წ.), „მიყვარს ხიდზე“ (1986 წ.),

„დასასრული და დასაწყისი“ (1993 წ.) – ამ ტომებისათვის დამახასიათებელი თვისებებია პოეტისათვის ჩვეული სკეპტიციზმი და ლექსის მაცოცხლებელი ნყარო – ირონია.

„ეგებ არიან პოეტები, რომლებმაც იციან, რა არის პოეზია. მე კი – არ ვიცი. და მე მგონი, ძალიან კარგიც კი არის, ზოგიერთი რამის არყოფნა არცოდნა“, ამბობს ერთგან შიმბორსკა.

შიმბორსკა გვაცინებს და გვხიბლავს, თუმცა, ხანდახან, გვაშინებს კიდევ:

ჩემი ნიშნები განსაკუთრებულია: ალტაცება და სასონარკვეთა. პოეტს აინტერესებს: კონტინენტების მოგზაურობა, ჯიშინი ძაღლების გამოფენა და კატალოგები, დეტექტიური მოთხრობების პოეტიკა და თეოკრიტეს „იდილიები“. ნობელის პრემიის ლაურეატი (1996), ვისლავა შიმბორსკა უაღრესად რაფინირებული და ინტელექტუალური პოეტია. მისი ინტელექტუალური სიღრმე გამოსჭვივის ირონიულ ღიმილსა და მინიშნების კონოტაციაში. სამაგილითოდ შეიძლება გავიხსენოთ „იგავი“, „დაკარგულ საგანთა ბიუროში ნათქვამი“, „ქვასთან საუბარი“, „ბაბილონის გოდოლი“ და მისი სხვა ლექსები.

წინათქვამაში გამოყენებულია ცალკეული ამონარიდები შიმბორსკას პოეზიაზე არსებული ქართული ნყაროებიდან!

მადლობას ვუხდით ქალბატონ ნათელა გავაშელს, შიმბორსკას ლექსების ბნკარედების მომზადებისთვის, რაც საფუძვლად დაედო მისი ლექსების ჩემულ თარგმანს.

იზაპი

მეთევზეებმა ერთხელ ზღვაში ბოთლი იპოვეს,
 ბოთლში – წერილი. ის წერილი იუნყებოდა: „ხალხო,
 მიხსენით, მე აქ ვარ, აქ ვარ. ოკეანემ
 გამომრიცა უცხო კუნძულზე. ნაპირთან ვდგავარ
 და ხსნას ველი. იჩქარეთ ხალხო, მე აქ ვარ,
 აქ ვარ“.

- უთარილოა, – თქვა პირველმა, – დავაგვიანეთ,
 იქნებ ეს ბოთლი დიდი ხანია ზღვაში დაცურავს?!
- არც კუნძულის სახელია აღნიშნული, – თქვა მეორემ, –
 და არც ის ვიცით, თუ რომელი ოკეანეა.
- არც გვიანაა, არც შორია, აქ კუნძული უამრავია, –
 თქვა მესამე მეთევზემ და უხერხული მღუმარება
 გამეფდა მყისვე.
- ზოგჯერ სიმართლე განსხვავებულ აზრებსაც ბადებს.

ჩრდილი

ჩემი ჩრდილი კუდში დასდევს დედოფალს,
კუდში დასდევს, როგორც ვინმე მასხარა,
ისიც თავს ხრის –
დედოფალმა თუ კი თავი დახარა,
კუდში დასდევს, ენარცხება შენობას.

არ მშორდება, ისე შემოჩვევია,
თუმცა იქნებ სულ არაა მხიარული,
არც კი მოსწონს ჩემთან ერთად სიარული,
შესაძლოა, რომ სხვა როლი ერჩია.

ფანჯრისაკენ როცა მიდის,
ის დედოფალს აცილებს,
მერე უცებ გადახტება ფანჯრიდან,
რას არ სჩადის თუ დედოფალს დასჭირდა,
საქმეები უსირცხვილოდ ასე გაინანილეს.

თავის ნებით იმანჭება
ის ტეტია ძალათი,
თავის ნებით იჭაჭება და ლაქუცით მინვება,
მეფის ტახტზე და გვირგვინზე ხელი არ მიმინვდება,
ოცნებაა – მეფის კვერთხი და სამეფო ხალათი.

აჰ, მეფეო! მხრებს შევარხევ ანაზდად,
თავს დაგიკრავ უნაზესად, ნებისად,
როცა დაჰკრავს ჟამი განშორებისა,
იქ, მეფეო! – იქ, რკინიგზის ვაგზალთან.
ო, მეფეო! ახლა ისე გვიანია,
რომ მასხარა უეჭველად
ცივ რელსებზე დანვება.

დაკარგულ საბანთა გიჟროში ნათქვამი

ქალღმერთი დავკარგე რამდენიმე
 სამხრეთიდან ჩრდილოეთისკენ გზად მიმავალმა,
 მრავალი ღმერთი გამიუჩინარდა,
 როცა აღმოსავლეთიდან ვეშურებოდი.
 სამარადისოდ ჩამეფერფლა წყვილი ვარსკვლავი,
 გადიხსენ ცაო,
 ზღვაში ჩამეძირა ბევრი კუნძული.
 აღარც კი მახსოვს ბასრი კლანჭები სად დამეკარგა,
 ვინ ცხოვრობს ჩემში, ჩემს ნაჭუჭში
 და ჩემს ტყავში გამოხვეული?
 დამეხოცა და-ძმა, ყინულზე რომ ამოვფორთხდი,
 მარტოდენ ძვალი, რომელიღაც ძვალი ზეიმობს
 გადარჩენის წლისთავს.

ვლამობდი ტყავიდან გამოძვრომას,
 მეკარგებოდა გზად ხერხემალი, კიდურები.
 მრავალჯერ შევიშალე.

და რაც გადამხდა, მე დავხუჭე მესამე თვალი,
 ჩავიქენიე ფარფლი და შტოები ავაშრიალე.

ქარმა წაიღო, ყველაფერი გაქრა, არა ჩანს
 და მარტოსული ადამიანი ჩემში გადარჩა,
 რომელიც ახლა კვლავ მარტოა და ისევ ბორგავს,
 რადგანაც გუშინ ტრამვაიში დაკარგა ქოლგა.

ქვანთან საუბარი

ქვას მივუკაკუნე კარზე,
– მე ვარ, მე ვარ, შემომიშვი,
მსურს შენს წიაღში მიმოვიხედო,
შემოვიდე, სული მოვითქვა.

– გამშორდი, ქვა ვარ
ჩაკეტილი და შეუვალი,
შეუღწეველი ვიქნები მარად,
თუნდაც მთლიანად დამაქუცმაცონ,
რომ დამნაყონ, ქვიშად მაქციონ,
ჩემში არავის, არასოდეს არ შემოვუშვებ.

ქვას კარზე ვუკაკუნებ:

– შემომიშვი, მე ვარ, შემომიშვი.
ცნობისწადილმა მომიყვანა შენთან მარტოდენ,
ცხოვრება არის ცნობისწადილი დაოკებისთვის
ერთადერთი შესაძლებლობა:
ჯერ შენს დარბაზებს შემოვივლი,
მერე ფოთლების და წვეთების
სასახლეებს უნდა ვესტუმრო,
დრო კი, რადგანაც ცოცხალი, ვარ, ცოტალა დამრჩა,
ვინძლო ჩემი წარმავალობა გულს აგიჩუყებს.

– ქვისა მაქვს გული,
ჩემს სიდიადეს უეჭველად შევინარჩუნებ,
განვედ, გამშორდი!
შემეძლოს მაინც, გულიანად რომ გავიცინო.

ქვას კარზე ვუკაკუნებ:

– მე ვარ, შემომიშვი,
მსმენია თითქოს შენს წიაღში
ვეებერთელა დარბაზებია, –
უკაცრიელი, თვალდაუდგამი
და ლამაზი დარბაზებია,
სადაც არასდროს ნაბიჯების ექო არ ისმის...
გამოტყდი, შენც ხომ ბუნდოვნად იცი,
შენს წიაღში რა იმალება.

ქვა კი პასუხობს:

– ვებერთელა, უკაცრიელი დარბაზებია,
თუმც იქ ადგილი მაინც არაა.
შესაძლოა, რომ ლამაზი დარბაზებია,
ოღონდ საბრალოვ, შენი გონება და გემოვნება
იქ ვერ ჩააღწევს, იმ დარბაზებს ვერ მოიხილავს.
შენი ხვედრია, ჩემს ზედაპირს უმზირო მარად
და ვერასოდეს შემიცნო, რადგან
სამყარო ჩემი მიღმეული უხილავია.

ქვას კარზე ვუკაკუნებ:

– შემომიშვი, მე ვარ, შემომიშვი,
მე შენს წიაღში მარადიულ თავშესაფარს კი არ დავეძებ,
უსახლკარო და უბედური არ გეგონო,
მე დავბრუნდები, ჩემს სამყაროში ღირს დაბრუნება.
მხოლოდ შემოვალ, მერე მყისვე გამოვბრუნდები.
ხოლო დასტურად, რომ ვიყავი შენს დარბაზებში,
რას წარმოვაჩინ? მხოლოდ სიტყვებს.
მაგრამ სიტყვებს ვინ დაიჯერებს.

– არ შემოგიშვებ, ვერ შემოხვალ,
თანაგრძნობა არ შეგიძლია
ან რა შეცვლის თანაგრძნობას,
ყოველმხილველი თვალი რაა უთანაგრძნობოდ –
ამაოა, არაფერია.
ვერ შემოაღწევ, რადგან შენში
თანაგრძნობის ჩანასახი ბუუტავს მარტოდენ.

ქვას კარზე ვუკაკუნებ:

– შემომიშვი, მე ვარ, შემომიშვი.
არ შემიძლია, უთვალავი წელი ვიცადო
შენს დარბაზებში შემოსასვლელად.
ქვა კი მპასუხობს:

– არ გჯერა ჩემი?

მიდი ფოთოლთან, იგივეს გეტყვის,
წყლის წვეთთან მიდი, ისიც იგივეს გაგიმეორებს,
შენი თმის ღერიც იმავეს გეტყვის.
სიცილით ვკვდები,
რადგან სიცილი არ შემიძლია.

კარზე ვუკაკუნებ:

– ქვაო, შემომიშვი!

ქვა კი მპასუხობს:

– კარი არა მაქვს!

ფილმი – სამოციანი წლები

ეს მონიფული მამაკაცი –
 ადამიანი დედამინაზე,
 თურმე შედგება ათი მილიარდი
 ნერვული უჯრედისაგან.
 სამასგრამიან გულისათვის
 გააჩნია სისხლი,
 რალაც, ხუთიოდე ლიტრი.
 ხოლო მის შექმნას
 სამი მილიარდი წელი დასჭირდა.

თავდაპირველად მოგვევლინა,
 როგორც ბიჭუნა,
 რომელსაც თავი
 დედამისის მუხლებზე ედო,
 მაგრამ სად გაქრა ის ბიჭუნა
 ან ის მუხლები სად მიიმალნენ.
 ბიჭი გაზრდილა
 და ის უკვე სრულიად სხვაა.
 საშინელებაა
 ქვაფენილივით გაპრიალებულ
 სარკეთა ხილვა.
 მან გუშინ კატა გაიტანა,
 დიახ, თითქოსდა ჰქონდა მიზანი,
 რათა კატა გამოეხსნა
 ამქვეყნიური ჯოჯოხეთიდან.
 მანქანაში ჩასკუპებულმა გოგომ
 გულგრილად შეავლო თვალი კაცს,
 რომელმაც გაიფიქრა: –
 ამ გოგოს არა აქვს ისეთი მუხლები
 მე რომ დავეძებ...

ამ მუხლებს შეუძლია
 თავისთვის ინებივროს და
 იშრილოს ქვიშაში...
 არაფერი აქვს თურმე საერთო
 იმ კაცსა და გარე სამყაროს.
 ის თითქოს დოქის
 მოგლეჯილი ყურია და
 სხვა არაფერი.
 თუმც დოქს ამაზე წარმოდგენა
 არ გააჩნია
 და იგი წყალს ეზიდება
 დაუზარებლად.
 გასაკვირია,
 რომ ვილაც შრომობს დაუზარებლად.
 გასაკვირია,
 რომ ვილაც შრომობს კვლავინდებურად.
 სახლს აშენებენ,
 კარის სახელურს აჩუქურთმებენ,
 ხე იტოტება,
 ცირკი ხალხის მოლოდინშია.
 ამ მთლიანობას
 სურს ფეხზე იდგეს,
 თუმც კარგად იცის,
 რომ ის შედგება
 დაქუცმაცებულ ნამცეცებისგან.
 როგორაა ერთმანეთს მიწებებული
 მძიმე და სქელი.

თუმც ყველაფერი აბდაუბდაა,
 რადგან ამ ქვეყნად
 საზარელი სიბნელე სუფევს.
 ამ სიბნელეში დარჩა ბიჭუნა.

სიცილის ღმერთო,
შენიე,
სიცილის ღმერთო,
შენიე,
მიეშველე,
გემუდარები.

ატლანტიდა

ნეტავ კუნძულზე თუ სადმე სხვაგან
სახლობდნენ ანდა არ არსებობდნენ.
ან ოკეანემ, ან უაზრო გაურკვეველობამ
შთანთქა ისინი, ანდა არ შთანთქა.

იქნებ უყვარდა მავანი მავანს?
თუ არსებობდა მტერი, ვისაც მარად ებრძოდნენ?
იქ შრიალებდა მარადმწვანე ხე სიცოცხლისა,
იქ, თუ სულ სხვაგან?

და თურმე იდგა ქალაქი შვიდი.
ო, ნუთუ მართლა?
მარადიული სურდათ სიცოცხლე.
ვის დაარწმუნებ?
ის იქცა ფერფლად. განა ფერფლი გამოიგონეს?
გამოიგონეს, დიახ, ფერფლი გამოიგონეს.

უკვალოდ გაქრა, სათუოებს და საეჭვოებს
ვერც ჰაერიდან გამოვიხმობთ,
ვერც მიწიდან, წყლიდან, ცეცხლიდან,
არც წვიმის წვეთში
და არც ქვაში არარსებულნი –
ვით გაფრთხილება –
იდგნენ ოდესლაც უმწეონი დარბაისლურად.
იქნებ დაეცა მეტეორი?
მეტეორი არ დასცემია.

იქნებ ვულკანი ამოდულდა?
არ ყოფილა თურმე ვულკანი.

ვილაც რალაცას გაჰყვიროდა.
არაფერსაც არ გაჰყვიროდა.

ან გაფანტული ბურუსივით ჩანს ატლანტიდა.

ქალიან სასაცილო

ერთი ამას დამიხედეთ!
ბედნიერება მოუნდა,
სიმართლე მოისურვა,
უკვდავება მოინადინა!
უყურეთ ამას!

ძლივს განასხვავა სიზმარ-ცხადი,
ძლივს მიხვდა რომ ეს თვითონაა,
ძლივს გამოჩორკნა ფარფლისაგან
კვესი და რაკეტა
და ლამისაა ერთ კოვზ ნყალში
დაიხრჩოს ახლა.
სასაცილოა,
ოღონდ თავის სიცარიელე ამოივსოს
და მხოლოდ თვალებით იმზირება,
მხოლოდ ყურებით ესმის
და მისი მეტყველების მიღწევად
მარტოოდენ პირობითი კილო ითვლება.
გონებით მისდევს გონებას,
მოკლედ რომ ვთქვათ:
არარაობაა.

თავისუფლებამ გააყოყოჩა,
ძონძროხა ტანის მიუხედავად
თავი მოაქვს ყოვლის მცოდნედ
და ყოვლის შემძლედ.
ერთი ამას დამიხედეთ!

თუმცა მე ვიცი,
მას ნამდვილად შეიფარებს

რომელიმე პროვინციული ვარსკვლავი –
 უცნაურად მოძრავი
 და ძალიან მკვირცხლი.
 როგორც უაზროდ გადაგვარებული კრისტალი,
 იგი საკმაოდ ყოყორურადაა გაოცებული.
 ერთი ამას დამიხედეთ!

მხოლოდ ამგვარად,
 მხოლოდ ასე,
 თუნდ ერთი წუთით,
 თუნდ ერთი წამით...
 ოღონდ გააჩნდეს
 გალაქტიკა პანანკინტელა.

მერე რა ვუყოთ
 თუ ძონძროხაა,
 რაც არის, არის.
 ის ჯიუტია,
 ვერ შეიცვლება.

უნდა გამოვტყდე:
 იგი ჯიუტი კი არა და
 თითქმის კერპია –
 ხელჩანთიანი, სვიტერიანი,
 თანაც ცხვირზე რგოლჩამობმული.
 იგი ძალიან სასაცილოა.
 იყოს მერე,
 რაც არის, არის!
 საცოდავი,
 ჭეშმარიტი,
 ადამიანი.

სიტყვა

La Pologne? La Pologne?¹ პოლონეთში საშინლად ცივა, ხომ ძლიერ ცივა? – მკითხა და შვებით ამოისუნთქა. ისე მომრავლდა ეს ქვეყნები, რომ ამინდზე საუბარი ნაღდი საქმეა.

მსურს ვუპასუხო: – ო, ქალბატონო, ჩემს ქვეყანაში პოეტები ხელთათმანებს წამოიცვამენ, რომ თითები არ წაეყინოთ და მხოლოდ შემდეგ წერენ ლექსებს. ათასში ერთხელ ხელთათმანებიც არ სჭირდებათ, ეს მაშინ, როცა მთვარე ამოვა და ჩამოცხება. პოეტები მხოლოდ მწყემსების მარტივ ყოფაზე შეთხზულ სტროფებს გაჰყვირიან ანდა მღერაინ, რადგან გრიგალში მხოლოდ ამგვარი ლექსები უღერენ ძლივსგასაგონად. კლასიკოსები ნამქერებში ჩამდგარ მელანში ჩაანებენ ყინვის ლოლუებს და ისე წერენ. დეკადენტები მხოლოდ ყინულის ვარსკვლავებზე მოთქვამენ მარად. ხოლო თუ ვინმემ თავის დახრჩობა განიზრახა, უნაჯახოდ ვერას გახდება, რადგან ყინული თუ ვერ გააპო, მდინარეში თავს ვერ დაიხრჩობს. ასეა, ჩემო ქალბატონო, უძვირფასესო ქალბატონო!

ამგვარად მინდა ვუპასუხო, მაგრამ ვერაფრით გავიხსენე, როგორ იქნება ნამქერი ფრანგულად, არც ლოლუასა და ნაჯახის შესატყვისი არ მაგონდება.

La Polegne? La Polegne?¹ პოლონეთში
Pas du tout!² – ვპასუხობ ცივად.

¹ La Polegne – პოლონეთი

² Pas du tout – სრულებით არა

სიცოცხლე დაუყოვნებლივ

სიცოცხლე დაუყოვნებლივ!
 სპექტაკლი ურეპეტიციოდ!
 სხეული მიუზომებლად!
 თავგანწირვა წინდაუხედავად!

უცნობი როლი, მე რომ ვთამაშობ,
 მხოლოდ ვიცი, რომ ის ჩემია
 და როლის შეცვლა
 აღარავის არ შეუძლია.

აღბათ სცენაზე უნდა მივხვდე
 ხელოვნების დანიშნულებას.

ო, რა ცუდად ვარ მომზადებული,
 რათა ღირსება დავიცვა ჩემი,
 რათა გავუძლო თავსმოხვეულ შტამებს.
 თუმც მეზიზღება,
 მაინც ვცდილობ გარდასახვას,
 თუმც მყისიერად ვლინდება ჩემი უვიცობა,
 ახალ საგნებს როცა ვაწყდები
 და ჩემს უსუსურ პროვინციალიზმს –
 თურმე ჩემივე არსებობა ააშკარავებს.

ჩემი არსებობა დილეტანტობას ნიშნავს.
 მარიგებენ:
 მლელვარება წარმოდგენაზე გამოსვლის წინ
 უფრო ამცირებს ადამიანს,
 მე კი სიმშვიდეს
 და გარემოს დამამშვიდებელს
 ასე მტარჯველად რატომ განვიცდი?!

მაგრამ ვერ შევცვლი
ვერც ერთ სიტყვას,
ვერც მოძრაობას,
თუმც ხასიათი
ჰგავს ვარსკვლავების უსასრულობას
და სირბილისას შეკრულ ლაბადას...

აი, სიჩქარის ფუჭი შედეგი.

ოთხშაბათს ცოტა რომ მევარჯიშა
ანდა ხუთშაბათს ხელმეორედ გადამეხედა
ჩემი როლისთვის?!
არა და, უკვე
პარასკევი კარს მომდგომია
შეუსწავლელი სცენარით ხელში.

ვეკითხები თავს:
ნუთუ, ღმერთო, სწორად ვიქცევი?!
(ხმა ჩამხრენნია,
არ მაცალეს კულისებში ჩახველება).

ცდებით,
ვისაც გერწვენებათ, რომ ყოველივე
მხოლოდ ზერელე გამოცდა იყო
სახელდახელოდ შენობაში ჩატარებული.
არა.

მე ვდგავარ დეკორაციებს შორის
და ვხედავ:
უცნაური სიდარბაისლე
გამეფდა ირგვლივ.

გულს მიკლავს ყველა დეკაორაციის
სიზუსტე და შეუმცდარობა.
და ბრუნავს სცენა,
ერთი წუთია ბრუნავს და ბრუნავს.
აქ ვერცერთ კუნჭულს
ვერ იხილავთ გაუნათებელს
და მელამია მწერი რალაცას
ჩამწუის ყურში.

არ მეეჭვება,
ეს ხომ უკვე პრემიერაა
და თუ რაიმე შევქმენი დღემდე –
დაუფიქრებლად გადავცვლიდი ყოველივეს
დღევანდელ დღეზე.

მეხსიერება ბოლოს და ბოლოს

მეხსიერებამ

ბოლოს და ბოლოს ჰპოვა იგი,
რასაც ეძებდა.

მიპოვნა დედამ, მიხილა მამამ.

ჩემი ოცნებით შექმნილ მაგიდას

კვლავ შემოუსხდნენ,

კვლავ ჩემთან იყვნენ

და ცოცხლობდნენ ჩემთვის მარტოდენ.

სიბნელეში კი ორი სახე –

ორი ნათურა,

როგორც რემბრანდტის პორტრეტები

ისე ბრწყინავდა.

ხომ შემიძლია,

ახლა მაინც გიამბოთ ყველას

რამდენ სიზმარში,

რაგვარ ბრბოში ეხეტებოდნენ.

რამდენჯერ ვიხსენ სიკვდილისაგან

სულთამობრძავი, განწირულები.

თავმოკვეთილებს თავი ირიბად ამოსდიოდათ,

ყოველდღიური უაზრობა აიძულებდათ,

შენიღბულებს ამგვარად ევლოთ.

მერე რა ვუყოთ,

თუ ჩემს გულში გამოვლილი მათი ტკივილი

მათ სრულებითაც არ სტკიოდათ,

არ ანუხებდათ.

დასიზმრებულ ბრბოს ესმოდა,

როგორ ვუხმობდი დედას

იმ რალაცისკენ,
 ტოტებზე რომ წრიპინით ხტოდა.
 მამას თმაზე ბაბთი ეკეთა
 და ბრბო სიცილით იგუდებოდა.
 მე ვიღვიძებდი დარცხვენილი.
 და როგორც იქნა,
 ერთ ჩვეულებრივ ხუთშაბათს და შაბათს შორის
 ჩვეულებრივი რომ ჩანვა ღამე,
 სწორედ ისეთნი გამომეცხადნენ,
 როგორც მსურდა.

კარგად ვიცოდი, მესიზმრებოდნენ,
 მაგრამ სიზმარზე უფრო ცხადად
 ვხედავდი თითქოს.

მხოლოდ სურათით შუაგულში
 სხვა სურვილები ჩამქრალიყვნენ,
 შემთხვევითობას
 საბოლოო ფორმა აკლდა მარტოოდენ.

მხოლოდ მშობლები ბრწყინავდნენ ერთად,
 რადგან ისინი ერთმანეთს ჰგავდნენ.
 დიდხანს ვუმზერდი და ვივსებოდი
 მათი უსაზღვრო ბედნიერებით.

გამოვიღვიძე
 და ვიხილე კედელზე შუქი,
 როგორც ჩონჩხი ჩუქურთმიანი.

ბაბილონის გოდოლი

ნეტავ რომელი საათია? დიახ, უსაზღვროდ
ბედნიერი ვარ

და მარტოოდენ ზანზალაკი ყელს არ მიმშვენებს,
შენს სიზმრებში, რომ ეწკრიალა.

ნუთუ გრგვინვა ვერ გაიგონე? როცა ქარი კედლებს
მოაწყდა

ჩვენმა გოდოლმა თითქოს ლომივით დაამთქნარა
ანჯამებზე დაკიდებულ ვეება კარით. უნცაურია,
ალარ გახსოვს?

ჩვეულებრივი კაბა გეცვა მონაცრისფერო,
ნაოჭები ამშვენებდა კაბას მხრებთან. მყისვე განიხვნა
ნაირფერად კარი ზეცისა. როგორ გავბედე

შენთან შემოსვლა,

შენ ხომ მარტო არ იყავი. მე დავინახე ანაზღეულად
უხილავი ფერები ცაში. სამწუხაროა,

არ შეგიძლია, პირობა მომცე. შენ მართალი ხარ,

იქნებ მართლა სიზმარი იყო. რატომ მატყუებ,

რად მეძახი იმ ქალის სახელს,

ნუთუ კვლავ გიყვარს? როგორ მინდოდა,

იგი ჩემთან დარჩენილიყო. აღარას ვნანობ,

თავიდანვე უნდა მცოდნოდა.

ისევ ის კაცი გახსენდება? მე არ ვქვითინებ.

სხვა არაფერი? – თუმცა შენსავით მაინც არავის...

მადლობელი ვარ აღსარებისთვის. მშვიდად იყავი,

მე ამ ქალაქს მივატოვე. მშვიდად იყავი.

მეც წავალ, წავალ; რა მშვენიერი ხელები გაქვს.

ეს წინათ მოხდა, როცა მაძგერეს მახვილი,

ძვლებზე არც შემხებია. ო, არაფრის,

ჩემო ძვირფასო. არ ვიცი, არა

და აღარც მინდა, რომ ვიცოდე,

რომელი საათია.

საკუთარ თავზე ცუდი შეხედულების შექება

საკუთარ თავზე სასაყვედურო
 რა აქვს კაკაჩას?!
 შავი პანტერაა
 სხვისი სვინდისის ქენჯნა.
 ცხოველებს არ აეჭვებთ
 საკუთარი მოქმედების სისწორე.
 თავს უყოყმანოდ მოიწონებს
 ჭრელი მცურავი.
 ამ ქვეყანაზე არ არსებობს თურმე
 ტურა თვითკრიტიკოსი.
 კალია, ბორა,
 თრითინა და ალიგატორი
 ისე ცხოვრობენ
 თურმე, როგორც მოესურვებათ,
 კმაყოფილებიც არიან მარად.
 ზვიგენის გული
 ას კილოგრამს იწონის თურმე,
 მაგრამ სხვაგვარად ის მსუბუქია.
 რა უნდა იყოს
 ქვეყნად უფრო დიდი სიმხეცე,
 სუფთა სვინდისი
 მზის მესამე პლანეტაზე რომ აღმოჩნდება.

* * *

ახლო ვარ მასთან,
ისე ახლო ვარ,
რომ არასოდეს დავესიზმრები.
მის ოცნებაში არ დავფრენ და
არც ფესვებთან არ ვემალები.
ახლო ვარ მასთან
და ბადეში გაბმული თევზი
უკვე ჩემი ხმით აღარ მღერის,
ხმასაც არ იღებს.

თითზე შემზრდია მძიმე ბეჭედი.
მეტისმეტად ახლო ვარ მასთან.
სახლი რომ იწვის
ის უჩემოდ მოუხმობს მშველელს.
ისე ახლო ვარ,
რომ ჩემს თმაში
გუგუნებს ზარი.

ისე ახლო ვარ,
რომ სტუმარივით შევდივარ მასთან,
რომლის წინაშეც
კედლებიც მყისვე გაიხსნებიან.

ასე იოლად
მეორეჯერ აღარ მოვკვდები,
აღარ დავრჩები სხეულის მიღმა
შეუცნობელ სივრცის იმედად
როგორც ოდესღაც,
მის სიზმარში აღარ დავრჩები.

ახლო ვარ მასთან,
 მეტისმეტად ახლო ვარ, ახლო,
 გაქვავებული ვთვლემ მის მკლავებში,
 მესმის შიშინი
 და მობრჭყვიალე
 სიტყვების ქერცლს მივჩერებივარ.
 ამ წუთას იგი
 ჩემზე მეტად ეკუთვნის ალბათ
 მის ცხოვრებაში
 ერთხელ ნანახ ცირკის მოლარეს –
 ლომების პატრონს –
 რადგან მე მას გვერდით ვუნწევარ.
 იზრდება მასში
 იმ მოლარე გოგონასათვის
 მენამული მინდვრის სივრცე, –
 დათოვლილ მთებით შემოზღუდული
 და ლაჟვარდოვან ზეცის ლივლივი.

ისე ახლო ვარ,
 ზეციდან ვერ მოვევლინები
 და თუ ვიკივლებ,
 დაკივლება მარტოოდენ გამოალვიძებს.
 მე ვარ საბრალო
 და საკუთარი სხეულით ვარ შემოგარსული.

თუმცა, ოდესღაც
 არყის ხე ვიყავ –
 ან სულაც ხვლიკი,
 გამოვდიოდი დროიდან და
 ატლასებიდან
 და კანის ფერს ვიცვლიდი მხოლოდ.

თუმც ხომ შემეძლო
მის გაოცებულ თვალებში რომ
გავმქრალიყავი.
ო, რა უსაზღვრო ბედნიერებას
მოვიპოვებდი.

ძლიერ ახლო ვარ,
ისე ახლო,
რომ არასოდეს დავესიზმრები.
მძინარე ფრთხილად გამოვუცურებ
ხელს თავქვეშიდან,
ხელს გახევებულს,
თმის სარჭებისაგან
წვრილად დაჩხვლექილს.

ყოველ ნაჩხვლექზე
მოცელილი ანგელოზები ეფინებიან.

მეგობრებს

დედამინაზე ვარსკვლავებამდე
თვალუნვდენელი მოჩანს მანძილი,
ჩვენ ერთმანეთი იქ გავიცანით,
ხოლო მინაზე სწრაფად დავცილდით.

დაუსაბამო სივრცეა თითქოს
სიბრალულიდან ალალ ცრემლამდი,
სიმართლისაკენ გზად მიმავალი
ჩვენ სიყმანვილეს ნებით ვცელავდით.

რეაქტიული თვითმფრინავები...
მწამს, მდუმარების ცივი ნაპრალი
აფრენასა და იმ გუგუნს შორის
სასაცილოა და დამზაფრავიც.

დაგვიანებულ ხმას მოუსმინე –
(კი, უფრო სწრაფად ფრენდნენ ოდესღაც.)
ჩვენ ძილქუშიდან ხშირად გვაბრუნებს
ხმა, წლების შემდეგ რომ შემოგვესმა.

რა დავაშავეთ? ჩვენ მართლები ვართ!
გაოგნებული ისმის ძახილი,
ვისი ხმებია ფანჯრებს რომ გვინგრევს,
სად იყო ცაში გადანახული?!

ხმა მიყურდება, წყდება უმაღვე
და ვარსკვლავები ლურჯი კაშკაშით
მოცვივა, როგორც აფეთქებისას
სახლის ქერიდან ძველი ბათქაში.

* * *

ისე მარტონი იყვნენ ხშირად,
 ისე მარტონი,
 ისე უსიტყვოდ, ისე უბრად,
 უსიყვარულოდ, რომ ღირსნი იყვნენ
 სასწაულის, მკაცრი ვაების,
 მეხის დაცემის ან გაქვავების.
 რა ბედენაა სიმარტოვეში დანთქმულ წყვილისთვის
 ბერძნული მითოლოგიის ორი მილიონი ტირაჟი,
 ყოველივე ხომ ამაოა
 და გზა ხსნისა შორით მოჩანს, როგორც მირაჟი.

ღია კარებში ვინმეს მაინც შემოეხედა,
 თუნდ ერთი წუთით, ერთი წამით და გამქრალიყო,
 ყოველი მხრიდან, არსაიდან შემოეხედა,
 სულერთი იყო ვინ იქნებოდა,
 ღიმილისა თუ შიშის მიმგვრელი
 ანდა საიდან შემოეხეტა;

რა უნდა მოხდეს, არაფერი. კვლავ სიმარტოვე,
 ჩამქრალი რწმენა – განშორების მსუსხავი გამა,
 და ოჯახური ჩვეული დრამა.
 რაა სხვათათვის?! –
 ყოველდღიური ერთფეროვნება და სიმარტოვე.
 დგანან სარკესთან,
 პირისპირ დგანან
 და მწუხარების ფონად მოჩანს თეთრი კედელი;
 უერთმანეთოდ, თითქოს ერთად სარკესთან დგანან,
 ხოლო სარკეში სევდა მოჩანს გამოკვეთილი.

სხვა არაფერი, გარდა წყვილი ანარეკლისა,
ფხიზლობს ქვეყანა ნივთიერთა
და უხილავი ყოვლის მხილველი –
იგია ყველგან, ყველაფერში, მარად პირველი
და ისე ზრუნავს ხალხის სვე-ბედზე,
რომ ეჩვენება, თითქოს ოთახში შემოვარდება
ფეხმარდი შველი გასაკვირველი
და მთელ სამყაროს შემოიყოლებს.

ვაშლის ხე

მაისია, სამოთხეა,
სიო რტოებს არხევს,
თრთის ვაშლის ხე,
სურნელოვან ყვავილებში გამხვევს.

დგას ვაშლის ხე, არ დაგიდევს
კეთილსა და ბოროტს,
მოვარდისფრო ყვავილებით
ეცინება მხოლოდ.

არავისი არ არის და
არც იქნება სხვისი,
თრთის ნაყოფის მომლოდინე
წინათგრძნობის ნისლით.

არ აფიქრებს, სად იზრდება,
რიცხვი, თვე და წელი,
არც საითკენ ისწრაფვის და
არც არავის ელის.

მუდამ სიუცხოვესა და
სიახლოვეს ავლენს,
არც არაფერს მანუგეშებს,
არც არაფერს მავნებს.

და თრთის მოთიმნებისაგან
თითქოს ფოთოლ-ფოთოლ,
გულგრილობა მოსდებია
მის ყვავილებს თოთოს.

სიზმარივით ბუნდოვანო,
მონატრებავ მწველო,
ძილ-ღვიძილში ჟრუანტელი
მინდა გავიგრძელო.

მსურს, ცოტა ხანს შენთან დავრჩე,
ფიქრს გავშორდე მსუსხავს,
ვინძლო, სახლში დაბრუნება
უნდა მხოლოდ ტუსაღს.

ნერის სისარული

ქალაღდზე დანერილი სიტყვა „შველი“
რატომ გამირბის
ქალაღდზე დანერილ სიტყვა – „ტყეში“?
იგი გამირბის
ქალაღდზე დანერილი სიტყვის –
„წყლის“ დასალევაღ.
წყალში მისი დრუნჩის
ზუსტი ასლი ირეკლება.

ყური რად დაცქევიტა,
ხომ არაფერი შემოესმა?
იგი დგას
სინამდვილისგან ნასესხებ ოთხ ფეხზე,
დგას ჩემს თითებქვეშ
ყურდაცქვეტილი.
„სინყნარეა“, –
ფურცელზე ეს სიტყვაც კი შრიალებს
და სიტყვა „ტყეც“
ამოძრავებს დაბურულ ტოტებს.

ჩასაფრებულან თეთრ ფურცელზე გადასახტომად
ასოები ნაირ-ნაირი,
რომლებიც შეიძლება ცუდად დაჯგუფდნენ,
შემოჯარდნენ წინანდებურად,
რომელთა შინაარსმა
შეიძლება მიაღწიოს ამოების ზღვარს.

მელნის წვეთებში ჩასაფრებულან
თვალმოჭუტული მონადირენი,

ისინი მზად არიან
 ციცაბო კალმის წვერიდან ჩამოცოცდნენ,
 გზა შეუკრან საბრალლო შველს
 და ესროლონ დაუნანებლად.
 მათ ავინყდებათ,
 რომ ქალაღღზე ნამღვილი სიცოცხლე
 არ სუფევს,
 რომ აქ წერის კანონები
 მართავენ ყველაფერს.

დავაქუცმაცებ დროს
 უმცირეს მარადისობებად
 და გასროლილ ტყვიას
 შევაჩერებ ჰაერში.

თუ მოვისურვე,
 არაფერიც არ მოხდება,
 ფოთოლიც არ გაიშრიალებს,
 ბალახის ღერიც არ შეირხევა.

არსებობს კი მსგავსი ქვეყანა,
 სადაც ბედი
 თავის ნებაზე მართავს ყველაფერს?!
 სად დროის ჯაჭვით
 აბამენ ნიშნებს
 და სინამდვილე მარადისია, თუ მოვისურვე?!
 წერის სიხარული.
 განმტკიცების შესაძლებლობა.
 შურისძიება –
 ხელის სწრაფი მოძრაობით გამოხატული.

მოზრენა

ამ გაზაფხულზე ფრინველები
კვლავინდებურად ადრე მოფრინდნენ.
რალა გახარებს?..

აღლოც არაა შეუმცდარი,
იგი მოტყუვდა.

გაუშტერდებათ ერთხანს თვალი
საბრალო ჩიტებს
და მერე თოვლზე ეცემიან,
იხოცებიან ტყუილუბრალოდ.

ლამაზი ხორხის და კლანჭების,
საქმიან გულის
და ნანლავების ლაბირინთების,
ნეკნების გემის
და ხერხემლის შესანიშნავი
ანფილადის მიუხედავად,
სამუზეუმოდ ვარგისი ფრთების,
მიუთმენელი ნისკარტების მიუხედავად
იხოცებიან,
იხოცებიან ტყუილუბრალოდ.

არ გეგონოთ, რომ ვგოდებდე.
მე აღვშფოთდი,
რადგან დავრწმუნდი,
რომ ანგელოზიც შექმნილია
კვერცხის ცილისგან.

სიმღერ-სიმღერით მიიწევს ცაში
ქათქათა ფრანი,
ხელიდან ხელში ისე გადადის,

თითქოს აერთებს ადამიანებს
ერთ მთლიანობად
და ისე იცვლის დროს და ადგილს,
ვით პერსონაჟი
კლასიკური ნაწარმოების.

მერე ეცემა,
ფრთების ფათქუნით და შხუილით
ქვასთან ვარდება
და არქაული უბრალოებით
ისევ შეჰყურებს მთელს ცხოვრებას,
ვით მთლიანობას –
ან უარყოფილს.

ალბომი

სიყვარულისთვის არ მოიკლავს თავს აღარავინ,
რაც იყო, იყო, გამქრალია ის დიდი მითი.
რომეოს ჭლეტი? ჯულიეტა? რის დიფტირიტი?
გელით სიბერე უდრტვინველი, გაუბზარავი.

არავითარი თავგანწირვა და დარდი შენზე,
ცრემლით დანამულ წერილებში პასუხი მკვეთრი,
ბოლოს ყოველთვის მოელიან მეზობელს კეთილს –
ხელში ყვავილი რომ უჭირავს და შვენის პენსნე.

ვინ შემალულა სიბნელეში ძველი კარადის,
როცა ოჯახში მიუსწრებდა საყვარელს ქმარი,
რისი ფანჯარა, რა ფანჯარა, არსებობს კარი...
ძველ სურათებზე წმინდანებად დარჩნენ მარადის.

სულში ერთხელაც არ გამკრთალა ბოსხი – წყეული,
სიყვარულისთვის არ მოუკლავთ თავი არასდროს,
კედებოდნენ, მაგრამ სხვა მიზეზით, უნდა გაგანდოთ,
–
ბრძოლის ველზე და საკაცეზე კვდომას ჩვეულნი.

ლამაზკულულა ექსტაზურ ქალს, ნატანჯს სიმწრითა,
იხსენებ, ფიქრობ, უცაბედად როგორ გაფითრდა,
იგი გაჰყვა სისხლის დენას, ისე გაფრინდა,
სინანულისგან, დარდისაგან გამოიწრია.

სიყვარულისთვის მოკვდა ალბათ დაგეროტიპი,
მაგრამ მათგან, ვინც ალბომშია, ვფიქრობ, არც ერთი,
იცხოვრეს დიდხანს, ერთფეროვან ყოფით გაცვეთილთ
ჰკლავდათ დღეების უაზრობა, ხოცავდათ გრიპი.

სარჩევი

მთარბმნელისაგან.....	3
ათანას ფეტი	
* * * (გამოვერიდეთ ბრბოს და სინათლეს...)	9
* * * (ალარ მოვუხმობ ჩავლილ სიხარულს...).....	10
* * * (როგორ მოხვედი, ვერცხლისფერო ღამეო...)....	11
* * * (ფარავდა წყაროს თხელი ყინული...).....	12
ალვა.....	13
* * * (ბურუსში გაქრა ხეივნის ბოლო...)	14
არ შეიძლება.....	15
* * * (ოდეს ოცნება უსაზღვრო და მიუტეველი...).....	16
* * * (მოგესალმები, ისევ მიყვარხარ...)	17
* * * (რა თავისუფლად ვსუნთქავ ღამით...).....	18
* * * (ყოველი განცდა ღამით უფრო გასაგებია...).....	19
* * * (გულო, ჩემო პატარავ...).....	20
* * * (ნისლი დაეცა ველებს შორეულს...).....	22
ავადმყოფი	23
* * * (ნუ მეკითხები, რაზე ვფიქრობ...).....	24
* * * (დრო რაც უფრო გვაშორებს...)	25
* * * (გუშინ ტყე თრთოდა უკანასკნელი...)	26
* * * (ჩამოშალა აკაციაშ...)	27
* * * (ნაძემა ტოტით წამიშალა გზა-კვალი...)	28
* * * (მთვარის შუქი იღვრება...).....	29
Romanzero	30
* * * (ცა, ტოტებიდან ჩამოჟონილი...)	32
* * * (ოდეს ვუცქერდი ვარსკვლავთა ციაგს...).....	33
ზმანება	34

პირველი შრომანი	35
მაისის ღამე.....	36
ციური ქალაქი.....	37
ბუხართან	38
სერენადა.....	39
* * * (მთვარე ანათებს ციურ უდაბნოს...)	40
* * * (სამხრეთის ღამე, ბულული თივის...)	41
* * * (მხიარულებას მონყურებული...)	42
* * * (მომიახლოვდი... ო, ვნება ღვივის...)	43
Nocturno	44
* * * (შორს თოვლიანი ჩანან ქედები...)	45
ახალგაზრდა მუხა	46
* * * (შორს მივდივარ – შორი გზითა...)	47
* * * (დამნაშავეა ჩემ წინაშე ხალხი? – ო, არა...)	48
წყარო.....	49
* * * (ბრწყინავდა ღამე მთვარის სხივებით...)	50
* * * (ასე დავშორდით, შორს ეხეტები...)	51
ვარსკვლავთა შორის	52
* * * (როს გაზაფხულზე წიაღი მიწის...)	53
* * * (თბილი ქარი უბერავს...)	54
მთის ხეობა	55
ბაღში	56
მონყენილობა	57
მატარებელში	58
* * * (მე ავადა ვარ, ოფელია, მზერა მეღლება...)	60
ნავზე.....	61
ექო.....	62
* * * (თითქოს ცხოვრება უკვალოდ გაქრა...)	63

სოფელი.....	64
* * * (ო, რა ღამეა...)	66
* * * (ჩუ... სძინავს ქალაქს, ქუჩები დუმან...)	67
* * * (გაზაფხულია, ხმა იდუმალი...)	68
* * * (გავიდეთ ბაღში, მეგობარო...)	69
ბებერი ბალი.....	70
ისევ მაისის დღე.....	72
* * * (ო, კიდევ დიდხანს იციმციმებს...)	73
* * * (როგორ მომბეზრდა ეს ლაყბობა...)	74
* * * (წვიმს, მიხარია...)	75
* * * (სული – კუნაპეტ ღამის მნახველი...)	76
* * * (გესმის თუ არა ფრინველთა ხმობა?)	77
* * * (ო, როგორ მიყვარს სიბნელეში სარკმელთან...)	78
მწვერვალი.....	79
* * * (მთვლემარე ტბასთან, ლერწმიანში აფრინდა...)	80
* * * (გადაიზარდა ჩრდილებში ჩრდილი...)	81
ა. ლ. ბრეესკაიას.....	82
ა. ლ. ბრეესკაიას.....	83
Alter ego	84
გაზაფხული სამხრეთში	85
* * * (მივემგზავრები, სიჩუმეს ერთვის...)	86

ვლადიმირ სოლოვიოვი

პრომეთეს.....	91
აღპებში.....	92
* * * (საბედისწერო დასასრული სიყვარულისა...)	93
* * * (ყარიბო მგზავრო, ჩამოვსხდეთ ერთად...)	94
* * * (გავიდა წელი, დაგტოვე დღეთა...)	95

* * * (მოჩანს სასახლე დარბაზოვანი...)	96
* * * (ეს სიცოცხლე თამაშია ლანდების...)	98
* * * (მშვენიერება ზეციური ზღვაში ინათებს...)	99
* * * (იქ, სიშორეში, გიხსენებ ჯერაც...)	100
* * * (თუმცა ჯაჭვებით უხილავით, მარადიულთ...)	102
* * * (უცხო ქვეყანა, მეტად უცხო მოჩანს ხედები...)	103
* * * (თვალი შეავლე, რა ვრცელია...)	104
ნანყვეტი	105
* * * (მიდიხარ, გული დარდით ავსილი...)	106
* * * (უცხო ქარიშხლის სულში შობილნი...)	107
* * * (უფრთებო სული მინის ტყვეა...)	108
ა.ა. ფეტს, 19 ოქტომბერი, 1884 წ.	109
* * * (მოჩვენებათა კრებულებით დაუსაბამოდ...)	110
* * * (მე ვიყავ მალლა, ქვევით კი ჩანდა...)	111
მოგილოცავ ახალ წელს	112
* * * (თუ სურვილები გაგვირბიან, როგორც...)	113
პანმონგოლიზმი	114
* * * (მე შეგიყვარე, შეგიყვარე, ო, უნაზესო...)	116
შობის ღამე	117
ნასულებს	118
სიყმანვილის მეგობარი	119
* * * (იყო მოხუცი სნეული დარდით...)	120
* * * (ისევ ამღერდა გული ბებრულად...)	121
* * * (რა დაგემართა...)	122
* * * (არ მსურს სიცოცხლე უამური და...)	123
უბრალო წინასწარმეტყველება	124
* * * (რასაც ჩვენ ვუმზერთ და მივაკვლიეთ...)	125
* * * (ზურმუხტისფერ თვალებს ვუმზერ შენსას...)	126

* * * (დღე მიიწურა, ამათა გაქრა იერი...)	127
* * * (ამაო სიტყვა, გრძნობა – სტუმარი...)	128
* * * (ო, მგობარო, არ მჯერა შენი...)	129

ანდრეი ბელი

ა.ა. ბლოკს.....	137
მე	138
ბედისწერა.....	140
ჩხუბი.....	141
შემოდგომა	144
ლამე და დილა.....	145
ზამთარი.....	146
პოეტი.....	148
გაქცევა	149
გზა.....	150
განდევნილი.....	151
მშვიდი დასვენება.....	152
ველად	153
ცხოვრება	154
ვლადიმირ სოლოვიოვი.....	155
ჩრდილოეთის მარში	156
შემოდგომა	157
მოგონება	158
არ მეშინია.....	160
მიტოვებული სახლი	162
მინდვრად.....	164
სერენადა.....	166
ქუჩაში.....	168

ვლ. სოლოვიოვის მიბაძვით.....	169
უიმედობა	170
ლიანდაგებზე	171

ალექსანდრ ბლოკი

* * * (მე ბნელ ტაძარში შევდივარ კრძალვით...)	177
* * * (ჩუმად გადიან დღეები, წლები...)	178
* * * (იხუფლებს ქარი მიუსაფარი...)	180
* * * (ისევ მაშინებს შენთან შეხვედრა...)	181
* * * (სამწირველოში თუმც დროებით ვარ...)	182
* * * (შენ ბევრს ცხოვრობდი, მე კი ვმღეროდი...)	183
რა საჭიროა	184
* * * (რა გაგვაჩნია წამების გარდა?!)	185
* * * (ჩვენ დაგვესიზმრა ცა ღრუბლიანი...)	186
* * * (სალამოს სხივი ციმციმებს შორით...)	187
* * * (თითქოს ვარსებობთ, მივდივართ, ლამის...)	188
* * * (გესმის? სოლვეიგ! ო, სოლვეიგ!)	189
* * * (ლამეული, გაფოფრილი ნისლი...)	190
განკითხვის ჟამი.....	192
* * * (ამა ცხოვრების ავანჩავანი...)	194
* * * (მივალ, უდაბნო მზით ავსებულა...)	195
ქალი.....	196
* * * (ევლავ მიმეორებ, რომ ვარ ცივი...)	198
* * * (აშრიალდნენ შელამების ჩრდილები...)	200
* * * (შენ არასოდეს არ იქნები ჩემი ან სხვისი...)	201
* * * (ცას თოვლის ბინდი ერთვის...)	202
* * * (გარდავიცვლებით და დაგვმარხავენ...)	204
* * * (განთიადზე არ ჩანს გზები...)	205

* * *	(ვიცი, საბრალოვ, რომ მძიმე ტვირთის...)	206
* * *	(როცა ღამეა ბნელი, უმთვარო...)	207
* * *	(ისევ მოვედი, ისევ ბინდია...)	208
* * *	(თოვლიან ბინდში შავი ყორანი...)	209
* * *	(ისევ მკრთალია სხივთა თამაში...)	210
* * *	(დღე მოვა, როგორც წამი მოლხენის...)	211
* * *	(იყო საღამო შემოდგომის და წვიმდა ისევ...)	212
* * *	(შენი სახელი ვიცი მაცდური...)	213
* * *	(კვლავ აფთიაქი, ქურა, ფანარი...)	214
* * *	(მე ვუერთდები ჩრდილებს საშინელს...)	215
* * *	(რა უცნაური სანახავია...)	216
	მეორე ნათლობა	217
* * *	(ლოდინში გადის უამი მშიშარა...)	218
* * *	(იგი მოვიდა და მოინდომა...)	220
* * *	(ცისფერთვალა უფალს გაუჩენია...)	221
* * *	(შენ, მოჩურჩულე სიტყვით შობილო...)	222
* * *	(თეთრი ხარ, როგორც თოვლი პირველი...)	223
	მუზას	224
* * *	(კვლავ სიჭაბუკე თავისებური...)	226
* * *	(დღე მიიღია, ქრება ნათელი...)	227
* * *	(ბრუნავს ქვეყანა, წლები გადიან...)	228
* * *	(ომის ხანძარი გრძელდება ისევ...)	229
* * *	(შენს წმინდანობას...)	230
* * *	(როგორც სურვილი, იზრდება სახლი...)	231
* * *	(ნახვედი, მაგრამ სუმბულებს გაშლილს...)	232
	დემონი	234
	კუნძულზე	236
* * *	(ქრება, ინთება და მიმზიდველი...)	238

* * * (ჩემი ფიქრები...)	239
* * * (შენ მიიმალე, მინა შეიძრა...)	240
* * * (ისე მეცნობა შენი ხატება...)	241
* * * (მე ბებერ მინას მივაყურადე...)	242
* * * (რა საამოა ქარიან ღამით...)	243
* * * (ღამით ჩასახულს, ღამით გაჩენილს...)	244
ბოდვა.....	246
ნება შემოდგომისა.....	248
თოვლის ქალწული	250
შემოდგომის სიყვარული	252
შემოდგომის დღე	253
როკვანი შემოდგომისა	254
სარკმელი ეზოში	256
* * * (ის აღარაფერს აღარ ელოდა...)	257
* * * (დაცლილი ქურჩა...)	258
ისინი კითხულობენ ლექსებს	259
* * * (თეთრ ღამეებთან დავრჩები მალე...)	260

რადნარ მარია რილკა

შესავალი	265
გოგონებზე.....	266
სიგიჟე.....	268
მუსიკა.....	269
ადამიანები ღამით	270
მეზობელი.....	271
მარტოსული	272
მოგონება	273
ხარება.....	274

სერიოზული წუთი.....	276
ხ მ ე ბ ი.....	277
მათხოვრის სიმღერა.....	278
ბრმის სიმღერა.....	279
ლოთის სიმღერა.....	280
თვითმკვლელის სიმღერა.....	281
ქვრივის სიმღერა.....	282
იდოტის სიმღერა.....	283
ობლის სიმღერა.....	284
ჯუჯის სიმღერა.....	285
კეთროვნის სიმღერა.....	286
მჭვრეტელი.....	287
დაბრმავებული ქალი.....	289
კრებულიდან მარიამის ცხოვრება მწყემსთა ხარება.....	290

ბეორბ ჰაიმი

ოფელია.....	297
ქალაქთა შერისხვა.....	299
ქალაქის ღმერთი.....	300

ტუდორ არბუზი

სიმღერა.....	305
დაბრუნება.....	306
სიუხვე.....	307
ფსალმუნი.....	308
გარდასახვა.....	309
ფსალმუნი.....	310

სიმღერა დუდუკზე.....	312
სიმღერა დუდუკზე.....	314
Morgenstimmynგ.....	316
ფსალმუნი	318
გემუდარები, გამილე კარი.....	320
ფსალმუნი	323
არქეოლოგია	324
დაკარგული ფურცლები	325
ფანქრით ჩანახატი	326
ტინკა.....	328
* * * (რაზე ვიდარდო?!).....	330
მონასტერი	332
სოფელი.....	333
დღე-ღამის ზღვართან.....	334

ვისლავა შიმგორსკა

იგავი	339
ჩრდილი.....	340
დაკარგულ საგანთა ბიუროში ნათქვამი	341
ქვასთან საუბარი.....	342
ფილმი – სამოციანი წლები	345
ატლანტიდა	348
ძალიან სასაცილო	350
სიტყვა.....	352
სიცოცხლე დაუყოვნებლივ.....	353
მეხსიერება ბოლოს და ბოლოს	356
ბაბილონის გოდოლი	358
საკუთარ თავზე ცუდი შეხედულების შექება.....	359

* * * (ახლო ვარ მასთან...)	360
მეგობრებს.....	363
* * * (ისე მარტონი იყვნენ ხშირად...)	364
ვაშლის ხე.....	366
წერის სიხარული	368
მოფრენა.....	370
ალბომი.....	372